

顧亭林先生年譜

市林先生中年以前小像



第七世祖林璋德公處本道州桂寧何長編敬奉

顧亭林先生年譜

謹案 本朝學業之盛亭林先生實曠啓之而洞古
今明治要學識該貫卒亦無能及先生之大者聞桐
城胡維君虔嘗爲先生撰次年譜惜未之見大興徐
丈松鈞稽各書依年排纂已寫有定本會何太史紹
基自金陵來攜有上元車明經守謙號秋舫所輯譜互
用勘校車氏差詳蓋車氏本之崑山吳廣文映奎號銀
帆而吳氏又本之先生撫子衍生也徐丈欲更事釐
訂以出守榆林未遑穆乃不自揆度比而敘之綜兩

譜之異同究大賢之本末世之景行先生者尙其有
攷於斯道光二十三年五月朔日平定後學張穆記
明萬厯四十一年癸丑五月二十八日先生生

先生初名絳更名繼紳後仍名絳字忠清

元譜案復社姓穆

氏崑山弟六人
顧絳字忠清

乙酉後更名炎武

徐譜閩百詩與劉超宗書作炎午穆

案山東通志采先生文亦作炎午

字寧人學者稱亭林先生

元譜華亭東南

三十五里有顧亭林湖其南有顧亭林陳顧野王嘗
居此修輿地志因以爲名其地今爲寶雲寺穆案
輿地紀勝嘉興府古蹟有顧亭湖在華亭縣南三十
五里舊經云黃門侍郎顧野王居此無林字又海鹽
縣東有顧林亭有陳顧野王讀書堆東坡顧林亭詩
云平林豈舊物歲晚室扶疏云云唐詩云平林標

大道曾是野王居云云宋輝詩云昔時高士宅今日
荒王居云云林亭字凡兩見皆不作亭林然據下所
引東坡詩云平林豈舊物唐詢詩云平林標大道似
乎華亭海鹽兩縣境內皆有一亭因野王納稱瀨水
則曰顧亭湖傍樹則曰顧亭林傳鈔誤倒作林亭爾
近志於湖上竝增林字亦誤也至宋輝梵王居云云
則又與華亭之寶雲寺其事適同不知輝即指華亭
故蹟而象之誤繫之海鹽下否 又案宋嘉祐六年
法雲寺重修大殿記第一行題云大宋秀州華亭縣
顧亭林法雲寺重修大殿記此顧亭林三字之見於
石刻 又嘗稱名曰圭年 元譜康熙中題吳縣李淮溪
侍御詩署名曰圭年謙案歛
者 孝廉程易疇瑤田云嘗見萬年少自跋所作秋江別
思圖送先生由淮陰渡江歸唐市謂顧子名圭年自
云余再轉注 亦或署蔣山傭 元譜謙案蔣山即鍾山
後更名神烈山先生嘗
而得此名 僑居山下也 穆案江藩漢學師承記庚寅有怨家
欲陷之偽作商賈變姓名爲蔣山傭又鄒平縣志前

人欲速成
中法自不
曾大文德
亦十數

見史部類編卷之
卷之四十五
中國事七

塘內有舍經堂園中有古樟一株因名得樹園蓋徐氏鼎貴後父子兄弟各營第宅不復與顧氏為鄰矣厥後健庵兄弟欲迎先生南歸以別業居之殆指金童園亭歟自慶而下十二世至

明正德間曰南京工科給事中廣東按察使司僉事

漆

譜系攷漆字梁卿號小涇正德庚午舉人辛巳進士

刑科給事中濟

譜系攷濟字舟

卿號思軒正德丙子舉人丁丑進士歷官行人刑科

給事中何紹基案類姓登科攷於顧漆注崑山縣

人顧濟顧章志願紹芳皆注太倉州人穆案鈔書

自序先高祖為給事中當正德之末又衍生繕寫書

目有思軒公諫垣疏一卷又蘇州府志給刑科生兵

事中顧濟第在崑山縣尚書浦西蔣涇

部侍郎章志

譜系攷章志字子行號觀海嘉靖丙午舉人癸丑進士歷官行人行人司副行

人司正刑部員外郎中江西饒州府知府湖廣廣西

按察司副使貴州布政司參政貴州山東按察司按

有處集
行述
卷之四十五
中國事七

山林病代有
 二十四卷
 昇天十六卷

察使南京光祿寺卿應天府尹南京兵部右侍郎贈
 都察院右都御史 徐譜南京朝天宮後有侍郎公
 祠又日知錄云余家有嘉靖年間買地文契蓋在侍郎
 公時又涪溪碑歌序云萬厯元年先曾祖官廣西按
 察副使 穆按衍生繕寫書目有觀海公船政疏一
 卷又車譜云章志字行之據譜系攷作子行當是車
 誤又鈔書自序嘉靖間家道中落先曾祖繼起爲行
 人使嶺表而倭闌入江東郡邑所藏之書與其室廬
 俱焚無才遺焉泊萬厯初而先曾祖厯官至兵部侍
 郎中間厯方鎮三四清介之操雖一錢不以取諸官
 而性獨嗜書往往出俸購之 侍郎生左贊善紹芳
 厯丙子舉人丁丑進士翰林院檢討經筵日講官左
 春坊左贊善兼翰林院編修管理制誥贈左春坊左
 庶子 車譜紹芳選庶吉士移疾歸起補檢討父喪
 服除進經筵日講官遷左贊善後移疾歸不兩年卒
 年四十七 穆案鈔書自序祖贊善公文集至數百
 篇衍生繕寫書目有學海公寶庵集十二卷靜志居

李賓瑤見懽園集曰公清修篤學負東南重望蘇州府志文苑門同應生十歲而孤哀毀如成人長而穎敏好學精舉子業工詩文爲諸生七試不售兩中副榜卒年四十二性濶達家雖貧好施與卒之日戚友哭之幾於罷市所著有藥房秋嘯等集明詩綜引王平仲語云仲從詩詞濶意遠有白雲自出山泉冷然之娶何氏穆案懽園集先妣顧太夫人行述曰母何致娶何氏夫人淹洽書史爲女工師舅母朱僑入壽序曰何夫人性嚴重嘗竟日不言獨愛讀書又曰自外祖賓瑤公未仕捐館外祖母以未亾人支持門戶荼苦百端家兄孚若詩集序同應之子五先生其仲外王母何夫人知書有識鑒也穆案同應五子長曰細字遐篆次卽先生次曰紆字子嚴次曰續字子叟次不知其名字子武先生一女兒一女弟皆孀於徐文兄生履忱女弟生健庵兄弟又一女兒嫁陳皇士濟生健庵寄皇士太僕詩注太僕夫人余從母也是也然元譜稱健庵太夫人爲先生弟五妹又有仲姊適馬氏則女兄弟之可考

者亦四
人也
紹芾生同吉早卒
元譜謙案同吉字仲逢崑新合志謂其早卒無子產

頗聘王氏未婚守節撫先生為嗣
徐譜貞孝之歸顧當在萬厯二十九

年辛丑其年貞孝十六歲
車譜貞孝太僕寺卿字孫女諸生述女事載明史本傳及餘集先妣王碩人

行狀

四十三年乙卯三歲

先生患痘頗危及脫痂左目為眇
元譜謙案全謝山神道表謂先生雙

瞳子中白而邊黑見者異之不言眇也或有雲翳未可知弟元譜係衍生所作不應有誤故仍之

是年本生父賓瑤公中式副榜
元譜知縣陳君祖苞

拜於貞孝之廬
穆據行狀補進士履歷便覽祖苞字令威海鹽人萬厯癸丑進士歷官

順天巡撫明史
附顏繼祖傳

四十四年丙辰四歲

七月先生第五妹生
穆補 憺園集先妣行述吾母生於萬厯丙辰七月二十八日

未時

四十六年戊午六歲

春白氣亘天自東而北
元譜 穆案三朝紀事闕文序自臣母授臣大學之年而東方

兵起白氣亘天明
年三月覆軍殺將 夏四月

大清兵克撫順七月克清河堡
徐譜

貞孝以大學授先生
元譜 賓瑤公鄉試又中副榜
徐譜

冬十一月蠡源公配李碩人卒

元譜 穆案碩人有兄名箕見先生

所作先
妣行狀

四十七年己未七歲

二月經略楊鎬誓師於遼陽總兵官李如柏杜松劉綎
馬林分道出塞三月甲申杜松遇

大清兵於吉林崖戰死乙酉馬林兵敗於斐芬山兵備
僉事潘宗顏戰死庚寅劉綎深入阿布達里岡戰死六
月

大清兵克開原馬林敗沒

徐譜

先生就塾

元譜徐譜日知錄云愚幼時四書本經俱讀全注

四十八年庚申八歲

秋七月神宗崩光宗立甫一月崩熹宗立時朝議欲以

明年爲泰昌元年左光斗請以七月以前爲萬厯四十

八年八月以後爲泰昌元年從之

元譜

本生母弟紆子嚴生

元譜謙案崑新合志紆字子嚴同應弟三子少負經濟才明

後絕意仕進隱居干墩舊廬居喪哭過哀目遂盲秉性耿介兄炎武講學秦晉間屢徵不赴紆寓書益相砥礪甥徐乾學兄弟勢望方隆紆獨養高自重華陰王宏撰稱其闇修於不見不聞之地不愧隱君子

天啟元年辛酉九歲

三月

大清兵取瀋陽遼陽

徐譜

先生讀周易

元譜

季弟續子安生

徐譜案子安妻朱氏健庵有舅母朱

孺人壽序

二年壬戌十歲

正月

大清兵破西平堡取廣甯

徐譜

蠡源公命先生讀古兵家孫子吳子諸書及左傳國

語國策史記

元譜 穆案三朝紀事闕文序天啟初元遼陽陷者崇明安邦彥並反其明年

廣甯陷山東白蓮教妖民作亂一日臣祖指庭中梓
根謂臣曰爾他日得食此幸矣遂命之讀古兵家孫
子吳子諸誓及左傳
國語戰國策史記

先生程正夫詩序余自少時侍於先王父其終日言
而無擇者皆祖考之世德鄉先生之行事徐譜

三年癸亥十一歲

蠡源公以資治通鑑授先生

元譜 穆案鈔書自序
先祖自炎武十一歲即

授之以溫公資治通鑑曰世人多習綱目余所不取
凡作書者莫病乎其以前人之書改竄而爲自作也
穆案先生所作先妣行狀吾母居別室中晝則紡績
夜觀書至二更乃息尤好觀史記通鑑及本朝政紀

諸書而於劉文成方忠烈于忠肅諸人事自炎武十數歲時卽舉以教

四年甲子十二歲

始習科舉文字

元譜 穆案三朝紀事闕文序臣祖故所與往來老人謂臣祖曰此兒頗

慧何不令習帖括乃爲是淵遠者乎於是令習科舉文字已遂得爲諸生

五年乙丑十三歲

時有納穀寄學之例蠡源公以先生天資穎異合早

取科名遂爲先生應例

元譜 謙案明時寄學才經提學考取歲試後準作附生

六年丙寅十四歲

為居泊快書案
 日記胡為居
 同慶年十三歲
 年計四十四歲
 同慶年為年
 十二歲何不和
 者為是

讀通鑑畢讀書詩春秋 麻城周提學邦基取入本

學二十二名庠名繼紳

元譜先生入學在十三歲謙案先生撰寇公墓志謂天啟

六年寇公為蘇州知府某年十四以童子見公被一言之獎云云則入學當是十四

入復社

有名

徐譜常熟王峻次山作先生傳年十四為諸生入復社有名松案吳應箕所編復社姓氏目錄

前卷崑山縣入社者十八人先生名在第六先生乙卯歲孫徵君葬詩引云適吳中有傳示同社名氏者感觸之意遂見乎詞 穆案靜志居詩 賓瑤公卒

先生居降服憂

元譜

先生荅徐公肅書云幼時侍先祖自十三四歲讀資

治通鑑後即示之以邸報

徐譜

崇禎元年戊辰十六歲

陝西饑流賊大起

徐譜

歲試惠安陳提學保泰未發落卽告病去祇取賞卷

蔡復襄以下十二人先生未與

元譜

先生與潘次耕書云自庚申至戊辰邸報皆曾寓目

徐譜

穆案三朝紀事闕文序先帝卽位天下翕然以爲中興更化之主無復向時危迫之意又當先帝頒孝經小學釐正文字之日臣乃獨好五經及宋人性理書

而臣祖乃更誨之以爲士當求實學凡天文地理兵農水土及一代興革之故不可不熟究

三年庚午十八歲

六月流賊陷府谷

徐譜

六月科試上虞李提學懋芳拔先生卷列一等二十

名

元譜

是年先生當應鄉試日知錄載是年應天鄉試題舉

直錯諸枉能使枉者直以媚奄諸臣初定逆案也

徐譜

穆案是年先生弟五妹歸同邑太僕少卿徐君應聘

之孫開法

應聘萬厯癸未進士翰林院檢討開法字茲念號坦齋恩貢生時年十七

四年辛未十九歲

八月

大清兵圍大凌城閏十一月登州游擊孔有德反

徐譜

二月歲試李提學連任先生卷列一等十一名仍更

名絳 元配太倉王孺人來歸

元譜

是年甥徐乾學生

徐譜乾學字原一號健庵官至刑部尚書

五年壬申二十歲

正月孔有德陷登州九月流賊連陷山西州縣

徐譜

三月歲試鄰水甘提學學潤拔先生卷列一等十四

名

元譜

六年癸酉二十一歲

二月流賊犯畿南河北七月

大清兵取旅順十一月流賊渡河陷澠池諸縣分掠南

陽汝寧遂犯湖廣

徐譜

正月科試甘提學連任先生名列三等

元譜

本生母

兄緝遐篆中式順天舉人

元譜謙案崑新合志緝天才俊逸世傳其兩京賦埒

平子時務策比長沙年未四十卒

徐譜緝以天下

多故好言兵事舉鄉試一上公車而卒見健庵舅母

朱孺人壽序細有同年長沙陶汝鼎見先生楚僧元瑛談三十年來事詩注穆案靜志居詩話陶汝鼎字仲調壯歲好游自吳入越晚際此難出監軍事捍禦鄉邦有力

是年甥徐秉義生徐譜秉義字彥和號果亭官至內閣學士

七年甲戌二十二歲

正月賊自鄖陽渡漢連陷紫陽平利二月陷夔州六月

賊降復叛陷所過州縣七月

大清兵入上方堡至宣府十一月賊自陝西分犯河南

江北湖廣徐譜

巡按御史祁君彪佳表於貞孝之門穆據行狀補彪佳字宏吉浙

江山陰人

明史有傳

是年錫徐元文生

徐譜元文字公肅號立齋官至文華殿大學士

八年乙亥二十三歲

正月賊陷鳳陽六月賊復走陝西七月賊復東犯十一

月賊陷陝州攻洛陽

徐譜

六月歲試上虞倪提學元珙置先生卷二等

元譜

九年丙子二十四歲

五月賊復入陝七月

大清兵入塞八月東歸

徐譜

六月科試倪提學連任置先生卷二等

元譜

是年先生當應鄉試日知錄載是年應天鄉試春秋題宋公入曹以曹伯陽歸先生譏其以公孫彊比陳

啟新曹伯陽比思陵非所宜言大不敬

徐譜

巡按御史王君一鶚具題貞孝事狀奏旌其門報可

元譜謙案貞孝受旌在九年見先生康熙十八年與史館諸公書縣志亦同元譜列入十年誤

穆案先生所作先妣行狀貞孝請旌之歲已齒文會

知名且十年

十一年戊寅二十六歲

九月

大清兵入塞

徐譜

二月歲試濰元提學煒置先生卷三等 十二月科

試元提學連任仍置三等

元譜

穆案是年冬蘇州府承天寺浚井得宋鄭所南所藏

心史鐵函巡撫張國維刻其書又爲所南立祠堂詳

見先生所作井中心史歌序

閻潛正曰有偽書出近代佐證分明苟一言及

輒譁然起被以大不韙之名且以寧可信其有者莫過史彬之致身錄鄭所南之心史一爲史兆斗所撰

一爲姚士粦所撰前說余徵諸牧齋後說聞諸曹秋岳云又與公肅甥書憶昔時

邸報至崇禎十一年方有活版自此以前竝是寫本
十二年己卯二十七歲

正月

大清兵入濟南德王由樞被執二月

大清兵北歸

徐譜

七月城固張提學鳳翮覆試科舉先生取遺才二等

元譜

先生撰肇域志始於是年見自序又郡國利病書序

云崇禎己卯秋闈被擯退而讀書

徐譜

十三年庚辰二十八歲

九月張獻忠陷劍州

徐譜

四月邑中修葺文廟先生與葉秀才奕荃歸秀才莊

重新兩廡木主而正其位次

元譜謙案崑新合志奕荃字元暉一字水修由

諸生入太學性剛直好義工詩古文詞師事劉宗周徐石麒陳龍正講求性命之學尤究心邑政刊焚乙酉夏以父柩杭州闕遇國變藝星往省還至嘉善爲亂民所戕覓其尸不得以衣冠葬之莊字元恭爲諸生博涉羣書乙酉後以命難髮僧裝稱普明頭陀後乃廬金潼里先墓側生平最善顧炎武以博雅獨行相推許而俱不諧於俗有歸奇顧怪之目 移案先生書孔廟兩廡位次攷後歸生名莊更名祚明工艸隸爲東

吳高士

十二月歲試張提學連任置先生卷二等

元譜

先生荅徐公肅書憶昔庚辰辛巳之間國步阽危方
州瓦解而老成碩彥品節矯然下多折檻之陳上有
轉圜之聽思賈誼之言每聞於論旨烹宏羊之論屢

見於封章

徐譜

十四年辛巳二十九歲

正月李自成陷河南殺福王常洵遂犯汝州城陷知州
錢祚徵不屈死張獻忠陷襄陽殺襄王翊銘十一月李

自成陷南陽殺唐王聿錡

徐譜

是年大旱

元譜

二月蠡源公卒先生居承重憂

元譜 穆案三朝紀事闕文序臣祖父某

年五十一而始抱臣炎武為孫先妣行狀貞孝請旌之歲先王父年七十有四則蠡源公之卒也年七十

九十月葬蠡源公及元配周碩人繼配李碩人於

司馬賜塋之穆位

元譜

將葬既祖奠火作於門里人救

之得息

徐譜按健庵作舅母朱孺人壽序述此事云家難復作室廬失火被焚

十五年壬午三十歲

二月

大清兵克松山下錦州五月張獻忠陷廬州九月李自

成決河灌開封城陷十一月

大清兵入薊州連下畿南山東州縣徐

兄遐篆卒弟子嬰生子洪善嗣遐篆後

元譜記遐篆卒於順治十

一年甲午穆案遐篆中式崇禎六年癸酉舉人健庵稱遐篆舉鄉試一上公車而卒歸元恭送先生北游序稱崇禎之末祖父蠶源先生暨兄孝廉捐館健庵為顧氏甥元恭與先生總角至交皆不當有誤又崑新合志稱遐篆年未四十卒若卒於甲午則先生之年且四十有二矣推尋其故元譜蓋譌歲壬午為歲甲午耳今為刪正即以子嬰生子洪善之年為遐篆逝世之年與各書所言乃一一符合也
謙案洪善字達夫號柏亭康熙丙辰進士官中書年未四十卒

十六年癸未三十一歲

正月李自成陷承天五月張獻忠陷武昌八月陷湖南

諸郡十月李自成破潼關遂陷西安延安諸郡

徐譜

夏釋承重服循例入成均

元譜案例貢自萬厯間始

子叟生次

子洪泰

元譜穆案健庵舅母朱孺人壽序教二子達夫來白皆有聲鄉校來白當卽洪泰之字

蓋亦諸生矣

先生謫觚序僕自三十以後讀經史輒有所筆記

徐譜

十七年甲申十月朔爲

大清順治元年三十二歲

正月張獻忠寇四川二月李自成陷太原遣別將犯畿

南陷真定李自成陷寧武關三月陷京師

徐譜

十九日明

莊烈帝崩於宮中萬壽山中元譜謀案陳濟生再禮局生紀略謂在山之紅

閣御元色鑲邊白絲綢半四月二十九日李賊西走五臂紅閣蓋建以復內操者

月三日

王師入睿親王攝政元譜恭案世祖章皇帝時甫七齡駐蹕盛京九月入關十

月朔御極是月初一日明鳳陽總督馬士英等迎立定鼎京師

嗣福王由崧於南都仍稱崇禎十七年以明年乙酉為

宏光元年元譜

四月先生率家人侍母遷居常熟之唐市元譜謀案常昭合志

唐市舊名尤涇在雙鳳鄉去縣東南三十里又東南則崑山界十月歸千墩被劫十

二月復遷居常熟之語濂涇

元譜謙案常昭合志語濂涇黃涇東北入尤涇

穆案先生撰先妣行狀兵入南京炎武奉母僑居常熟之語濂涇介兩縣之間又從叔父穆庵行狀語濂涇去干墩入十餘里又憺園集兄季若詩集序舅氏亭林先生避兵常熟之窮村兄往依之朝夕討論故詩日益工又案望雲樓帖刻先生手札云醉德無何忽云改歲兄今其脫然愈乎弟則馬學士所云百憂熏心三冬少暇往日之舉犯而不校逆獸已無所用其魚然今乃黑夜令人縱火焚佃屋一所弟既蕩無一椽僕輩亦瞻烏靡集夫行強雖武士之恒談火攻則兵家之下策况於臨池之畏寶爲扇焰之謀包藏禍心日甚一日公宮之火先告於寺人陵門之戟首誅平元濟燎原之惡已盈自焚之禍行及布諸左右憑楮愴然元恭仁兄足下弟絳頓首所云黑夜縱火不知卽指干墩被劫事否時尙未更名炎武則與葉方恒構釁一案無涉也未得其實附記於此

崑山令楊君永言應南

都詔列薦先生名於行朝詔用為兵部司務元譜永言字岑

立昆明人崇禎癸未進士崑城破後走陳墓詞事彌月知不可為復入黃浦依吳帥吳敗祝髮殊逕萬壽庵中釋名蠟雲旋入中峯後入金華歸滇卒勝朝徇節錄稱其徇乙酉之難追諡忠節誤

先生編年詩起是年有大行哀詩一首感事詩六

首徐譜按感事詩云日角膺符早天枝主鬯臨安危宗社計擁立大臣心謂南都擁立福王之事

其年四月乙酉魏國公徐宏基等迎福王於江浦丁亥百官迎見王素服角帶哭五月庚寅王行告天禮升殿徐宏基跪進監國之寶王受訖大赦戊戌羣臣勸進箋三上王許之王寅即皇帝位改元宏光先生詩所謂告天傳玉冊哭廟見諸侯詔令屯雷動恩波解澤流也詩又云上宰承王命專征指大江出關收漢卒分陝寄周邦又云登壇推大將國士定無雙謂史可法以東閣大學士督師揚

州又云聽律音非吉焚旗火乍紅自注云六月壬午督師標下兵與浙江兵鬪於鎮江西門外焚民居數百家標下兵者先生聖安皇帝本紀所云標下總兵官于永綏等兵也

二年乙酉南都宏光元年三十三歲

五月初九日

王師渡江初十日夜宏光帝出走十五日

王師入南都明亡

元譜

春膺楊永言之薦至京口 四月偕從叔父穆庵赴

南京

元譜謙案崑新合志穆庵名蘭服字國驥紹芳從子以諸生入太學才名著一時明亡後棄儒

業永麻稱號南中遣使授冠帶辭疾不赴遁跡田野以醫濟人先生餘集有從叔父穆庵府君行狀寓

朝天宮因拜先兵部侍郎公祠

元譜謙案詩集誤編拜祠詩入辛卯年穆

案此年拜祠事有金陵襍詩記得尙書巷一首拜祠足證辛卯年再至金陵而再拜之何云誤也

畢卽歸語濂涇

入字穆應補

是年貞孝年六十五月朔同

邑歸莊嘉定吳其沆及從叔父穆庵姊子徐履忱持

觴登堂爲母壽退而飲至夜半旦日別去

徐譜事見吳同初行

狀

穆案行狀貞孝誕辰爲六月二十六日而稱觴

乃在五月朔者蓋卽生日不受賀之義先生所終身

秉承者也其沆字同初少先生七歲履忱字孚若先

生伯姊之子生於崇禎二年時年十七與健庵爲再

從兄

將復詣闕未旬日而南都陷先生從軍至蘇州

元譜

徐譜時

大清兵已定江浙大軍駐金陵一

軍駐蘇一軍駐杭一軍駐沿海吳松等處有明江南

總兵吳志葵者吏部主事夏允彝門人也頓兵海上
又有十將官者屯兵陳湖中與湖旁諸生陸世綸等
各有衆千餘閏六月十日明兵科給事中陳子龍舉
人徐孚遠章簡聞南都不守起兵松江與陳湖兵合
允彝又入志葵軍爲之馳書檄聯絡士大夫華亭則
總督兵部侍郎沈猶龍下江監軍道荆本徹中書舍
人李待問嘉定則左通政司侯峒曾進士黃淳耀總
兵蔣若來崑山則鄭陽撫臺僉都御史王永祚編修
朱天麟吳江則職方吳易總兵主蜚太倉則總兵張
士儀宜興則行人盧象觀等互爲聲援先生與楊永
言吳其沆歸莊皆佐王永祚軍諸軍謀以松江兵攻
杭嘉定太倉兵攻沿海宜興兵趨南京約伏臘江中
獨吳志葵先進向蘇州俟蘇州捷音至起日同發先
生詩云千里吳封大三州震澤通戈矛連海外文檄
動江東卽赴吳時事也志葵既薄蘇州參將魯之璵
以三百人先登斬胥門而入大清兵匿騎於學宮
俟其退擊之殲焉旣而松江被陳子龍走蘇定陷侯
峒曾死先生遂歸而崑山兵起死者四萬人吳其沆

與焉楊永言遁之蘭谿
惟先生與歸莊得脫
六月仍歸語濂涇
元譜按先生餘集有

云吳中諸縣並起義兵自守而余以母在獨屏居水
鄉不出自六月至於閏月無夜不與陳君露坐水邊

樹下仰視月食遙聞火礮云云是崑邑
守城事先生一不與謀故後得免於難
閏六月十

五日崑山士民閉城拒守
元譜先是五月初七日以後居民聞王師已入南都

紛紛移遁四鄉而張浦萊霞安亭諸村鎮奸民乘機
劫掠縣令楊永言以二十二日盡放獄囚至月杪郡

中大吏及守令皆先期遁六月初七日豫親王方駐
金陵遣刑部侍郎李延齡巡撫土國寶統兵沿蘇新

郡守王鎮發安民榜至崑並取國籍永言棄印潛逃
於泗橋陳宏勳家水利縣丞閻茂才偕邑紳耆老於

初八日赴胥門納款十二日院遣郡人周荃來崑安
撫十八日以茂才知縣事閏六月十一日薙髮令下

十三日茂才出示薙髮且親持名刺謁縉紳城中大
譁焚縣治殺茂才十五日貢生陳大任等議推舊狼

山總兵王佐才為主帥十七日楊永言及陳宏勳等亦以所募兵數百人入城永言遂為監紀仍知縣事偕城中紳士裹糧移檄為久守計七月初二日王師東下越二日縣西真義村兵出迎戰敗績初五日黎明王師渡濠十六日丙申月食既星流竟夕

元譜見日知錄星隕

如雨注而系以甲申年閏六月按甲申無閏當是記憶偶誤耳

明靖虜伯鄭鴻逵戶部主事蘇觀生奉唐王聿鍵如閩

黃道周張肯堂等奉聿鍵稱監國六月丁未即位於福

州改元隆武

元譜

魯王以海亦稱監國於紹興

徐譜

七月初六日巳刻

王師下崑山城

元譜

先生生母何

太孺人被游騎斫右臂折弟子斐子武並遭難子斐

妻朱氏引刃自刺其喉僵臥瓦礫中得免穆補曰

朱大猶人等序歲在己酉王師南下眾議登陴守

禦紛紛挈家避去何夫人曰老嫗婦必死於此子與

子武兩舅與舅母俱不敢去朱幾城被兩舅並遣難

舅母朱夫大知事急引刀刺其喉氣息纔屬僵臥

礫中死者衆衆何夫人守婦尸不去俄游騎過斬何

夫人右臂損折久之朱夫人得甦起覓其姑悲不自

勝手裂舊襦爲姑裹縫重傷復自塞其頸相抱匿廡

下破屋以免越日挾掖登舟出城外外祖母嘗稱曰

孝婦孝越九日王師復下常熟貞孝於十四日聞

變卽絕食至三十日乃終遺命堯生勿更出仕元譜

案先生撰先妣行狀七月乙卯崑山陷癸亥常熟陷

吾母聞之遂不食絕粒者十有五日己卯晦而吾

母卒八月庚辰朔大斂又明日而兵至矣遺言曰我

無負世世國恩無忘先祖遺訓則者可以感於地下
穆案元譜九日作並日以行狀及卯至癸亥推之
知二字誤本四日作二十四日以行
狀癸亥至巳卯推之知立字衍也

唐王遙授先生兵部職方司主事元譜九月至嘉定

過吳其沆家徐譜據同初行狀先生往孔三過其居戊
子年寄薛案詩云只有延陵心尚持姑

蘇樹亦謂其沆也十二月十九日權厝貞孝松於司馬塋

東偏元譜

是年詩有京口卽事二首徐譜案是年史可法駐
揚州高傑移地瓜州宏

光命可法諭四鎮厲兵秣馬駐防河淮克期進師
可法檄諸鎮出兵高傑首率命渡泗水斬邵王之
軀前驅陳維揚可法進次河上先生京口卽事詩
云白羽出揚州黃旗下石頭云夫將臨江日甲

初平詩集卷四
詩一首

原望捷時皆

京闕篇一首金陵雜詩四首

徐譜先生金陵

是年正月事

雜詩云重開百五日遙祭十三陵謂是年三月癸

巳遙祭諸陵也又正殿虛楹寢一首蓋謂宏光自

去年命選淑女至此年四月又

元譜各

選於元輝殿規輒之意深矣

千里一首

詩皆五

月以秋山二首表哀詩一首奉先妣棄葬詩一首
前作

是年作軍制論形勢論田功論錢法論

三年丙戌三十四歲

三月唐王督師黃道周舉兵至徽州戰敗被執不屈死

唐王將入贛州鄭芝龍使軍民遮留不得行乃駐於延

平十月明兩江總督丁魁楚廣西巡撫瞿式耜等立桂

王於肇慶府以明年為永祿元年徐十月王師下

建甯延平等府唐王走汀州執而殺之元明大學士蘇

觀生又立唐王弟聿錞於廣州改元紹武十二月王

師入廣州殺聿錞徐

五月先生祖庶母黃氏卒十月十二日命家人趙

和等遷居元諸未詳將往閩中赴職方之召以母

喪未葬不果行元

是年詩有延平使至一首海上四首不去三首移

池北偶談有論落日江頭送老鶴前里心二首
任員員字用韻有據二條

作吳同初行狀

四年丁亥三十五歲

秋至海上 十月十日命家人趙和迎祖庶母黃氏

柩葬於司馬公域外之西偏

元譜 穆案先生荅王山史書先祖有二妾炎

武所逮事其亡也葬之域外

二十日亥時葬貞孝王太安人於賜

塋東仲達府君之兆

元譜案少司馬葬時用歲丁亥月辛亥日丁亥時辛亥貞孝之

葬干支

二十一日具弔奠禮 十二月二十一日移

悉同

家語濂涇先生廬墓

元譜

送歸莊往吳興

徐譜元恭時赴吳興

覓兄德清教諭繼登骨

哀執友松江陳太僕子龍同邑顧推官

咸正吳縣楊主事廷樞及推官二子天遴天達先後

死難各以詩弔之

元譜子龍字卧子青浦人崇禎丁丑進士兵科給事中受魯王邵院

職銜與松江提督吳勝兆通謀是年夏勝兆反事泄逮子龍并逮藏匿子龍之嘉定侯岐曾及同邑顧天達天達子龍乘間赴水死岐曾等同被殺於松江咸正字端木天啟甲子舉人咸安府推官丙戌四月自關中歸知弟錢塘令咸建舉人咸受先已徇節聞唐王立於閩州密疏附寄舟山黃斌卿屬其轉達為邏卒所獲以告提督吳勝兆勝兆祕之及是年六月勝兆反密疏遂發逮至金陵為洪承疇所殺後二子之死僅一月廷樞字維斗崇禎庚午南京解元福王時薦授兵部主事兼監察御史馬阮當國抑不能用罷歸至是年四月遁居山陽當事搜索得之絕食五日不死作絕命詞十二首裂衣帛血誓之終以不屈被

殺於蘆墟村中

是年詩有贈顧推官一首

徐譜紫張秉貞之挾潞王出降顧咸建棄官去

追及之於吳江閘六月朔殺之詩中臬卿血云云蓋述此事又先生之從軍於吳咸正必同行故有句吳古下國難與秦風齊之句其後哭咸正詩曰及乎上郡還始結同盟契崎嶇戎馬間周旋止一歲所謂崎嶇周旋者即指從軍耳

大漢行義士行秦皇行各一首

墟里一首塞下曲二首海上行一首

徐譜詩云大海天之東其

處有黃金之宮上界帝子居其中又云或言有巨魚身如十洲長幾化為龍不可當一旦失水愁旁皇蓋謂魯王之入海徒以海水為金湯舟楫為官殿終於淪亡也又云但見鯨魚出沒鑿齒磨牙先生知鄭芝龍之負恩喪國其子成功始則附閩繼則附粵終不為魯王用而舟山非可以圖存故又云東浮大海難復難不如歸去持魚竿以明決不宜往之意神道表以為幾豫吳勝兆之禍欲赴海

上道梗不前者似未知先生之意也穆案據元譜則先生實曾至海上謝山云道梗不前仍非實錄但詩編於塞下曲後塞下曲云卽今三月鶯花滿此詩當作于春末夏初時尙未赴海上耳明年戊子將遠行詩云去秋關東哭楊主事一首推官二

子被執一首淄川行一首

元譜爲孫之獬作也之獬淄川人天啟壬戌進

士嫻奄得官侍講名在逆案中入國朝爲禮部侍郎順治二年六月升兵部尙書總督軍務招撫

江西後乞歸里中是年九月土賊丁可澤勾引叛賊謝遷等陷淄川擒之獬支解死結云取汝一頭

謝元元當由之

哭顧推官一首

徐譜咸正至江寧總督洪承疇問曰

汝知史可法在乎不在乎咸正荅曰汝知洪承疇死乎不死乎洪默然遂殺之詩云檻車赴白門忠

孝詞色厲竟作戎首論

哭陳太僕一首奉先妣葬

卒踐捐生誓謂此也

於侍郎公墓左一首墓後結廬三楹一首精衛一

首吳興行一首

作王時沐墓志

五年戊子三十六歲

秋至湖上

元譜徐譜案將遠行詩云去秋闕東溟今年泛五湖偶來詩云偶來湖上已三秋

蓋自秋迄冬泛五湖也

冬抵京口

是年語濂涇家中又被

劫

元譜

是年詩有越鳥巢南枝一首江介多悲風一首擬

唐人五言八韻六首

穆案六詩皆非泛擬乞師悲往事也筆筑投筆明素志也

方平詩集有元
目一首或元月屋
今刊刻本抽之故
有

渡瀘聞雞以不忘恢復望諸公也歸里則知時之不可為而倦飛思還也云擬唐人者會膺唐王之

詔受其常熱縣耿侯水利書一首元譜謙案常昭合志耿橋字爾

冠縣進士萬曆三十二年以調繁至講求水利

東浚橫浦橫溪李墓鹽錢塘北浚福山塘西浚奚

浦三丈浦凡土田高低宜蓄宜泄尺寸不遺而其

開浚之法區畫周至約束嚴明具載所著水利全

書其立說以水利用湖不用江尤不易之論偶來

穆案耿侯水利書郡國利病書采之頗備

一首浯溪碑歌一首辭開封案一首元譜謙案略見人心錄粹

名案亂後歸釋謂去冠故去山去將遠行一首京

口一首

六年己丑三十七歲

春登靈巖山 清明封墓樹 秋至吳江過八尺

納妾韓氏元譜

是年詩有石射棚山一首先生自注吳郡志靈巖山在城西三十里一名

石射棚山春半一首元譜中有云洪州七月圍糧盡力亦碑指江西金聲桓事聲桓以去

年或子七月據南昌叛是年正月為官兵懷人所破聲桓中二矢投水死仍磔屍示眾

首秋鴈一首八尺一首穆案元譜有至吳江過八尺一節然此八尺孤帆一

葉舟云云入尺二字似非地名所未詳也桃花溪歌贈陳處士梅一首

穆案梅字鼎和餘集有常熟陳君墓志瞿公子元銷將往桂林不得

達而歸一首元譜元銷常熟人父式躬為廣西巡撫南都陷與丁魁楚等立永明王由

七年庚寅三十八歲

正月五日韓氏生子林元名之曰詒穀

元譜謙案崑
山張元廣著

危言謂先生無子
 時怨家有欲傾陷之者乃變衣

冠僞作商賈游金壇登顧龍山

元譜山在
縣南五里
再至鎮江

登北固樓已復往嘉興

是年詩有顧龍山高皇帝題詞一首

元曆元末丁酉十一月明

太祖駐蹕此山題詞云望東南隱隱神壇獨踈征
車信步登山煙寺迂迂雲林鬱鬱風竹珊珊座不
染浮生執賓客中有僧舍三間
春他日偷閒花鳥娛情山水相關
全重至京口六首

相國之府修志
大因

妙本詩集有贈
于劉詩九歌一首
或作是年

是歲通會辰州
修志十條江見中
於庚辰之六年
而庚辰四年而
而庚辰四年而
者是也

榜人曲二首流轉一首秀州一首

徐譜案流轉詩云云蓋先生自

乙酉以後展轉江浙之境於今五年至此乃欲北
至中原故鈔書自序云炎武之游四方十有八年
亦以此年為始也 穆案秀州詩云將從馬
伏披田牧邊郡北蓋至此而北游之志決矣

八年辛卯三十九歲

至金陵初謁孝陵

元譜本 拜侍郎公祠 穆案此句元譜本有車君刪去非也

辨見乙酉下

八月十四日至淮安與山陽王起田略徐

州萬年少壽祺定交

元譜文集有王起田墓志壽祺字年少崇禎庚午舉人工詩文

書畫又工寫美人他若琴棋刀劍百工技藝細而女
紅刺繡粗而革工縫紉無不通曉風流豪宕傾動一
時滄桑後罷公車僧冠僧服自名明志道人沙門慧
壽痛飲食肉如故邳徐之亂移家公路浦著有隰西

堂集抵清江浦元譜

是年詩有恭謁孝陵一首穆案郡國利病書孝陵在南都外城內鍾山之

陽懿文陵附於其側拜先曾王父木主於朝天宮後祠中一

首贈萬舉人壽祺一首淮東一首元譜為劉澤清作也澤清為福

王時四鎮之一開府淮東頗事聲色順治二年五月福王出走七月澤清率所部納降又三年戊子陰與曹縣叛寇通許以內應遂作亂陷曹縣十月英親王討平之詰其由知出澤清乃族誅之詩中云地下逢黃侯謂靖國公黃得功也得功先於乙酉六月王師據江口時迎戰中流矢死贈

八一首

九年壬辰四十歲

入郡城奠姊壻陳皇士之父文莊公祠

元譜文莊名仁錫字明卿

號芝臺天啟壬戌探花南京國子監祭酒福王時贈
詹事諡文莊宏光元年子濟生濟楨奉詔建廟於卧
龍街關廟之右濟生字皇士以廕歷官至太僕寺丞
穆案靜志居詩話皇士經亂歸田緝啟禎兩朝遺詩
又命工傳寫明三百年來忠臣
義士像褒以爲冊可稱好事矣至吳縣之橫山展拜

遠祖黃門公墓

元譜墓在橫山東越來溪上盧襄石湖志云墓上有一巨石橫卧可二丈

許石上古松如蓋湖上望見之即

遇路舍人澤溥於

知爲野王墓也

先生時尙如故

遇路舍人澤溥於

虎正

元譜舍人時攜家奉母寄居湖上徐譜按先生去歲贈萬壽祺詩云會待淮水平清秋發吳

榜又贈人詩云路旁多行人一南一以北南北遂分
手去去焉所極蓋所送之人北行而先生仍南歸吳
故拜黃門墓而路澤溥詩亦云相逢金閭西也穆
案先生有送書小帖云路安卿名澤濃曲周人故總

督時月公之長子又廣師篇云險阻備嘗
與時屈伸吾不如路安卿注互見詩下
自唐市仍

返千墩 至清江浦渡河抵王家營 是年六月弟

子嚴得子洪慎

元譜作十九日謙案崑新合志洪慎字汝嘉試成均得州倅以親老辭歸

從父炎武卒於晉走三千里扶櫬葬祖塋承遺命以

子宏佐爲炎武殤子詒穀後性愛客就所居西偏疏

泉壘石與故人嘯詠以終穆案據衍生元譜先生卒

於曲沃從弟嚴自崑山來偕衍生扶柩歸不云洪慎

也衍生又云以遺書致之立齋兩表兄及汝嘉從叔

兄則洪慎時在都中未嘗至晉甚明當是志誤

父穆庵得子嚴

元譜崑新合志嚴字大雲好學工詩少游太學嘗作落花詩百首傳誦輦

下

先生有世僕陸恩叛投里豪葉方恒

元譜方恒字唱初崇

禎壬午舉人順治戊戌進士官至山東濟寧道僉事

穆案順治戊戌進士履歷便覽葉方恒字敬默父

重華戊辰進士太常少卿望雲樓刻歸元恭與
葉媚初手札陸思作陸欽後刻集仍改作陸思

案鈔書自序年四十斐然欲有所作

徐譜

是年詩有同族兄存愉拜黃門公墓一首贈路舍

人澤溥一首

元譜澤溥父振飛字見白天啟乙丑進士涇陽知縣崇禎中屢遷至僉都

御史總督漕運巡撫淮揚北都陷福王立於南京河南副使呂弼周爲闖賊節度使來代振飛癸未進士涇陽武僚爲賊防禦使招撫徐沛振飛擊擒二人竿弼周於法場命軍士人射三矢乃解磔之縛憐徇諸市鞭入十檻車獻諸南朝伏誅故詩中云擒魁獻行朝逆黨皆戰悸又云天子呼恩官干戈對王使者唐王聿鍵會以罪錮守陵中官虐之振飛上疏槩寬罪宗得釋乙酉南京破聿鍵自立於福州起召振飛制書有朕有守困思官路振飛云云既至拜太子太保吏部尙書兼文淵閣大學

士官一子職方員外郎又錄守淮功廕錦衣世千
戶順治三年王師攻克仙霞關聿鍵走汀州振
飛追赴不及汀州破走居海島明年將赴永
明王乃以悲憤成疾而卒粵中賜諡文貞清江

浦二首丈夫一首王家營一首傳聞三首

元譜是歲永明

王在華慶李定國攻陷廣西王遣使召定國入
衛蓋王爲其下孫可望所制間關奔竄故也

爲常熟楊子彝作祠堂記

元譜謙案汪琬楊顧兩先生傳云萬厯之季士

之爲文者喜倡新說畔違傳注彝與太倉顧夢麟
力明先儒之說天下翕然從風稱楊顧學以歲貢
爲松江訓導作興人材甚廣居五載擢知都昌縣
以道阻弗克赴任明亡遂不出晚歲目盲猶令人
讀書其側爲諸生講說無少倦年七十九卒

十年癸巳年四十一歲

三月魯王去監國號不知所終

徐耕

春至金陵二月再謁孝陵並謁太祖御容於靈谷寺

元譜謙案靈谷寺梁天監十三年爲寶誌公建塔於鍾山玩珠峯前名開善精舍後爲開善寺宋改名太平興國寺後名蔣山寺明初改寺於舊基之東五里而舊基遂爲孝陵太祖帝后御容今攝山優曇庵中亦有摹本不知卽孝陵中藏本否十月三謁孝陵并作圖 詒穀殤

更納戴氏

元譜謙案歸元恭集戲贈先生納姬詩云同心初結在秦淮孤寄清江音問乖雖異

九秋婕妤怨已如一月太常齋占熊從此歡無旣代屬何妨老自偕不待王郎去迎接西風今送入君懷自注謂寧人於金陵納姬置之清江浦至是姬得南歸云云今則不辨所納何氏以時事案之或是歟也

松案先生去年自王家營仍歸洞庭山是年有路舍

人家詩路居於洞庭東山也由洞庭山至江寧復自
江寧歸吳贈楊永言詩序云今復來吳下感舊有贈
又贈郝將軍詩序云今爲醫於吳之上津橋言及舊
事感而有贈贈劉教諭詩亦云栖遲十載五湖湄皆
在吳之蹟也

徐譜 穆案此段可補元
譜二月後至九月之闕

是年詩有路舍人家見東武四先厯一首

元譜舍
人父文

貞公在閩時再謁孝陵一首恭謁高皇帝御容一
特請製新厯

首贈朱監紀四輔一首監紀示游粵詩一首贈鄔

處士繼思一首

徐譜先生此數年中往來無定而
金陵揚州市井皆屢至故贈鄔繼

思詩云年年尋杜甫一過浣花
溪郭賣藥揚州市先生頻過之
昔有一首楊明府

永言復來吳下一首送歸高士之淮上一首贈劉

教諭永錫一首
元譜案永錫字欽爾號曉庵魏縣人崇禎丙子舉人癸未謁選長洲

教諭邑令遂享李實廉知其貧欲煩以吏事謝不
應已署上海令事與妻子日食蔬粥居三月還長
洲乙酉之變率妻栗氏及童僕二十餘人隱居相
城大吏遣人說之永錫拔劍欲自裁乃止謂其妻
曰彼再至我與若立自決矣皆裂尺帛握之會海
上兵起乃罷永錫有女許字未嫁亂後恐貽父母
憂絕粒而死其母哭之成疾亦死後大水乏食家
童相繼死埋骨道旁永錫遣子臨與婦歸魏臨既
歸思父不置假貸得百金欲馳以獻父星夜南下
馬驚墮地被傷死初永錫長八九尺容貌甚偉至
是毀形骨立見者哀之久之成疾漸劇一夕大呼
烈皇帝者三遂卒時甲午秋也同時有齊丈人者

撫其喪葬於閭門外半塘以妻女附之 穆案靜
志居詩話永錫有洹水遺詩又曰洹水至性之士
兵後隱居相城有大吏強之仕祖昶疾視曰我中
原男子年二十渡漳河登大伾躍馬鳴鞘兩河豪
傑誰不知我欲見尋邪取壁上所挂劍欲自到門
下士抱持之得解既而女妻相繼餓死子爲盜所
傷亦死久之洹水毀其弟子徐晟陳贈郝將軍太
三島等經紀其喪葬之虎丘山塘 元譜謙案洪武二
極一首孝陵圖一首十廟一首 元譜謙案洪武二
山又增功臣廟祀徐達以下二十一人
爲十一後又增四廟今已半就圯廢

十一年甲午四十二歲

春至金陵卜居神烈山下

元譜 穆案神道表先生
僑居神烈山下徧游沿江

一帶以觀舊
都畿輔之勝

由儀真歷太平登采石磯東抵蕪湖

秋游燕子磯留宿僧院至冬始還元譜 是年長甥乾

學以選貢入成均穆據懌園集補 第三甥元文鄉試中式

舉人元譜

先生此數年未歸崑山觀松江別友人詩言十載違

鄉縣三年旅舊都可知矣徐譜

是年詩有金山一首僑居神烈山下一首古隱士

二首真州一首太平一首嶧磯一首元譜磯江上在蕪湖

一首久留燕子磯院中一首徐譜詩云寄食清江院從秋又涉冬盡冬

盡又歸神烈僑居故 范文正公祠一首錢生肅潤 明年元旦得在陵下

鈔本詩集久有
江上二首六十五
大德一首

之父出示所輯方書一首

元譜蕭潤字楚日無錫人著有南忠錄諸書

十二年乙未四十三歲

二月初五日午刻江南地震六月初八日地又震

元譜

元旦四謁孝陵

穆補

春自金陵還崑山

五月十三

日擒叛奴陸恩數其罪沈諸水叛黨復投葉氏訟之

官移獄松江

元譜 先生贈路光祿詩序云先是有僕陸恩服事余家三世矣見門祚日微

叛而投里豪余持之急乃欲陷余重案余聞亟擒之數其罪沈諸水其壻復投豪訟之郡行千金求殺余余既待訊法當囚繫乃不之獄曹而繫諸豪奴之家同人不平為代懇之兵備使者移獄松江府以教奴論豪計不行而余有戒心乃浩然有山東之行矣神道表獄日急有為先生求救於某公者某欲先生

自稱門下而後許之其人知先生必不可而懼失某
公之援也乃自書一刺與之先生聞之急索刺還不
得列揭於通衢以自白某公亦笑曰寧人之卜也曲
周路舍人識兵備使者乃爲恕之始得移訊松江而
事解移案爲先生求救者歸高士元恭某公者謂
錢謙益也謙案歸元恭集與葉帽初書弟到郡時
知寧人兄窘於事勢將有不測輿論亦多以兄爲已
甚故弟語稍激切然論其究竟愛寧人亦所以愛兄
也已而崑老輩委曲相勸兄亦動惻隱之心要於兄
之自爲計亦大便而弟輩則羣而誦兄之高義昨在
西郊文初子佩諸君及二三遠方友人問及弟公言
於衆曰此事誤在顧而葉能不終松可謂仁人君子
人皆服兄爲有量及歸寓忽聞有變局爲之大驚兄
嘗謂寧人城府深密機械滿腹兄前已諾和議而忽
出取難之題目迫之以必不能從之事是名雖曰和
實欲戰也兄豈亦有城府機械邪崑老板和平之人
亦以兄爲太甚今將去矣弟亦卽日同國馨去矣但
思兄若不甯就卽和而必欲云云寧人計無復之

必自經溝瀆無疑也陸恩人奴也尙不可殺而迫其
主以取債寧人非尋常無聞之人又事無死法而一
且迫之致死於兄便乎不便乎寧人無親子弟料死
後必無與申冤者卽有兄自當有以待之固知殺寧
人萬萬無害獨不畏清議乎寧人腹笥之富文筆之
妙非弟一人之私言卽灌老諸公皆擊節稱賞四方
之士見其詩古文者往往咨嗟愛慕兄能殺寧人之
身能并其生平之著述而滅之乎使天下後世讀其
詩古文者以爲如此文人而殺之者乃葉媚初也此
名美乎不美乎自古文人之受禍者如子蘭殺屈原
姚賈殺韓非後世讀離騷及三公予之書無不唾罵
子蘭姚賈賈原同甫爲小人構陷入獄每讀其傳爲之
髮指背裂以兄平日自待之高明何苦而爲此事邪
想兄之意以爲寧人卽死於牢獄死於桎梏不得謂
媚初殺之吾誰欺當世士大夫有口亦可畏也凡此
之言皆所謂愛寧人卽以愛兄也云云核其語意松
江之獄所由來歟徐譜先生乙未年答原一公蕭
兩劄書云奴隸鴟張親朋翻倒或有問死灰之語攬

涕而省韓安覽窮鳥之文撫心而明
趙壹終憑公論得脫危機謂此事也

是年詩有元旦陵下作一首歸生晟陳生芳續書

來荅之一首贈路光祿太平一首

穆案錢飲光明末野史永縣紀

事上規模濶大好彷彿漢光武平時恩舊皆以南陽故人目之如路振飛遠隔三吳募能召至者賞銀五百兩給以大品京秩振飛至即日拜相官其子太平爲卿又案餘集王國翰墓志稱太平嘗奉桂王命徵兵於外訓王生仍一首永夜一首訓至樂昌國翰往依之

陳生芳續一首

穆案芳續字亮工常熟人處士鼎和之子先生避難語濂涇時與鼎

和比鄰亮工時猶少也著有歷代地理沿革表四十七卷道光十三年其鄉人張觀察大鏞爲刊行之贈路舍人一首錢行人邦寅一首

十三年丙申四十四歲

春獄解同崑山 三月本生母何太孺人卒 閏五

月至鍾山舊居獄解後葉氏憾不釋遣刺客偵所往
至是追及於金陵太平門外擊之傷首遇救得免

是月初十日五謁孝陵 冬在鍾山度歲

元譜

是年詩有松江別張處士慤王處士煒諸友人一

首贈潘節士檉章一首

檉章字力田吳江人稼堂之兄

恭謁孝陵

一首王處士自松江來拜陵畢遂往蕪湖一首

移案

處士卽下同游柵洪橋之王潢乙卯年閏五月十日詩有云更憶王符老飄零恨不同自注王徵君

漢晉日同詣孝陵行

桃葉歌一首黃侍中祠一首

香今年七十七矣

先生自注在南京三山門外柵洪橋謙案柵洪橋祠今已無迹可尋城中金陵開之祠蓋續建也

王徵君演具舟城西同楚二沙門小坐柵洪橋下

一首

謙案漢字元偉上元人父之藩慷慨好義演能色養崇禎丙子舉於鄉先是戶部郎中倪

篤之薦於朝以賢良徵不就念世亂親老賦南陔詩以見志著有南陔集見江寧府志及上元縣志

穆案明詩綜引顧寧人論元偉詩云先生詩攝深以婉和而摯不失三百篇溫柔惇厚之旨

山一首賈倉部必選說易一首

穆案江寧府志儒林賈必選字徒南

上元人萬厯己酉舉人官戶部主事饒西新倉時巨墻總理兩部復遣其黨分伺六倉必選盡黜陋規無所染墮為稍敘會同官倪篤之以屯豆下獄必選知其冤據事陳辨謫九江幕俄遷桂林司理

升南工部虞衡司未任丁父艱歸卽杜門不出以講學著書爲事卒年八十七著松蔭堂學易行世旅中一首訓王處士九日見懷一首送張山人應

鼎還江陰一首

穆案道光二十年新修江陰縣志藝文門采先生此詩而應鼎之名

字翳如然則山人信能卉布荷衣鴻冥塵外者矣和陳生芳續追痛兩尊

人之作二首

作方月斯詩序

諫案月斯佚其名穀城人明輔臣岳貢之子甲申後賣卜吳門夏節

愍完淳集有贈方穀城遺孤流落郡中詩先生序謂與方子訂交自單閼之歲今且六年矣余客鍾山而方子亦僑居雲間不數數見頃冬春之際余以仇家之訟至雲間逆旅中因不自聊而方子時時相過慰藉與余周旋兩月因出其詩艸示余讀之云云以時事攷之當在是歲無疑

十四年丁酉四十五歲

元旦六謁孝陵

徐譜按元日詩云晨興自江上踰嶺走鍾山又云流轉雖不居咫尺猶天

顏蓋先生是時雖寓金陵而非神烈山之居矣

春自金陵仍返崑山避讎

將北游同人餞之歸元恭爲文以贈其行

元譜序曰余與寧人

之交二十五年矣其他同學相與或二十年或十餘年蓋未嘗有經歲之別也今於寧人之北行也而不能無感慨焉寧人故世家崇禎之末祖父蠡源先生暨兄孝廉捐館一時喪荒賦徭竭蹶以遺田入百畝典業公子券價僅當田之半仍靳不與閔二載寧人請求無慮百次乃少畀之至十之六而逢國變公子者素倚其父與伯父之勢陵奪里中其產逼鄰寧人見顧氏世衰水蓄意吞之而寧人自母亡後絕迹居山中不出同人不平代爲之請公子意弗善也適寧人之僕陸恩得罪於主公子鉤致之令誣寧人不軌

將興大獄以除顧氏事泄寧人率親友掩其僕執而
箠之死其同謀者懼奔告公子公子挺身出與寧人
訟執寧人囚諸奴家脇令自裁同人走叩憲副行提
始出寧人比肩官以獄上寧人殺無罪奴擬城旦憲
副與公子年家然心知是獄冤又知郡之官吏上下
大小無非公子人者乃移獄雲間守坐寧人殺有罪
奴擬杖而已公子忿怒遣刺客戕寧人寧人走金陵
刺客及之太平門外擊之傷首陸驢會救得免而叛
奴之黨受公子指糾數十人乘間劫寧人家盡其屬
世之傳以去寧人度與公子訟力不勝則浩然有遠
行而同人之知寧人者攜尊榼送之酒半作而言曰
寧人之出也其將爲伍員之奔吳乎范雎之入秦乎
吾輩所以望寧人者不在此夫宣尼大聖猶且遭魘
畏匡文王之仁不殄厥愠寧人之學有本而樹立有
素使窮年讀書山中誰復知寧人者今且登涉名山
大川歷聘六國以廣其志而大其聲施焉知今日困
厄非寧人行道於天下之發軔乎若曰怨仇是擊非
賢人之志別離是念非良友之情於是同人咸曰善

請歌以壯其行至萊州與掖趙汝彥士完任子良唐而歸子爲之序

臣定交

元譜士完字汝彥崇禎壬午舉人遭亂後濶家而南羈栖廢寺第士冕官鎮江太守物色

得之強之歸士完故萊之巨族從兄士喆入復社有

名同懷兄士元士亮士寬弟士冕並以才稱唐臣字

子良貢生弟虞從唐臣假吳才老韻譜讀而校之臣亦以學問著

過卽墨游勞山由青州至濟南與徐東癡夜張稷

若爾岐定交

元譜東癡初名元善字長公墓稭叔夜之爲人更名夜字東癡號拙庵濟南新

城人東髮能持年二十九遭難母死遂棄諸生南游

江浙西游宛鄧歸遂不出舉博學鴻詞以老病辭爲

文章原本經史王漁洋嘗索其稿但遞謝而已後往

江西渡潯陽稿盡沒於水漁洋爲拈拾遺詩二百餘

首付之梓稷若名爾岐號蒿庵濟陽諸生先生與汪

純庵書云張君稷若所作儀禮鄭注句讀一書根本

先儒立言簡當使朱子見之當不復謝監獄之稱許也又與純庵論師道書云獨精三禮卓然經師吾不如張稷若日知錄於喪禮停喪二條內備載稷若之說稷案稷若生於萬曆四十年王子長先生一歲稷若歿先生以詩哭之云歷山東望正悽然忽報先生赴九泉寄去一書懸劍後貽來什襲絕筆前衡門月冷巢鴛室墓道風枯宿艸田從此山東問三禮康成家法竟誰傳此詩亭林集不錄附見蕭庵集末

是年詩有元旦一首萊州一首安平君祠一首不

其山一首勞山歌一首

徐譜按詩云春日會鼓聲逢逢則游勞山猶在春時

張饒州允掄山中彈琴一首

穆案進士履歷便覽允掄字慈叔萊陽人

崇禎甲戌進士戶部主事丙子升員外丁丑升郎中戊寅升饒州知府

徐譜此詩亦作於游勞山

時淮北大雨一首濟南一首秋柳一首訓徐處士

望之廣文公
謝仙八族諸子

元善一首

徐譜夜亦有九日得顧寧人書約游黃山詩云故國千年恨他鄉九日心山陵

餘涕淚風雨罷登臨

又以書勸先生爲昌平承

天之行則先生後此之謁天壽山處士取之也

作汝州知州錢君行狀

元譜公子大受字伯衡歲貢生官博興訓導以詩名

勞山圖志序

穆案池北偶談引先生勞山說注曰顧近寄所著日知錄內辨勞山三則

又與前說不同儀禮鄭注句讀序齊四王家記

十五年戊戌四十六歲

春至泰安登泰山

元譜穆案金石文字記岱岳觀造像下曰碑下爲積土所壅于來

游數四最後募人發地二尺下而觀之乃得其全文

又宋董元康題名下云右小石刻在岱岳觀余既錄

唐碑往還數四道士謂予曰昨發地得二石請觀之

云云據元譜先生凡至泰安者三記中云云未得其

年謹志
於初游旋赴兗州至曲阜謁孔林往鄒縣謁周公廟

孟廟過鄒平游張氏萬斛園
元譜故明兵部尙書張延登所居與邑

人馬宛斯驢訪碑郊外
穆補金石文字記鄒平縣南五里有景相公墓景氏之

裔自洪武間有兩舉人今亦尙有諸生不能記其祖

矣予至其邑有諸生二人來稱景氏之孫請問其祖

爲誰予取通鑒及五代史周世宗紀示之乃謝而去

間一日往郊外視其墓碑雖剝落者十之一二而其

日故中書侍郎平章事景公諱範字甚明白云云又

諸觚云此僕在鄒平與邑人宛斯馬岩名驢親訪其

碑而錄之者池北偶談馬驢字曉御一字宛斯順

治己亥進士仕爲淮安府推官終靈璧令生而清羸

博雅耆古尤精春秋左氏學者釋史一百六十篇篇

爲一卷始開闢原始迄古今人表其書最爲精博時

人稱爲馬三代崑抵章丘訪張隱君元明
元譜隱君名光啟世

山顧亭林尤服之

居章工白雲湖上少爲名諸生崇禎庚辰年四十遂棄舉子業開一園曰省園以種樹藝花自樂亂後足不履城市年八十餘卒有張仲集詩若干篇源洋爲刪存百餘篇傳之至長山主劉隱

君果庵家

元譜隱君名孔懷號果庵長山人精於考最先生主其家與之辨析疑義所著有四

晉字徵詩經辨韻五經字徵

復至濟南

元訪徐東癡

范文正公諫寓長山攷諸書

穆補案東癡有顧寧人見過坤堂得張元明手書詩

云江南有客來荒陂手持一緘來致辭我聞整衣拜

且展中有故人書及詩云云

再赴萊州之濰縣

入

以元譜校之必此年事也

都至薊州歷遵化玉田抵永平登孤竹山謁夷齊廟

是年先生從子熊登武科進士

元譜謙案崑新合志熊字非熊又字

爾策性執文史不樂仕進嘗輯其先世自上海遷崑宗譜簡最

有體爲從父炎武所稱

是年詩有登岱一首謁夫子廟一首七十二弟子
一首謁周公廟一首謁孟子廟一首萬斛園小集
一首仙隱祠二首濟南一首自笑一首訓韭溪草
堂聯句見懷一首濰縣一首衡王府一首督亢一
首京師一首薊州一首玉田道中一首永平一首
謁夷齊廟一首

十六年己亥四十七歲

出山海關返至永平之昌黎著營平二州史事六卷
元諸先生在永平適永平府志成
求先生作序因著此書作序應之
至昌平州初謁

天壽山

元譜 穆案昌平山水記天壽山在州北一十八里永樂五年七月皇后徐氏崩上命禮

部尙書趙珩等往擇地得吉壤於昌平縣東黃土山及車駕臨視封其山爲天壽山以七年五月己卯作

長陵自是列聖因之皆兆於長陵之左右而同爲一域焉 出居庸關仍返山東

元譜 抵鄒平訂其縣志 穆據鄒平縣志補 施尙白縣志序是時比部張奉之請告家

居藏書多善本博采勤蒐進士馬宛斯討核詳實而吳門顧寧人自上谷來悉授以校之書遂成凡八卷

順治歲次己亥九月督學使者施閭章書尙白宣城人號愚山晚號矩齋順治己丑進士由江西參議召

試鴻博授侍講 巡長清訪碑靈巖山寺 穆補 金石奉之名萬選 文字記靈巖

寺宋李迪詩下云右小石刻在長清縣靈巖山寺中其山距府九十里自前代稱爲勝境宋金元人題字

取多余至則當兵火之後從橫偃蹇委之荆棘瓦礫之中然猶得唐一宋金元合四十餘以後不能悉數

南歸次揚州旋復北上至天津度歲

徐譜案秋雨詩云秋雨合淮泗

一望無高深顧與治詩序云余行三歲乃歸揚州而與治卒又與江南諸子別詩云雲生岱北天多雨水決淮壩地有魚蓋秋雨之時先生正南下旋復北行至天津也

是年八月以雲南

平

特詔再行會試

穆補

錫元文登進士一甲一名

元譜

穆案順治己亥進士履歷便覽徐元文樹姓

陸庚子奉

旨復姓又立齋序歷代宅京記曰曩

者大廷對策謬荷先帝國士之知先生勗曰必有體國經野之心而後可以登山臨水必有濟世安民之

識而後可以

同里葉方藹一甲三名

徐譜方藹字子吉號訥庵穆案

攷古論今

訥庵方恒之胞弟也

是年詩有寄弟紆及友人江南三首山海關一首

望夫石一首昌黎一首三屯營一首恭謁十三陵

一首

穆宗十三陵者成祖永樂長陵仁宗洪熙獻陵宣宗宣德景陵英宗正統裕陵憲宗成化

茂陵孝宗宏治泰陵武宗正德康陵世宗嘉靖永陵穆宗隆慶昭陵神宗萬曆定陵光宗泰昌慶陵熹宗天啟德陵凡十二陵

合懷宗思陵爲十三也

王太監墓一首

穆宗昌平山水

記大行皇帝櫬官門外右爲司禮

劉諫議祠一首

監太監王承恩墓以從死附焉

自注在昌平舊縣今廢諫策諫議名黃字去華昌平人元時以昌平驛官宮祺奏請始爲之立祠元史泰定二年置諫議書

居庸關二首重登靈巖一

院於昌平縣者此也

首秋雨一首與江南諸子別一首天津一首舊滄

州一首

序
不有營平之制又

居書

作曳梯郎君祠記

十七年庚子四十八歲

二月至昌平再謁天壽山入都 六月仍赴山東

秋南歸過六合

穆案車君以過六合為明年由浙回蘇後事誤

抵金陵七謁

孝陵

元譜徐譜神道表云既謁長陵念江南山水有未盡者復歸六謁孝陵作詩云問君何事三

千里春謁長陵秋孝陵是也穆案先生寶七謁孝陵表云六謁誤

是年長甥乾學

中式順天舉人

元譜

女甥婿申璲舉南省鄉試第一

據

憺園集補稊字叔旆號梅江吳縣人明大學士時行曾孫也先生又有姪女嫁太倉王吳弇州山人之裔也字維夏號碩園前明諸生善詩歌古文吳梅村歎其才為天下無雙己未膺大科薦力疾入試報罷旋

卒 詔授中書顧張思雪亭筆記曰碩園娶
亭林姪女少受業於亭林故學有根柢云

先生是時寓居淮上案書吳潘二子事云潘子刻國
史攷異三卷寄余於淮上卽謂是年也贈黃師正詩
揚州九月中煨芋試新酎又顧與冶詩序云冬余過
六合沈子遷出與冶詩一編皆先生此年南歸後行
蹤也

徐譜

是年詩有再謁天壽山陵一首送王文學麗正歸

新安一首

元譜自注生舊在金侍郎聲幕府紫金
正希聲於順治乙酉募鄉勇起義徽州

十月

大兵破
之徇難績谿

荅徐甥乾學一首白下一首重謁

孝陵一首贈林處士古度一首

元譜古度字茂之一字邗子福清人

時年已八十一亂後僑寓金陵著有茂之詩選

贈黃職方師正一首

元譜自注

建陽人案職方生平無攷釋詩意當亦受唐王職既敗而遁於金陵者

作顧與治詩序

元譜謙案與治字夢游江寧貢生河南副使璵之曾孫當選官棄去

王倬今世說述其軼事頗詳

穆案車君以與治

詩序爲明年辛丑作案云此過六合作顧詩序一

則元譜未載今攷車君蓋誤以歸次揚州爲今年事故誤以序中明年字屬之辛丑也

十八年辛丑四十九歲

是年爲明桂王永曆十五年七月緬酋殺由榔從官十

二月獻由榔於

大軍明年四月殺於雲南

徐譜

鈔本詩集有元
目一首為丁貢士
書為湖州石士目
作書

回蘇至杭州渡江謁禹陵弔宋六陵 閏七月仍返

山東 十二月立春日輯山東攷古錄成 元譜 案四庫書

提要存目載此書云王士禎居易錄記炎武嘗預修

山東通志或及時所遺稿本未可知也案居易錄明

言通志修於癸丑是為

康熙十二年也提要誤 是年申稷成進士 稷由內

閣中書改禮部主事進郎

中出為廣西提學僉事

是年適越往來皆由吳江之江村書潘吳二子事云

余往越州兩至其廬蓋至吳江即訪潘力田也 徐譜

是年詩有杭州二首 元譜指潞王 監國時事 禹陵一首宋六

陵一首顏神山中見橘一首 元譜山在益都 許

瀚案今為博山縣

爲餘姚呂裁之章成作呂氏千字文序

元譜謙案餘姚縣志

章成字裁之號秋崖大學士本會孫與陳函輝張明弼楊體元爲意氣交函輝從事紹興薦章成爲翰林待詔章成曰悍將驕兵日事寇抄越城中顛踣狼狽救死不遑豈復可爲之自邪卒辭不赴函輝死章成走哭於台州意有所觸則惘惘獨行欲得異人而友之訪戴易於鄧尉遇顧炎武於昌平山慷慨賦詩歷吳齊燕粵無所遇乃歸名其藏書之室曰夢園日子集於夢誰謂茶苦者病中自煨其著述曰此無用之虛談也所存有浴日樓集入卷秋崖詞據志載識先生於昌平山先生自己亥庚子壬寅甲辰己酉丁巳先後凡六至昌平此作序時已再至當是與章成相遇後矣

康熙元年壬寅五十歲

正月由山東入都 三月至昌平三謁天壽山十九

日謁懷宗橫官

元譜 昌平山水記大行皇帝御宇之日未卜山陵田妃薨葬悼陵之下

南距西山口一里餘遣工部右侍郎陳必謙等營建未畢而都城失守賊以大行皇帝大行皇后周氏梓官至昌平州之士民率錢募夫葬之田妃墓內移田妃於右帝居中后居左以田妃之梓爲帝梓斬蓬藿而封之後乃建碑亭各一座門三道殿三閒無陛兩廡各三間有周垣而規制狹小昔宋之南渡曾稽諸陵皆曰橫官實陵而名不以陵春秋之法君弑賊不討不書葬實葬而名未葬今之言陵者名也未葬者實也實未葬而名葬臣子之義所不敢出也故從其實而書之也

出古北口往薊

州仍至昌平

五月二十八日先生誕辰有致饋者

作書辭之

至真定之新樂

元譜日知錄木刀溝條自注余過新樂林君華

晚見示所修縣志云云

穆案順治十八年繕紳新樂知縣林華晚凝山福建莆田人拔貢

抵曲

陽謁北嶽恒山

元譜 穆案金石文字記北嶽廟李賀詩下云右詩在真定府曲陽縣北

嶽廟中廟有唐時大碑五其上層爲積土所蓋而余至時倉卒求梯不可得止就下方讀之云云 至

井陘 十月至大同之渾源州 度汾河至平陽府

元譜 是年公肅甥以江南奏銷案呈誤謫官鑾儀衛

經歷

穆據有懷堂集補

是年詩有有事橫官時聞緬國之報一首古北口

一首五十初度時在昌平一首

元譜日知錄生日條下自注余青年

前門生日有致 北嶽廟一首井陘一首一鴈一首

餽者答以書 徐譜先注之西征也以初冬就道故井陘詩云壑水當發白一鴈詩云一鴈渡汾河河邊積雪多也

堯廟一首

元譜案臨汾志堯陵在城東七十里
廟有金泰和二年碑記先生於日知錄

帝王陵條詳載諸說頗以臨汾志爲
疑是時先生經游其地故有此作

有謁橫宮文郡國利病書序北嶽辨

二年癸卯五十一歲

正月自平陽登霍山

元譜謙案詩有春雪覆杉松句
故知當在正月也 穆紫金石

文字記霍山廟建文碑下云右小石刻在霍山中鎮
廟西壁上余行天下見洪武永樂以來祭告岳瀆之
文及它碑記甚多獨未有建文年者乃此文雜
於數十百碑之中而字畫完好無缺故亟錄之

媯廟

元譜在趙城
縣東八里

至太原訪傅處士青主

元譜傳名
山字青主

初字青竹號寄廬別號公之它陽曲人少受知於袁
臨侯繼成崇禎中臨侯總督九江軍務爲巡按御史

張孫振誣劾被逮山職納橐匱伏闕上書白其冤馬
君常作義士傳比之裴瑜魏劬亂後爲道士裴以醫
爲業工詩文書畫入逸品康熙己未召試博學鴻詞
不應授中書舍人復不就移案臨侯於崇禎七年
由主客員外郎擢山西提學僉事巡按御史張孫振
因請屬不應誣劾之其總督九江軍務則在崇禎十
五年元譜敘述殊舛又案青主生於萬厯三十四
年丙午長先生七歲潛工剞記老友山右傳青主先
生顧寧人極稱其識字先生廣師篇云蕭然物外自
得天機吾不如傳青主潘耒遂初堂集出太原郡城
東行可七八里有寺曰永祚雙塔巍然捎雲礙日見
之四十里外浮浮若旌幢焉其下爲松莊傳隱君先
生所居也十七史商榷背顧寧人宿傳青主家晨
未起青主呼曰汀芒矣寧人怪而問之青主笑曰子
平日好談古音今何忽自昧之乎寧人亦不覺失笑
古音天呼若汀明呼若芒故青主以此戲之穆案天
呼若汀雖本之陳第毛詩古音攷然實誤與先生之
論音不合也青主一時戲言故先生亦不復置辯

至代州游五臺與富平李子因篤遇遂訂交

元譜李字天生

更字子德陝西富平籍山西洪洞人達於經學著有受祺堂集康熙己未試鴻博授檢討以母老辭不許表三上乃允徐譜案先生於康熙己未與子德書云弟行年四十九是子德生於崇禎四年辛未少先生十八歲而先生作子德之父墓志云崇禎七年因篤方三歲三蓋四字之謬也穆案受祺堂集酬杜讓水詩注曹司農秋岳觀察大同陳使君祺公分藩鴈門子留此凡八年又王山史山志天生從陳祺公於塞上日事博綜九經諸史靡不淹通祺公視為畏友投契之深有同骨肉天生以是無內顧憂而益肆力於學及祺公備兵鴈平攜以入代復為具橐資游圭組之英蓬華之彥俱與交歡傳青主顧寧人朱錫曾輩尤以古道相底厲陝西通志顧炎武嘗集杜句題贈因篤云文章來國士忠厚與鄉人鶴徵錄富孫素子德先生少孤外祖田時需撫之成立受業其門吾鄉曹倦翁觀察三晉先生以故人子相從因

善代州馮觀察雲驥雅愛其風土人物居句注夏屋
閒者十年穆案倦翁名溶字潔躬又字秋岳秀水人
崇禎丁丑進士順治初由戶部侍郎出爲廣東布政
使左遷山西陽和道教缺候用旋丁母憂歸不復出
雲驥字訥生代州人順治乙未進士
就大同教授官至四川提學僉事在汾州聞執友

吳赤溟炎潘力田檀章遭湖州莊氏私史之難遙祭

於旅舍

元譜先生誓吳潘二子事云蘇之吳江有
吳炎潘檀章二子皆高才當國變後年皆二

十以上並棄其諸生欲成一代史書以繼遷固之後
會湖州莊氏難作莊名廷鑑目雙盲不甚通曉古今
以史遷有左丘失明乃著國語之說奮欲著書其居
鄰故閣輔朱公國楨家朱公嘗取國事及公卿誌牒
疏草命胥鈔錄凡數十秩未成書而卒廷鑑得之則
招致賓客日夜編輯爲明書書冗雜不足道也廷鑑
死無子家貲可萬金其父允城流涕曰吾三子皆已
析產獨仲子死無後吾哀其志當先刻其書而後爲

之書勦遂梓行之墓吳潘盛名引以爲重列諸參閱
姓名中書凡百餘秩頗有忌諱語本前人祇斥之詞
未經刪削者莊氏既巨富浙人得其書往往持而恐
嚇之得所欲以去歸安令吳之榮者以贓繫獄遇赦
得出有吏教之買此書恐嚇莊氏莊氏次應之或曰
題此而來盡子之財不足以給不如以一訟絕之遂
謝之榮之榮告諸大吏大吏右莊氏不直之榮之榮
入京師摘忌諱語密奏之四大臣大怒遣官至杭執
莊生之父及其兄廷鉞及弟姪等并列名於書者十
八人皆論死其刻書鬻書并知府推官之不發覺者
亦坐之發廷鑑之墓焚其骨籍沒其家產所殺七十
餘人而吳潘二子與其難方莊生作書時屬客延乎
一至其家子薄其人不學竟去以是不列名獲免於
難 謙案潘力田與吳未演同紳初明史以實錄爲
綱領凡志乘文集墓銘家傳有關史事者以類相從
稽其異同核其虛實爲國史攷異一書頗有稱許之
者所著又有松 由汾州歷聞喜縣之裴村拜晉公祠
陵文獻若干卷

徐取道蒲州入潼關游西嶽太華過訪王山史宏撰

於華陰元譜山史名宏撰字無異華陰人明諸生康熙戊午以鴻博徵不赴者學好古收藏法書

名畫金石最富居於華下有讀易廬撰易象圖述及

山志砥齋集穆案廣師云好學不倦篤於朋友吾

不如王山史先生又有送韻譜小帖手蹟云王無異

名宏撰一字文修號山史住華陰縣西嶽廟南小堡

內故少司馬公之子元譜穆案長安詩

關中聲氣之領袖也云積雨乍開寒淒其

秋已半是先生以游富平館李子德家徐譜見齊

八月至西安也劉大來詩

注又西至乾州徐譜十月過訪李處士中孚於盤屋

遂訂交元譜處士名容字中孚盤屋人少孤力學經

傳徵不赴當事強迫之昇至近郊操刀欲自戕始得

謝病歸穆案處士生於天厭七年丁卯少先生十

四歲三曲集處士年譜云癸卯十月朔東吳顧寧人
來訪寧人博物宏通上下古今靡不辨定既而歎曰
堯舜之知而不徧物急先務也吾人當務之急原自
有在若舍而不務惟驚精神於上下古今之閒正昔
人所謂拋却自家無盡藏沿門託鉢效貧兒也寧人
爲之慨然又廣師云堅苦力學無師而成吾不如李
中
子往驪山訪明宗室存杠元譜存杠字伯常存杠命
子烈及甥王太和受業徐譜案先生後有寄伯常並
二門人詩穆案王山史山
志青門七子皆宗室之賢而篤於學者也各有詩文
集卓然成家余所及與之游者子斗翁而已亂後數
往省之翁亦喜余嘗對人有松柏之譽翁子伯嘗存
杠年長於余以翁與余善而待余以執友之禮甚恭
然余固尊事翁不敢以鴈行進也嘗與顧亭林言及
亭林入青門特訪其家時翁已歿見伯嘗索翁著作
讀之出贊之序今伯嘗亦歿其出關至太原元譜
子孫冒楊氏蓋從翁之母姓也

先生荅汪荅文書云年過五十乃知不學禮無以立
之旨又與人書云某自五十以後篤志經史其於音
學深有所得今爲五書以續三百篇以來久絕之傳
而別著日知錄上篇經術中篇治道下篇博聞共三
十餘卷

徐謫荅文號鈍翁長洲人順治乙未進士由
主事召試鴻博授編修著有堯峯詩文鈔

穆素荅文生於天啟四
年甲子少先生十一歲

是年詩有元旦一首霍山一首女媧廟一首晉王
府一首贈傅處士山一首訓傳處士一首陸來復
述代許曉州疏攻鄭鄭事一首詠史一首李克用

墓一首五臺山一首訓李處士因篤一首送申公

子涵光一首

穆案送韻譜小帖云申晃盟名涵光永年人太僕公之長子今庶常隨叔

之兄也太僕公甲申徇國難案太僕公名佳允隨節愍隨叔名涵盼順治辛丑進士晃孟著有聰山

集訓史庶常可程一首

元譜可程字赤豹大興籍詳符人崇禎癸未進士間

部可法同祖弟京師陷可程降賊賊敗南歸可法請置之理福王以可法故令養母可程遂寓南京後寓宜興閱四十年乃卒穆案審親王致可法書所云入關破賊識介弟於清班者謂可程也

祭吳潘二節士一首寄節士之弟耒一首

元譜耒字次耕

號稼堂康熙己未以布衣試鴻博授檢討受業於先生又得王錫闢及兄程章之傳凡詩古文歷算聲音之學罔不窮極根源著有遂初堂集穆案次耕生於順治三年丙戌少先生三十三歲王

官谷一首蒲州西門外鐵牛一首潼關一首華山
一首驪山行一首長安一首乾陵一首將去關中
別中尉存杠於慈恩寺塔下一首

作五臺山記裴村記復庵記貞烈堂記朱子斗詩

序

穆案靜志居詩話訕糾察愍王九世孫有集才
情橫溢極爲富平李孔德所稱覽其祀竈千一

百二十字雖未悉工

而浩漸不可及也

三年甲戌五十二歲

正月五日至蒲州之榮河游后土祠適汾州

元譜
穆案金

石文字記今汾陽有大相小相二村相里氏之後尙
有數十家因族北齊寺碑題名多相里氏至今亦有

餘年而裔孫猶居於此不獨晉俗淳樸而山谷之險
猶足以自保故能累代不遷若山東河南則兵火之
餘人民散亡欲求元時
遺族已寥寥不可見矣
自大同至西口入都 七

月至昌平四謁天壽山奠懷宗櫬宮 至河南輝縣

訪孫夏峯先生

元譜 穆案先生丙午年送韻譜小
帖云孫徵君名奇逢字啟泰容城人

今住輝縣萬厯庚子舉人今年八十三河北學者之
宗師也 元譜夏峯先生年十七領鄉薦嘗參高陽
孫承宗督師關門軍事與左忠毅魏忠節周忠介相
善天啟末三公忤逆奄相繼逮繫先生拮据調護供
案值遣弟奇彥同鹿監軍善繼子馳書督師求援督
師因上疏以邊事請陛見都門喧傳興兵至關逆奄
聞之繞御牀泣督師方抵通州降旨勒回諸公遂不
免崇禎丙子容城被圍設方略拒守城賴以全事聞
特詔褒嘉寇氛漸逼移家五峯順治初復移家輝縣
之夏峯生平讀書談道務爲聖賢之學兩朝徵聘凡

十一
次輒堅謝不出康
返至泰安州度歲元
熙十四年卒年九十二譜

是年詩有后土祠一首龍門一首自大同至西口

四首有事橫宮一首贈孫徵君一首

有謁橫宮文

四年乙巳五十三歲

由泰安至德州復回濟南置田舍於章丘之大桑家

莊元譜先是章丘人謝長吉世泰負先生貲若干至
是以田產償焉誠案靜志居詩話謂先生兵後盡

鬻其產寄居章丘別治田舍久而爲土人攘奪者此
也又先生甲寅年有刈禾長白山下詩案長白山在

章丘長山二縣之交刈
禾處卽桑家莊產業也
秋至曲阜再謁孔林游闕

里元譜與顏修來光敏訂交穆據手蹟補札見丙午修來一字遜甫曲阜人康

熙丁未進士官吏部考工司郎中著有樂圖集

是年詩有訓程工部先貞一首元譜先貞字正夫德州人明工部侍

郎紹孫以祖廕歷官工部員外郎濟南府志工部告病歸家居二十年以扶風教崇簡樸相勗勉里中節義之事搜采成秩年六十七豫製一棺題曰休息庵所著有燕山游稿蕙庵詩艸若干卷穆案復社姓氏先貞

名列德州弟一

有與修來手札云詩本音二冊送上中有駁正者乃衛太史筆也此書未定不必鈔錄只將坊刻詩經一本圈注其不合及太瑣碎者置之可也更乞教正爲荷底事一有信卽求示之穆案此札以丙午札推之知當在此年蓋與修來初識面時也衛太史名既齊字爾錫荷氏人康熙甲辰進士又

案手蹟向藏修來先生家頃歸湖北荆宜施道陶
君樸所移於戊戌春獲觀錄副存之後凡言手蹟
及手札者皆同

五年丙午五十四歲

春由大桑家莊過兗州

穆據手蹟補

至廣平之曲周游

太原時秀水朱錫鬯彝尊客晉藩署過訪先生於東

郊因與訂交

元譜謀案彝尊字錫鬯號竹垞以布衣試鴻博授簡討徐譜案竹垞年譜康

熙四年秋至太原五年春客山西布政王公顯祚幕
其年二月游晉祠三月游風峪先生贈詩言殊域送
良辰又云艸沒青驄晚霜浮白壑春則相見必於春
也 穆案竹垞生於崇禎二年己巳少先生十六歲
廣師云文章爾雅宅心南海屈大均亦自關中來會
和厚吾不如朱錫鬯

元譜曝書亭集注屈五少爲番禺諸生名紹隆謙案
屈字介子一字翁山爲僧名今種字靈一後加冠巾
池北偶談屈介子適秦隴與秦中名士李因篤輩爲
友作華岳百韻固原守將其見而慕其才以甥女妻
之自固原攜妻至代州上谷再游京師下吳會自金
陵歸粵徐譜健庵有懷舅氏詩云自別維亭二載
餘風塵驅走近何如健庵曾游太原
疑是時與先生相遇也維亭俟考
出雁門元譜
案重至代州詩云雁門春艸碧
且復過萍沱蓋在三月杪也
適應州重過大同

遇故代府中尉俊晰訪李子德於代州牧陳祺公上

年署

元譜上年字祺公清苑人順治己丑進士

與子德輩二十餘人勾貨

墾荒於雁門之北

元譜案先生與潘次耕書有云近稍貨貲本於雁門之北五臺之東

應募墾荒闢草萊披荆榛而立室廬又云彼地有水而不能用當事遣人到南方求能造水車水碾水磨

之人與夫能出貲以耕者又云北方開山之利過於
墾荒畜牧之獲饒於耕耨云云穆案據王山史山
志則子德卽以是年返秦入京師復往山東游泰山謁天慶宮

十月著韻補正成至兗州守署度歲

元譜穆案兗州志

此年知府爲彭繩祖貢生黃安人

是年公肅錫復原官未任以父

憂歸

穆據有懷堂集補

是年詩有寄劉處士大來一首

元譜處士無攷玩詩中云云蓋山左

人而嘗客代州牧幕者

朱處士彝尊過余於太原東郊一首

屈山人自關中至一首重過代州贈李處士一首

出雁門關一首應州二首重至大同一首

元譜日知錄九

族一條自注余丁未歲在大同通代州中尉俊斯
年近五十攷其世次於孝宗爲昆季云云案先生
游代州在丙午年丁未則未嘗至代編年詩集系
此詩於丙午原自符合或日知錄誤寫作丁未耳
得伯常中尉書却寄一首

作聖慈天慶官記韻補正序

是年先生有寄顏修來手蹟云去秋得接光塵恨
首路匆匆未獲信宿之留以聆微言而商大業至
於四方同人遙相問訊無不仰贊宏才以爲今代
復有知十之姿庶幾之品也仲春偶過宛署未得
親詣闕里再侍雅譚專件齋所刻韻譜呈正大方
至前日所留詩本音稿係未改定之書其中有舛
誤者姑寫二條附上閱過粘卷內付還它日當攜
全書奉觀更求指誨耳率爾未盡 徐譜以此札
系之四年乙巳去秋得接光塵下附案云前札云
卽過宛州又云諸容面悉必修來於去秋自關中

歸充與先生晤也穆案先生以韻譜寄人是一時事據送書小帖云孫徵君今年八十三知必是丙午云去秋得接光塵者先生於乙巳秋謁孔林游閬里與修來相晤也蓋前札雖云卽過充郡而實於泰安度歲未卽踐言耳

又一通云捧讀大筆清新嫺逸逼似唐人所謂不意永嘉之末復聞正始之音者矣舊刻二冊乃五六年前作中有誤韻幸爲藏之河北關中書共六書輒上姓氏居址別開一紙煩照單分致又一通云昨枉顧以主人不在率爾慢去殊深不安統俟文旌東過面頌并求惠示西征大作耳長路關山濁溼清渭千維珍重旦起作書數千字恐使人來取匆匆遂不能詳

又一通云魯公書家廟碑多寶塔碑爭坐位帖俱在西安府學俗所謂碑洞者其所書郭敬之家廟碑在布政司內奉使蔡州題字并石刻像在同州歐懷恪碑在三原縣碑洞中石經及漢唐字但有

錢卽可買不必用官府惟各州縣古碑非官府不能致然多是唐碑惟郃陽曹全碑極佳其他若麟游之九成宮碑長武之虞恭公碑俱佳若多印得曹虞二碑各一幅見惠最感 移案以上三札當在修來俟衰西征之時

又一通云弟以今六月至鴈門時李君天生自關中來言修來社翁在方伯署中不多會客初秋入都而敝鄉沈釋老亦自關中來交相推許計太華終南之勝二峭雨谷之阻周秦漢唐之蹟並已收載之行笈矣山史兄楊王兩敝門人並得一見否石珍社翁想閉戶著書卧遊五岳胸中當別具一正壑而鴻丈大製日新富有則兩君固並驅中原矣弟頃至岱下俟主人之歸卽過兗郡先此奉候并問秦中諸子消息所留詩本音乞付下已大加刪改將以新本就正也諸容面悉不旣百一 穆案徐譜以此札系之三年甲辰以元譜證之蓋前札在春末此札在冬仲也所云六月至鴈門乃重

至大同時事所云楊王兩門人者據送韻譜小帖云楊伯常名謙故王孫也住西安府南八里大塔堡內大塔者慈恩寺塔也或駕在藩司署中則求於到日卽遣人致之又云共書六封各送韻譜一本伯常則二本故有七本案楊氏何以爲故王孫以字伯常及住大塔堡攷之蓋楊謙卽朱存杠鼎革後變其名氏也大塔卽前與存杠別處獨寄韻譜二本者存杠之子烈甥王太和皆受業於先生所謂楊王兩門人也沈繹老者沈荃字貞藎號釋堂華亭人順治壬辰翰林又案頃借得王山史山志有云伯嘗歿其子孫冒楊氏喜臆測之不爽也詳見癸卯下又一通云大作清勁無一俗筆太華伊闕諸作爲集中第一思悲翁戰城南亦有白傳諷諭之遺意大雅之音將復起於今日矣敬服敬服元稿返上略商數字識以浮票未知有當否諸容照悉穆案此上二札當在

晉征既還之後

又有不得其年與事者三通附載於此一通云仙
舟一晤良裕積懷王程靡及不獲攀留信宿以罄
願言猶爲耿耿耳所寄書版乞付去伴家訓如
命勘正容於秋仲入都面奉率此附候不悉
又一通云昨出抵暮始歸承駕左顧失迂爲罪家
訓勘畢送上并用硃筆以便一覽卽得幸爲另鈔
一本仍乞原本見賜感感
又一通云弟纔至城中尙未拜呈老社翁須兩三
日以未申二時過我則得晤矣大才何藉弟筆想
未見刻欣耳附
上一紙不盡

六年丁未五十五歲

春留究李署剛訂近儒名論甲集

穆補先生與修
來手蹟云弟向日

錄有古今集論五十卷頃究李劉年翁延弟至署刪
取其切於經學治術之要者付諸梓人名曰近儒名

論甲集因此淹留尚有旬月如貴地友人家有鄴架
之藏欲一就觀且得以晤言講習尤幸事也日下欲
借唐荆川稗編第一套鈔錄幾首未知可轉覓否大
小阮才名已達之當事如使中至郡可投一刺極相
企慕也新詩并乞惠示以便奉揚休譽燭下艸此附
啓不盡 穆案兗州府志同知表劉澤遠恩貢安化
人康熙八年任所謂究李疑卽其人入年或六年之
謫或先題署後實任未能應決也修來卽以此年成
進士足證編書爲正二月閒事 徐譜大小阮才名
者修來與叔伯珣俱有時名也穆案伯珣字季相明
河間府知府允紹次子以陪祀特授壽州州 南歸
同修復芍陂之利工詩古文著有祇芳園集

至山陽主王起田家 開雕音學五書於淮上張力

臣昭父子任校寫之役

元譜力臣山陽諸生號五齋以賣書盡爲生尤精六書之

學貧而耆古多集金石文字有昭陵六駿圖贊焦山
瘞鶴銘攷傳於世許瀚案又有濟寧學官漢碑釋文

濟寧潘氏嘗刻之而所傳不廣穆案五書後序若
夫本說文正字體酌古今之閒而手書之則張君紹
與其二子叶增叶箕又廣師云精心六書信而好古
吾不如張力臣健庵有題張力臣小像七絕二首
其次章曰奇字揚雲未泐茫茂先家法在巾箱對君
轉復思元歎洒淚風前誦渭陽自注力臣方爲舅氏
亭林校刻音學五書受祺堂集有寄力臣詩曰一
代儒宗同所向叩須金石正皇初自注謂寧人先生
時所著書多屬君校刻潛正劄記寧人著有字書
五種託力臣繕寫投梓力臣曾寄一樣本來果博且
精不可及也北行抵曲周拜路文貞公祠入都從孫

思仁借得春秋纂例春秋權衡漢上易傳等書清苑

陳祺公資之薪水紙筆傳寫以歸

元譜詳見鈔書自序穆案先生有

手札云弟爲一二相知所留似須秋杪方可行昨諭
鈔書者能爲弟覓二人否又一通云弟以校讎之忙

不及親叩專經走送別有一函求投入理署令叔先生并希致知己之言不敢忘惟努力讀書以庶幾無負相期之意也二

東還主德州程工部正夫李刑

部紫瀾家

元諧李名濟號述齋芮城令李霖瞻次弟康熙丙辰翰林官至刑部侍郎

是年詩有淮上別王生略一首

徐諧案王略因先生之故以女妻潘

耒是年耒來至山陽成昏於王氏見稼堂撰亡妻王孺人壙誌特先生別王略時稼堂尙未至淮上

耳贈蕭文學企昭一首

穆案企昭字文超漢陽人順治丁酉副榜貢生四庫

書存目收企昭性理譜五卷云其書大旨在於仲程朱而闢陸王與熊賜履閑道錄所見同拜

路文貞墓一首過程工部一首過蘇祿國王墓一

首

謙案蘇祿山在東洋海中地近淳泥閩婆自古荒服之地不通中國相傳其國分爲東西峒三

身有分書目序

是書有陳祺公序
序似先生或書
先生代作

王而以東王為尊明永樂十五年三王並奉其妻
子來朝貢因並封為國王居二十七日三王辭歸
其東王次德州卒於館遂留葬乃遣使封其長子
為蘇祿國王十八年西王遣使入貢十九年東王
母遣使貢大珠一重七兩有奇二十二年復入貢
自後不復至 本朝雍正五年始通貢乾隆十九
年請三年一貢奉 旨五年一貢由
福建巡撫代題自廈門入境達京師

作音學五書序程正夫詩序

是年六月陳祺公重刻廣韻於淮上

王山史山志
李子德嘗得

廣韻舊本顧亭林言之陳祺公託張力臣為鈔木
淮陰此唐人所用之韻也 徐譜案潘稼堂重刻
古本廣韻序云先師顧亭林先生深明音學實始
表章此書刻之淮上然其所見乃內府刊本已經
刪削者久而覺其書之不完作後序以志遺憾穆
案先生蓋誤以宋陳彭年等重修廣韻為廣韻足

本故疑此本已經刪削也稼堂竹垞亦同此見四庫總目提要辨之最數

七年戊申五十六歲

春在都寓慈仁寺

徐譜慈仁寺在廣寧門大街額曰大報國慈仁寺穆案受祺堂集

奉荅先生贈詩五十韻有云憶折前津柳同炊古寺羹自注前年與先生同客慈仁寺子先別去按卽此年春事蓋子德旣去之後先生始問黃培獄事東行也道光二十三年夏何太史紹基知賞爲先生建祠堂於寺西偏隙地一區架屋三楹几筵禮器悉備歲春秋致饗祀焉二十四年落成二月十四日辛亥公祭穆撰文曰先生生當叔季業貫漢唐學堪爲王者師志非以名山老身甘荒遐慰九原貞孝之心時際雲雷灑六謁園陵之淚北征初賦策二馬以來游東道旣通餽十餐而恐後吞民生之利病邑乘必按究阨蹙之險夸邊亭親歷采山鍊冶喻半生尙論之精勤訂韻諧聲發萬古同文之要眇况乎志存淑世要

構誓堂雅慕伏波厲精田牧舉此不撓懲東林復社
之末流墨突未黔囊篋涇桑莊如散屣惟慈仁之古
寺曾作寓公計偉節之邁行適在明日誦孔德炊羹
之句下榻何頻緬無異築室之謀顧廬宛在荆榛乍
啟觴豆初獨規陋雲臺典同石室所覲雲車風馬肝
蠻來臨庶幾學海儒林精神不朽尙饗又五月二十
八日祭文先生行成忠孝學同古今懲末造之蹈虛
進吾徒以考實凡今代文苑儒林之彥敬佩遺書合
天下束脩尙友之懷思隆美報專祠式啟吉祀祇獨
敢因載誕之辰奉薦迎神之曲雖薊門卻饋痛援往
例於靈均而石室修儀展效拜經聞萊州黃培詩獄
於榮緒尙其陟降鑒此惻忱尙饗

牽連卽星馳赴鞠三月下濟南府獄

元譜先生手蹟云康熙七年

二月十五日在京師慈仁寺寓中忽聞山東有案株
連卽出都門於三月二日抵濟南始知爲不識面之
姜元衡所誣姜元衡者萊州卽墨縣故兵部尙書黃
公家僕黃寬之孫黃瓊之子本名黃元衡中進士官

黃家高明史有傳
 存者有黃傳如
 臨江二卷今在
 北平

翰林以養親回籍揭告其主原任錦衣衛都指揮使
 黃培見任浦江縣黃坦見任鳳陽府推官黃貞麟等
 一十四人逆詩一案於五年六月奉旨發督撫親
 審事歷三載初無干涉忽於今正月三十日撫院審
 時稟稱有忠節錄即敢頑集一書元楠口供上頑體
 體驛翰體陳濟生所作係崑山顧寧人到黃家搜輯
 發刻者各行原籍逮證據其所告此書中有黃御史
 照之文傳一篇有云家居二年握髮以終以為坦父
 不曾剃頭之證有顧推官或傳一篇有云晚與寧人
 游有云有寧人所為狀在以為寧人搜輯此書之證
 不知此傳何人投稿何人親見刻板見在何處此書
 得之何方而就此握髮一語果足以證已故二十餘
 年黃御史之不剃頭否就此與游二語果足以證寧
 人之即顧寧人又即搜輯此書之人否且讀邸報此
 書已於六年二月曾經沈天甫出首矣請略言之昔
 做郡有陳明卿先生以壬戌探花官至國子祭酒好
 刻古書有資治通鑑大學衍義等書一二十種行世
 其子濟生亦好刻書濟生已故有光棍施明者從海

外來與沈天甫等合夥偽造此書假已故陳濟生之名而羅江南北之名士巨室於其中以爲挾害之具又偽造原任同輔吳姓一序以騙詐其子見任中書吳元業奉旨國議部議書內有名之人共七百名內有寫序寫詩謾傷本朝之人五十餘名合行查究奉旨沈天甫夏麟奇呂中逃走之施明未來之吳石林及代主控告之葉大等合夥指造逆詩肆行騙詐雖稱逆詩從海外帶來茫無憑據又云編詩之陳濟生久經物故而從海內帶詩之施明又經逃走此等奸棍嚇詐平人搖動良民誣稱謀叛以行挾害大干法紀爾部即將沈天甫夏麟奇呂中葉大俱行嚴審擬罪具奏逃走之施明未來之吳石林俱著嚴行緝拿獲日也著擬罪具奏刑部審得沈天甫等供稱騙詐吳中書銀二千兩未給將此書出首欲圖三品前程是實奉旨將沈天甫夏麟奇呂中葉大四人於閏四月二十二日押赴西市處斬施明吳石林緝拿未獲今元衡所首之書一百三十餘葉與沈天甫之三百一十六葉者雖刪去頗多而詩卽敢願之

詩傳卽此詩之傳編造之人卽陳濟生其爲一書不問可知也恭釋明旨不直曰陳濟生而加以又云二字又云者據沈天甫之所云是已故之濟生聖明猶燭其詭罔而元衡欲以此牽事外之人而翻久定之案其南北通逆一稟云據各刻本山左有丈石詩社有大社江南有吟社有遺清等社皆係故明廢臣與招羣懷貳之輩南北通信書中確載有隱叛與中興等情或宦孽通姪或匹夫起義小則謗讟大則悖逆職係史臣宜明目張膽秉筆誅逆故敢昧死陳揭逆刻種種罪在不赦北人之書削我廟號仍存明號且感憤乎鴟張虎豹乎王侯南人之書以我朝爲東國爲虎穴以僞王爲福京爲行在北人之書曰斬虜首黃鵠斬劉種孫人乃子王考傳知有斬首四千級之擁胡姬征擒劉種孫人乃子王考傳知有斬首四千級之思漢嚴儀紀漢春秋南人之書有黃御史握髮一傳又有起義有舉事有勸衛主倡義及迎魯王浙東王朱監生等事又有吳人與魯藩舟中密語又有平敵將軍有懸高皇帝像勸衆及入關入海等事北人之

書有含章館詩集友習軒詩集夕霏亭詩郭汾陽王
考傳南人之書有啟禎集卽忠節錄歲寒詩東山詩
史倣文信國集子美句百入十章其北人則黃培所
刻十二君唱和序跋等人其南人則啟禎集所載姓
名籍貫俱在刻本中約三百餘人是元衡之意不但
陷黃坦陷顧寧人而并欲陷此刻本有名之三百餘
人也不知元衡與已斬之沈天甫逃走之施明何親
何故何以得此海內帶來之書而前唱後和如出一
口其與不識而之顧寧人刻本有名之三百餘人何
能何隙而必欲與黃氏之十二君者一網而盡殺之
推其本意自知以奴告主之罪律所不赦欲別起一
大獄以陷人而爲自脫之計遂蹈於明旨所謂詐
詐平人搖動良民誣稱謀叛以行挾害者而不覺也
天道神明不僭不濫今於三月四日束身詣院投到
伏聽審鞠至教唆陷害別有其人尙客籍布統惟詳
察江南布衣顧寧人頓首穆衆進士履歷便覽黃元
衡字元培卽墨縣籍膠州人順治己丑科會試十八
名欽授內翰林國史院庶吉士辛卯升宏文院編修

會祖繼節祖寬父瓚又黃貞麟字振在即墨人順治
 戊戌會試二百八名戶部觀政庚子授江南鳳陽府
 推官會祖兼善廩生祖宗曉濞安衛經歷父澤庠生
 又手札云在都時極荷倦倦之愛今姜元衡板及
 弟名具題請 旨弟已赴濟南投到矣先有一札致
 譚年翁業詳此事始末念知已聞之必倍懇切謹此
 布政前沈天甫所指造陳濟生逆書有序有目有詩
 有傳原狀稱共三百一十六葉今元衡所首之書無
 序無日無詩止傳一百餘葉知却中原書已燬刪去
 天甫狀中已經摘出者稱另是一書據元衡南北通
 逆情由一揭欲借此書另起大獄而羅書內有名之
 三百餘人於其中以翻主僕名分之案不知就此百
 餘葉中篇篇有濟生名則卽此一書之明證也奉
 旨爲沈天甫指造之書卽已故之陳濟生尙屬誣罔
 而况餘人乎弟敢不惜微軀出而剖白此事尤望大
 君子主持公論此札仍乞傳與譚年翁一觀并以告
 諸吳越之同聲氣者廣韻留程宅候取不盡 又一
 通云前有十面想已微覽弟不遵明哲之訓果有此

果今江夏之驕吝足以致敗而與之同事奈何奈何
南冠而縶竟不得出一切詳之舟老書中惟知已爲
之壯拯縣切懇切餘語去价能道不悉又一通云
弟來此區區之意尙未得少申爲歎廿四日出都前
往厯下如有札寄示乞寫德州北李宅家報付報房
封遞三四日可達李老先生諱源字星來原任河津
令與弟交頗密卽爲專人齎至省城也事畢再容趨
至九頓報至德州先到蕭宅次卽傳至李宅有二李
故稱北以別之又一通云來論惓惓深感愛厚所
云屢有言相致者止於舟札見之它皆未到卽賦梅
者止有一札無兩札也所云但當力辨有無勿牽別
事教如台旨箭中之響昨至德州點簡二日悉取而
焚之矣并復此中之事大抵上有求而下不應弟遂
無保出之法黃氏絕不照管債主斷絕日用艱難莊
田之麥俱爲劉根割去每日以數文燒餅度活何以
能支欲乞一問南夏諸公若天生至晉可爲弟作書
促之入京持輦上一二函至厯下必當有所濟弟已
別有字往關中矣一切統希垂照不宜舟書可互觀

之穆案子德谷先生贈詩有云客返關中路書傳歷
下城自注客秋有鄉人至自濟南拜先生嘗又一
通云五月十九日院審先取有同案中年老者四五
人保識黃御史會已剃頭口供次辯啟顧集中有寧
人字無顧姓又不在黃御史一篇傳內并審出章工
地土情由惟問姜要顧寧人輯書實證無詞以對又
扳卽墨老諸生杜廷交砮讞爲證又展轉推出所
從得書之人爲萊陽縣孫榮之乃積年走空之人今
并行捉去矣雖未保出而是非已定此皆上臺秉公
持正及大人君子孳孳壯拯之力惟有世世尸祝茲
因便羽先此奉聞 元諸衍生案云是獄爲謝長吉
主唆長吉卽乙巳歲坑費不償而以大桑家莊房產
作抵者是秋九月先生與長吉對簿始得開釋穆案
翁王濤聽竹山房詩話謂亭林游濟南爲一達官置
之獄葢耳食之言非實事也子德谷先生贈詩有云
莒萊矜野語虞芮亂羣聲自注訟起因小人奪先生
田又云歛糧江波大潛楊海汝輕自注時松楸株累
多人用已結海上市 何紹基案札中所稱撫院者

宛平劉公芳躅也國史本傳公以順治七年任山東巡撫康熙十一年始以憂去在任者二十三年嘗奏請緝盜不得豫勒名數以防捏陷又賊證未明不得以初供定讞又請撤山東錢局皆得旨允行蓋仁明君子也赴東詩序墨蹟本有撫院劉公之語後來刻集乃刪去此節何也徐諧案是年春竹垞至山東客撫院劉公幕中則先生之脫於患難竹垞當與有力焉穆案顏修來有送朱錫鬯之濟南詩曰攜手河梁悵去塵歷山遙望柳條春訟庭尙有南冠客莫向燕臺思故人自注時亭林以詔獄在濟南又案札中屢稱譚年翁及舟老者譚吉琬字舟石嘉興人明太僕卿昌言孫父貞良五經進士舟石以監生試補宏文院撰文中書遷延安同知升登州知府鶴徵錄引亭林語云舟石勤於讀經叩其書齋插架十三經注疏手施朱墨始終無一六月十七日戌時地連誤句我行天下僅見此人

震數次自北而南聲如雷城垣顛撲文廟亦毀同時

被震者濟南兗州東昌等郡共五十九處沂州郯城

死傷尤甚

元譜亦載之

穆案此年山東地震事漁洋年譜又子德奉荅先生贈詩經句喧地

坂舉國句天晴自注時地震淫雨

秋從子熊來省於濟南

元譜後隨先生入都

十月獄解得釋

元譜

先生手札云弟於九月二十日保出十一月十日一案之人俱已

赴院畫供想有題結之望凡所以入險能出困而不
蹟者皆知已扶持之力當世世尸祝不敢以楮墨宣
矣前具近詩六章曾微覽否屢有札與舟公托其致
感而未見一報豈其移寓或石頭之沈浮邪今有一
函乞致之近況詳之函中可共覽也旅食無依暫寄
徐玉老署中不謂有延安之陞則此中別無主人矣
萬老先生誓已投似蒙注念院批取保一宿便發也
弟候命下結案卽詣都中叩謝如伺遲則俟舍甥
北上時代弟九頓台堦今來者玉老之僕屬其三日
後走領同書近寒不莊幸宥長至日弟名正具穆

案徐王耆者濟南府志有徐真修遷安人康熙中
由拔貢官濟南通判旋升延安同知蓋卽其人

是年詩有赴東六首

徐譜詩有云荏苒四五日乃
至華縣時是訟繫時當三月

十九日也

穆案子德蒼先生贈詩有云
節至通蘋藻自注先生在難不廢時祭

李子德

聞余在難特走燕中告急諸友人復馳至濟南省

視於其行也作詩贈之一首

穆案子德蒼懷詩之
第五章有云歷下東

湖青濱州歷山東望白雲樓深知鄒子繫非罪敢
謂魯連排衆謀欲陟岱宗俟它日將觀滄海難久
留詠此年赴東馳救

及因疾先還事也

歸元恭文鈔有與先生書云戊申春夏之交聞兄
以山左縉紳相讎之事連及時適有海陵之行無
從問得確耗秋間還從令甥處知兄遂不免犴獄
私心憂之未幾而得所寄書及六詩讀之深歎兄

之善處憂患張元節之亡命雖幸免禍君子譏之
兄乃自詣獄不惟舉動光明揆之事理亦自宜爾
蓋兩姓交惡而委罪於兄兄身出則事白事白則
身全兄之慷慨就獄乃精於脫禍者也但不知出
獄之後復栖遲何所弟前書中戲語三篇後察之
亦不甚確惟濟上一窟是實而聞又為人所賣趙
趙免免幸脫於羅將仍依此窟抑復別尋窟乎一
笑六詩已和得奉覽其中迂怪不悛及江南樂土
等語初非因此事而發蓋別有為前書自言精於
音韻之學著書已成弟未見及但友人頗傳兄論
音韻必宗上古謂孔子未免有誤此語大駭人聽
許前案語何人言此語可駭何語者不得其旨即
未免誤入事先生其此道復安有所謂音韻也
獨音韻為然其議論倘或類此不亦迂怪之甚
者乎卻子語迂單子知其不免况又加之以怪乎
此平也故大所以切切憂之願兄抑賢知之過以
就中庸也向讀所寄山陵詩忠義感激使人泣下
顧兄之去墳墓十餘年矣初因避讎勢非得已歲

月既久然讎已釋且今年讎家已盡室赴任更無
所慮柳子厚竄南方惟以不得上工墓爲恨謂其
祖先曾不若馬醫夏畦之鬼猶得享歲時之祭彼
以得罪不能歸兄今欲歸其孰禦之獨無工墓之
思乎此又平生故人所懇懇於懷者也抑詩不免
局於短篇未能盡達所懷故復及之令子定已長
成曾耳索三索否弟則屢抱山簡之痛方深伯道
之悲也年來筆耕僅能餬口雖不閉戶亦難遠遊
惟去歲爲先太僕遺集事與季侍御相商一渡長
江耳詩古文以乏人繕寫不能遠寄刻文一首呈
覽立齋太史北上艸此
附候便羽幸惠德音

八年己酉五十七歲

春入都寓七聖庵旋往山東已復入都寓文昌閣

三月往昌平五謁天壽山及懷宗橫宮是行也與李

子德佑

元譜以無妄繫

穆案受祺堂詩集有舊年淳人先生

辭還先生寄贈行三十韻詩春日臨保州重會劉門

奉荅前詩廣五十韻十首詩有云甫定他鄉榻俄從

上月就自注先生以二月朔至又云每詢邨邑樹誰

薦寢園櫻自注時在清明是先生此年與子德會令

及謁陵之時日也二月朔至保定一節譜亦失載

又案江藩宋學淵源記謂天生於甲申乙酉間與先

生冒鋒刃閒關至燕中兩謁愍帝攢回都移寓公廨

宮是并先生詩文集亦未之見也

甥邸舍

元譜

穆案時公肅起補國史院修

出都至順德歷邯鄲返章丘與謝長吉對簿案始結

元譜先生有與顏修來手札云夏初勿勿出都歎

然之懷難以筆道想道履彌勝大業彌增令叔先生

今在都門亦當聽鵲起之音奏鹿鳴之什矣弟久滯

安德仰藉洪庇章丘一案已得小結雖陷害之情未

明而霸占之律已正轉蓬思息倦鳥知還九仞之功
非仗妻侯不能終此一簣敢乞鼎致其詳在札中未
緘以舟老正值文場不敢瀆札并乞於試畢日道念
小价王登往莊故另遣潘一廉其人謹愿望示回論
詳文於二十日後到廳更懇
家報中速聞之至禱至禱
赴大名歸巡保定

冬抵平原潘次耕來受學

穆補 案遂初堂集補遺有己酉冬自淮陰抵

平原呈亭林先生六十韻詩詩末云汶野黃雲凍沂
山白艸枯隻身經雨雪遠道涉崎嶇先生答詩云蕭
蕭行李鴈飛秋是次耕以
冬初謁先生於平原也
十一月至都主申叔旆

又主謝方山重輝

元譜方山名未詳穆案方山名重輝德州人以父陞廢官至刑部郎

中陞字伊晉萬厯丁未進士官至建極殿大學士
國初徵爲左柱國內院大學士卒謚清義宋牧仲李
湘北田山蘊集中均有與方山酬倡之作趙怡山談
龍錄舉本朝詩人山左有九皆各有所就了無扶持

依傍而德州謝刑部方山重輝居其一漁洋詩話稱
其過錢佛寺詩池北偶談又述方山言銀瓦寺古鏡
事又嘗序其所著杏村集曰去膚存骨去枝葉存老
幹真賞甚稀存之篋中以待元次山杜清碧其人定
相賞於弦指之外可謂推獎不遺餘力而臨清汪灝
送方山告歸詩云真得意時惟嘯咏不如人處是功
名盡亦恬於進取者又案鶴徵錄潘次耕之試鴻博
也由左諭德盧琦及刑部主事謝重輝薦舉然則方
山學行亦約略可見矣先生有與顏修來札云老
年臺旣晉秋寅清而令兄復駿壘東園凡在知已莫
不欣忭弟有訟事未了尙缺叩賀茲有德州方山謝
年兄入都附此申候方山爲內院清義公之冢嗣嗣
嗣文雅更能熟於古今少年中鮮其倚匹屬以蔭職
赴部一切仰祈照拂緣弟夏秋主於其家斯夕對譚
心所歸依惟在門下至於居官涉世之道亦望時時
提命貴鄉才俊可爲後勁不俟弟言之畢也冬杪園
晤不悉中懷穆案札云晉秩寅清者修來以中書舍
人恭逢 聖祖臨雍加恩四氏遞禮部儀制司

主事也云令兄駿裴東國者修來
是年次甥秉義
兄光猷以是年秋領本省鄉薦也

中式順天舉人

執友王起田王思齡歿

元譜思齡里居出處

無攷

是年詩有樓桑廟一首有事於櫨官一首贈李貢

士嘉一首邯鄲一首邢州一首自大名至保定子

德已先一月西行一首潘節士之弟來遠來受學

一首

徐譜案是年潘耒將讀普於婦翁王略家六月略卒十一月耒妻亦卒故耒去山陽適平

原也時當

已冬盡矣

有謁櫨宮文王起田墓志

九年庚戌五十八歲

四月往德州六月程正夫李紫瀾延先生於家講易
至九月初講畢卽以是月入都九日與朱錫鬯及嘉
定陸翼王元輔在北平孫氏研山齋詳定所藏古碑
刻元譜謙案元輔號鞠隱經學湛深陶庵弟子學術
志行不愧師門曝書亭集跋李龍眠九歌圖卷康
熙庚戌九月九日偕崑山顧炎武寧人嘉定陸元輔
翼王永平申涵光臯孟嘉興譚吉璉舟石觀於宛平
孫氏研山齋是年竹垞又有同紀處士映鍾杜太史
鎮譚舍人兄吉璉集孫侍郎研山齋四律其弟三首
尾句云齊東回首望取憶虎頭癡自注謂顧子炎武
蓋研山一集之後卽出都竹垞復有宴集而憶及之
也

出都至曲周訪路安卿一歷河南至山西復回

山東度歲

是年初刻日知錄八卷

元譜初刻八卷本有徐譜案

七七一條今刻本無見全謝山經史問荅今刻本弟

六卷有一條有錄無書是錄為先生自定書則經後

人刪

長甥乾學登進士一甲三名

元譜穆案是年公肅擢國子

監祭酒

憺園集書錢糧論後曰舅氏亭林先生學

博而識精於天文河渠禮樂兵農錢穀之故上下古

今洞悉原委數往來畿輔齊魯秦晉間盱衡時事間

有所作錢糧論二篇至為痛切仲長統昌言崔寔政

論之儔匹也某昨歲對策謂須得公忠強幹之臣權

萬物之有無計百姓之贏絀而為之變通蓋寔本於

先生之論紹基按健庵對策云漢唐三代以帛為

租宋始用錢金章宗鑄銀曰承安寶貨公私迄今用

之礦脈久閉海船已停民間之銀日耗而不生而上

供者必以常額宋齊邱有言錢非耕桑所得以錢收

稅是教民棄本逐末

也此寔本於錢糧論

是年詩有述古一首德州講易畢奉柬諸君一首

輓殷公子岳一首

元譜岳字伯巖一字宗山雞澤人有留耕草堂詩集

穆案池

北偶談殷岳工五言古詩平生不

解爲近體常爲睢寧令輒自罷歸

是年程正夫有贈先生序云東吳顧亭林先生今

之大儒於書無所不讀習熟國家典制以至人情

物理淹貫會通折衷而守之卓乎爲經濟之學者

也而失意於時君子惜之以故北游上國歷燕趙

之墟上太行渡黃河出塞入關極秦晉之鄴折而

留滯於齊魯間皆得周覽其名山將以擬太史公

之故事乃每過吾州輒見訪如僑札之歡泉梁之

托也爲余談說經史不憚娓娓或留信宿或決月

經時然後乃去因見其著述之富汗牛充棟要皆

崇正黜邪一軌於聖賢之微旨抽關啟鑰盡見其

全其辯詳以覈其論典以要其思平寔以遠其義

純粹以精木於經而不泥於昔聞原於史而不拘

修纂之功
分門別類
以類從之
以類從之
以類從之

於成說多前賢所未明一旦自我發之者自漢唐
以來諸賢林立觀其意思略與鄭康成王文中輩
和彷彿皆能深造理窟立追大雅以斯文爲己任
者也以觀今之作者不啻奏黃鐘大呂於秋蟲響
荅之前其鉅細不侔矣假使先生得時而駕爲當
代柱石功業所至不過封侯而止其於開先王之
道以津逮將來爲天下後世之利且孰得而孰失
乎今年結夏於此與二三同人講易復得發其日
知錄一書觀之多攷古論世之學而其大指在於
明經術扶王道爲之三歎服膺勸其出以惠學者
此自亭林支峯蔓壑余老病荒忽書數語其後附
以不朽必欲東觀大海盡十洲三島之奇則有先
生所著之全書在非一朝一夕所得而卒業者矣
余不佞倘如豫之五父疾而不死請得讀書養氣
十年之後文思少進爲先
生細論之康熙九年八月

是年爲路安卿之舅氏王君國翰撰墓志銘

十年辛亥五十九歲

從子洪善洪慎來省先生於都門 入都主原一甥

家 夏熊青岳閣學欲薦先生佐修明史力辭之元譜

謙案青岳名賜履字敬修孝感人順治戊戌進士諡
文端又戊午荅潘次耕書云辛亥之夏孝感特簡相
招欲吾佐之修史吾荅以果有此命非死則逃原一
在座與聞都人士亦頗有傳之者耿耿此心終始不
變云 出都歷忻州之靜樂平定州之盂縣至太原

元譜 穆案是年太原知府爲延津周令樹驛書亭
集辛亥年春有送周郡丞令樹遷太原守詩是也令
樹重建晉祠碑亭記往崑山顧炎武爲令樹言唐朱
人題名及詩多刻之古碑陰碑陰既滿往往闌入行
間此獨以御製御書唐人無敢刻一字至宋始有題
名碑陰及兩旁者而正文特完好云云按記作於明

年壬子端午後三日所謂往者卽此
年事也令樹字計百順治乙未進士
爲太原守周

計百令樹點定荀悅漢紀穆補遂初堂集代人作

書漫不足觀民間又鮮藏本閒訪傅青主徵君於松
莊案間見有荀氏書喜甚假以歸手自校讎往往與
班書相出入蓋荀書雖據班書他所摭採尙多故頗
存異同又有班書所未載者多得失廣異聞固悅本
志也後人每据班書以改此書而其誤彌甚宋吳巖
李氏已言印本多謬此本爲明黃姬水所刻外錯不
少適顧亭林先生來爲點定一過刊誤存疑遂爲善
本云云案次耕雙塔寺雅集詩序出太原郡城東南
行七八里松莊傅隱君青主所居也太守延津計百
周君歲之初吉率子若壻屏騶從挈壺觴躬造於廬
是訪青主者爲郡守周令樹也又次耕太原守周令
樹墓志云余布衣時嘗讀書太原署中則此敘卽代
周作也又九日同惠元龍家雙南兄登瑞光寺塔詩
注辛亥九日同闔古古傳青主飲太原新寺是次耕

以此年客太原周假書顧校書潘代作書序皆一時事也十月交城令趙恒夫

天羽邀與華亭陸集生慶臻上海蔡竹濤湘翦燭賦

詩

元譜謙案恒夫名天羽號吉士休寧人入籍錢唐順治辛卯舉人由知縣內陞戶科給事中降補國

子監學正著有續表忠記音韻正謬寄園寄所寄萬青閣全集集生名慶臻金山衛人崇禎壬午舉人順治八年揀選推官不赴游秦晉間晚始歸里著齊庵詩稿貧甚不克葬其親泣曰得墓田一笏營葬足矣故又號笏田竹濤名湘竹坨阮亭均與倡和後客死交城

是年詩有寄張文學昭時淮上有築隄之役一首

元譜案是年奏於淮揚界築祖家堤至十八年七月歲功山陽寶應高郵江都四州縣河西諸湖涸出者招雙鴈一首夏日二首秋風行一首靜樂一民佃之

首寄王高士錫闢一首

錫闢字寅旭一字昭真號

一生縵江人精於麻策諸有伏麻統西麻廠藥市
未麻稿推步交食測日小記三辰晷志圖解變施
新法麻說麻策左右旋問答諸書三移案廣師云
學究天人確乎不拔吾不知王寅旭又案麻師
所列不如之人十而見於詩文集者九獨與吳任
臣交游之蹟無可攷見附識於此廣師云博聞強
記羣書之府吾不如吳任臣任臣字志供一字爾
器浙江仁和县生福建莆田人己未試鴻博二等
授檢討著有周禮大義通十國春秋山海經廣
注等書魏冰叔稱當世著作有不可少之書三十
國春秋其一也王偉吟世說云吳志伊志行精熟
博學深思兼精天官奇王之術又精樂律嘗於市
上見獨鐘一枚曰此大呂
鐘也後滌視款識果然

孟縣北藏山一首

十年壬子六十歲

由山西至京主公肅甥從兄平庵甥徐履忱來省

元譜

平庵名孝宏以貢選泰興縣訓導卽武孝廉爾策之父

五月至濟南首八月

入都仍主公肅甥十月往德州

元譜先生手蹟云舍甥久積領慕

昨奉叩未晤今擬於初四日扳駕一談俾弟亦得侍

聆謦言至感至感弟在初旬內亦欲出都矣又一通

云五日前曾走叩未晤既台命諄諄不敢固強舍甥

容另十日奉候但弟日下卽擬出都不得追陪一敘

奈何奈何尙容趨別未悉又一通云前走叩未得面

弟以十二三出都往德州此刻擬一造別并問貴鄉

有旅伴可同行否退谷先生常問起居附及由河南

穆案此三札以元譜推尋情事當在是時

至山西

元譜

與閻百詩若璩相遇於太原

徐譜案尙舊古文疏證有

壬子冬客太原與顧亭人論朱謀埠水經注箋事

穆案潛研堂集閻先生傳康熙元年始游京師旋改

歸太原故籍爲諸生祭酒顧先生炎武游太原以所
撰日知錄相質卽爲改訂數條顧虛心從之又潛
工劄記有與先生論幽并管在禹貢九州外一條云
余時同客太原面質正云云又曰吾與君所共游者
非石嶺關以南乎潛止生於崇禎九年丙子少先生
二十三歲松案潛止補正日知錄凡四十一條復
糾肇域志言晉穆侯晉境不得至界休之非又言代
西還不止於三江西三僅知其二說具載所著劄記
中然與劉超宗警言先生之警精且博與戴唐器書
言讀顧氏音學五書心花怒生背汗淡出又言此地
縉紳有如馬宛斯其人者文學中有如傅青主顧寧
人其人者使後生小子感奮興起紹明古學直追金
華嘉定諸先生之遺度歲於靜樂衷和敏德來
風其服膺先生至矣

學元譜所載未詳其人

寓書潘次耕議撫吳江族子衍生爲

嗣是年從子洪善鄉試中式舉人

元譜

原一主順

天鄉試

韓元少出其門

有撫其取副榜不及漢軍者坐降級

歸

穆據有懷堂集補

潘稼堂贈先生六十壽序云吾師亭林先生負名世

之資學貫天人而遭罹厄會崎嶇戎馬之間顛沛岸

獄之下瀕危者數矣卒自全客游二十歲窮邊絕塞

靡險不經而筋力不怠今六十矣精明彊固無減壯

年

徐譜

是年詩有讀李處士襄城紀事一首寄楊高士瑀

一首

謙案瑀字雪臣武進人著有飛樓集一百五
十卷年七十餘卒穆案廣師云讀書為己

探賸洞微習不如楊雪臣健庵雪臣等序先生少日好立奇節既而厚自刻厲率諸子鉅戶讀書自經史而外分授天官地理厯律兵農之書出則賡佩遜初講學南田及東林書院如是者餘三

十齋祭器行一首題李先生矩亭一首

謙案惡太史周楊李

君墓表君諱源字江餘一字星來德州人順治丙戌進士授河津令有能稱罷歸爲人和易恬退好讀書至老不倦於古今河渠漕屯兵農諸事討論尤精云云濟南府志稱源歸里後築退庵因以自號植花竹購圖書豈山顧處士炎武聞源談易數歎曰今之管輅也 穆案此卽先生戊申赴東手

蹟所謂北

瓠一首土門旅宿一首

李家也

謙案先生是年有與李武曾書云弟夏五出都仲秋復入年來蹤跡大抵在此將輟退谷先生之藏書如好音見惠亦復易達頃者日知錄已刻成樣本特寄上一部天末寓山中冀覽此如覩面也率

爾不宣據手

書墨蹟補入

穆案望雲樓帖又載與潘次耕手札云昨退翁見召午後隨社而太史公已行不得一晤幸致意明日有便酌可於晡時過我昏後遣騎送回此啟次耕賢弟炎武頓首以時攷之當在此年八月復入都門時也又案周令樹重建晉祠碑亭記末云時同游者有炎武之弟子吳江潘耒記作於此年端午後三日意次耕由太原入都冬乃南歸也故有與議立族子衍生之書

十二年癸丑六十一歲

正月由靜樂南歸至揚州

元譚作由山西之山入都東據手札正說見後

主公肅甥

四月至德州訂州志

返章丘桑家莊

八月游濟南

元寓通志局

穆據居易錄及手蹟補入居易錄山東通志修於癸

丑當事既視爲具文秉筆者又鹵莽滅裂不諳掌故
人物一門竟將曹縣李襲敎乘單縣秦襲毅紘沂州
王恭簡景三鉅公姓名事實削去不存一字其餘可
概見矣時方伯施泰瞻天裔主其事聘吳郡顧炎武
在局而不一是正可惜也 先生有與顏修來手札
云弟今年寓跡半在歷下半在章立而修志之局郡
邑之書頗備弟得藉以自成其山東肇域記若貴省
之志山川古跡稍爲刪改其餘概未經目雖抱素餐
之譏幸無芸人之病然以視令叔先生則真魯之兩
生不敢望後塵矣汝陽歸我治之四年始得皆爲良
田今將覓主售之然後東書西行爲入山讀書之計
所刻座右銘一通並音學五書面葉呈教近日又成
日知錄入卷韋布之士僅能立言惟達而在上者爲
之推廣其教於人心世道不無小補也率此附候不
宣 穆案通志之役張昺若亦在局中見所作李繼
齋文鈔序李繼齋者卽先生諸屬十事所云樂安李
象先也

十月自章立至德州哭程正夫工部又聞從

叔父穆庵及歸元恭訃設祭於桑家莊入都得渙

南報

元譜是年朝議撤三藩兵衛

寄潘次耕書令族子衍生北

上

在京度歲

元譜

是年次甥秉義登進士一甲三

名

穆補韓莢榜莢字元少號慕廬長洲人

是年詩有贈錢編修秉鐙一首

元譜秉鐙字幼光後改名澄之字飲

光宏光時客嘉善錢吏部仲馭家馬阮方興大獄逮捕諸清流飲光名亦在捕中乃變姓名逸去南都失守飲光走粵東妻孥盡死於震澤乃為僧廢釋名西頤七年後始返故里編修蓋唐藩遙授者穆案譜謂編修為唐王遙授大誤穆嘗鈔得飲光所撰明末野史其永厯紀事篇載云永厯三年十二月二十四日上臨軒親試題義三道論一道詩一首取中八人授翰林院庶吉士秉鐙名在弟

二又一條云庚寅冬蒙臨軒特典改授庶吉士子
出山陰嚴公起恒門公在上前極稱子有制誥才
請改編修管制誥上領之然則飲光乃桂王間關
從龍之彥矣故先生詩曰斷煙愁竹泣蒼梧
筆
悽文來漲海也松案飲光於壬子冬以都館興
尚書鼎彝家見懽園集謙案飲光嘗調易於漳
浦黃先生撰田間易學又撰田間詩學以小序首
句爲主采諸儒論說自注疏集傳外凡二十家於
名物訓詁山川地理言之尤詳詩得香山劍南之神有藏山閣稿田間集先妣忌日

一首自章丘回至德州則程工部逝已三日矣

首有歎一首哭歸高士四首

穆案徵雲堂雜記願
寧人與吾友歸元恭

同里閔元恭守鄉曲而寧人出游四方所至壑田
自給元恭嘗邀同社諸君子會於影園余以病不
果往元恭旋歿余以詩哭之又爲文祭之曰先王
道喪士習儒懷孔子有言必也狂獗歸奇願怪

此於一時之選漁獵子史貫經傳志高氣盛雄
傑魁岸顧游四方燕塞秦甸君獨閉門枯守筆硯
跡弛不羈俗人笑嫻施太僕文
蒐羅拾擲胡忽限公逝如飛電

有從叔父穆庵府君行狀

是年先生有荅李武曾書云黔中數千里所刻之
書并十行之腹乃不久而遠又得手報至方山所
而寄我於樓煩屬門之閒若頻陽至近天生至密
而遠客三楚此時猶未見弟之成書也
於壬子癸丑兩年間在湖南一館中人事之不齊有
夏有得寧人先生書數紙一讀一喜
如此者可為喟然一歎此書中有二條未得高明
駁正輒乃自行簡舉容改後再呈且續錄文得六
卷未必來者之不勝於今日也交城縣刻弟所正
之七經誤字附上一紙比客雜揚頗能攝疾遠來
注問并謝附李來書云客春黔陽一紙奉候想久
記室自後驅車關塞不覺逾年朔氣愁人每憶江
鄉景物恨不能奮飛與先生共結鶯黃柳絮間也

邇來道體何似肺病想不復作甚念之弟新正入
都爲諸公所留遂下司勳之榻屈指邗江繫纜又
在來春爲耿耿耳所擗合札一一致到阮亭匆匆
屬筆前貽錫堯物面致久矣君館於東撫君甚善
也好風南來時惠遠音以慰翹切謙案武會秋錦
山房集序辛亥春從曹潛餘侍郎入黔朱竹垞江
湖載酒集亦有寄武會在貴竹金縷曲詞中有上
已浮杯勿勿別句則武會之往貴州是辛亥三月
茲書首云客春黔陽一札當指到黔之次年壬子
而此書之發蓋在癸丑歲也謙得兩先生手翰故
於今年並補錄之第以是年朱李兩家蹤跡就竹
垞年譜證之與李書所云多不相符而元譜於先
生今年亦未有揚州養病之事其中如何外迂未
敢臆斷存之以俟續攷 穆案據元譜辛亥十月
在交城令所此云交城縣所刻七經誤字知必在
辛亥之後據此年寄修來札云又成日知錄八卷
此云續錄又得六卷知必在此年之前先生上年
於靜樂度歲故云寄我於樓煩鴻門之間比客雅

揚則作復讐之地也然則此札必在癸丑春首竟
 由靜樂南征元譜誤云之山東耳若其年一札則
 與先生書前後俱不相應知者先生既以著書相
 寄不容更無一語相復又漁洋以王子夏與試四
 川差旋遂奉母夫人諱家居此有阮亭匆匆屬筆
 之語札必不作於癸丑更無疑也此札或前或後
 不敢遽定然考健庵李分虎詩集序曰長水李斯
 年武曾分虎三兄弟俱淵雅負雋才俱好遠游六
 七年前斯年游粵東武曾游黔中而分虎尤越在
 萬里外在五溪六詔間既念家有老母日南天未
 不可以久居則由金齒歷貴筑從其仲兄武曾開
 關跋涉以歸蓋歸市踰時而西南之變作攷吳逆
 以十三年正月反而先生兩辰冬有與分虎詩曰
 李生符自南中歸精李三年矣則武曾之歸當在
 此年冬盡札首又有此後驅車國塞不覺踰年
 氣愁人云云似是自黔歸後又作西北之游意此
 札亦當在乙卯丙辰間也車第因先生書有此客
 雜揚語李書有邢江繫纜語遂誤切爲來書耳曾

潘餘侍郎者安上曹申吉也康熙十年由兵部侍郎授貴州巡撫吳三桂反申吉從賊後不知所終或云三桂疑而磔之矣又案頃借得良年秋錦山房集其子潮借跋云是編卽以行止出處爲卷次蓋仍然編年也癸丑歲九友詩其弟二首爲懷崑山顧寧人炎武尾句云昨者日知錄寄我楚南峯確係歲壬子也春杪有聞斯年兄從嶺南歸營艸堂於長水東村相見當在今臘詩又二月中得分虎自滇中寄詩有云約束琴書好歸去莫令又過菊花時歸途與分虎舟中夜坐共話家園詩有云武陵烟霞照江底人家茅屋秋雲裏則於晚秋道出湖南也此年蹤跡合之健庵詩序無不一一符合次年甲寅家居有家燕及同人游宴諸作次年乙卯歷游邗上滁州懷遠龍山諸處所謂自後驅車關塞不覺踰年也此後或家居或暫出游以未遠涉故詩亦不詳其借健庵宮坊集錢遵王述古堂及立齋園居落成招飲諸作則丁巳後徐氏兄弟居憂時事然則此札必在戊午應詔北上後

無疑時漁洋已服闋改官翰林竹垞亦被薦入都
與札中云云又一符合也据知客春云者特回
憶往事非孤指作札之前一年而先生之札及貽
竹垞物何由得良年攜來此間情事則不可臆推
矣良年初襲虞姓名兆潢又名法遠後復姓名李
良年字武曾號秋錦嘉興人生於崇禎六年癸酉
少先生
二十歲

十三年甲寅六十二歲

正月出京由易州往汾州 四月至德州回濟南

度歲於桑家莊

元譜

是年詩有廣昌道中二首寄問傅處士土堂山中

一首與胡處士庭訪北齊碑一首

元譜謙案庭字季子汾陽人青

主弟子 穆案戴東原修汾州志庭父名邁春崇
顏戊辰進士由聊城知縣擢戶部主事庭自李自
成之亂遂與弟同並隱居講學庭於易詩春秋論
語大學孟子皆有論著又曰顧炎武其學上繼漢
唐攷核之儒其金石文字記所載大相里齊天保
三年相里寺碑郭社村唐乾封二年郭君碑文侯
村唐上元三年任君碑小相里唐相里瑞碑
晉天福五年相里金碑皆身至其地摹拓者 詠史
二首路光祿書來敘江東同好諸友一時徂謝一
首過矩亭一首潘次耕南歸寄示一首子房一首
刈禾長白山下一首歲暮一首

十四年乙卯六十三歲

從子洪善來省於章丘 赴濟陽訪張稷若 往德

州送程工部葬 八月自山東歷河南抵山西之祁

縣主戴楓仲廷杖家

元譜楓仲名廷杖祁縣人家多藏書及法書名畫著有半可集

與傅青主王漁洋友善謙柴竹南漫錄楓仲博學好古所居丹楓閣上圖書鼎彝羅列左右人方之倪迂

清 閔 楓仲爲築室祁之南山

穆據受祺堂集荅戴楓仲見懷詩注補詩云漢室閔

遺老君爲築艸亭自注顧亭林將起山堂祁之南山戴力任之

先生因之置書堂焉

穆據蒿庵集及竹垞詩話補

蒿庵自敘墓志所著有儀禮鄭注句讀遇崑山顧寧人錄一本藏山西祁

縣所立書堂靜志居詩話寧人於山西營書院一區盡取家中所藏十四經二十一史暨明累朝寶錄插

綴於架予嘗分書題其柱云入則孝出則弟守先王之道以待後學誦其詩讀其書友天下之士尙論古

人 穆案先生又嘗欲作書堂於西河之介休聚天下之書藏之以貽後之學者見健庵兄弟徵書啓

十月六日張帝臣某及張又南雲翼過訪

元譜帝臣無攷

又南名雲翼咸寧人靖逆侯甘肅提督勇之長子以父廕官大理寺卿是年春平涼王輔臣反三月輔臣函大將軍符劄招勇勇斬其使命長子雲翼赴京首奏勇得晉侯爵閏五月大破賊於鞏昌收復寧州等衛之陷賊者亂遂平勇喜與賢士大夫延接同里若李中孚王山史李子德咸與之爲忘分交謙案先生著左傳杜解補正三卷又南捐貲刻之穆案衍生嘗寫歷代宅京記一部贈靖逆侯其時又南已襲爵矣

納妾於靜樂

元譜先生辛亥在太原遇傅青主診先生脈云尙可得子至是因納

妾

是年公肅改翰林院學士原一復元官

穆補彥和時

官中允

是年詩有兄子洪善北來言及近年吳中有開松

江之役一首

元譜案康熙十年二月江蘇巡撫馬祐奏洛劉家河五千一百八十八丈十

二月委蘇松常道參議韓佐周及蘇松二府同知通判師佐王永熙周祚昌等董洛吳淞江一萬四百九十一丈各於海口置閘其經費則奏准留蘇松常三府漕折銀九萬兩浙省杭嘉湖三府漕折銀五萬兩充費同藩司慕天顏檄行所屬督理是年九月崑山知縣董正位申詳開洛瓦浦凡三十六里是月興工至十二年五月訖工邑諸生朱青以歲旱請於巡撫浚注浦自刁家橋東出吳淞民賴其利改注浦曰朱浦詩中有云那聞父老復愁兵秦關楚塞方酣戰者是歲以耿吳二逆之故天下騷然所在閏五月十日二首過張貢士爾岐一多不靖云

首送程工部葬一首寄路舍人一首孫徵君葬於

夏峯時僑寓太原不獲執紼一首

元諸案李徵君年譜乙卯冬顧寧人書來寧人自
癸卯盤屋別後雖足迹遍天下而音問時寄是時
徵君流寓富平寄書略云先生龍德而隱確乎不
拔真吾道所倚爲長城同人所望爲山斗者也今
講學之士其篤信而深造者推先生異日九疇之
訪丹書之受必有可以贊後王而啟來學者側聞
卜築平陽管幼安復見於茲
弟將策蹇渭上一敘渴悰也

是年撰陳鼎和墓志

十五年丙辰六十四歲

正月自山西之山東二月入都主原一甥

元諸案原

一時官右贊善餘集有與潘次耕札云原一官彌貴
客彌多便侯者留剛方者去今且欲延一二學問之
士以蓋其羣醜吾以六十四之舅氏主於其家見彼
蠅趨蟻附之流駭人耳目至於徵色發聲而拒之乃

僅得
自免
三月回山東
五月入都二十八日先生誕

辰原一具酒稱祝
秋至薊州仍入都
十一月二

十四日先生弟五妹徐太夫人訃到二十七日成服

越二日設奠
命撫子衍生北上並寓書湖州沈允

斌三曾沈度汪涵昆季附其家眷舟至京
元譜
案沈度汪

名涵一字心齋歸安人康熙丙辰進士官至閣學一

統志稱其督學福建時試士公明雖勛貴請托弗許

所拔皆名宿以朱子分年讀書法課士士習爲之不

變秩滿去閩人勅清茗書院祀之允斌未攷
穆案

康熙丙辰進士履歷便覽沈三曾允斌丙午年生歸

安籍烏程人壬子十二名會試三十六名二甲二名

欽選清書庶吉士戊午授編修沈涵度汪丁酉年生

歸安人乙卯五名會試十七名二甲三名欽選清書

庶吉士戊午授編修三代同蓋胞兄弟也以生年核之度汪是年二十歲允斌若生於丙午纔十一歲耳丙子殆甲子之誤是時年二十三也然試年多不足據如下顧洪善生於崇禎壬午而履歷作戊子則減六歲也 又案康熙十八年己未會試允斌度汪皆充同考 在京度歲 是年

從子洪善成進士

元改中書

穆補康熙丙辰進士履歷便覽顧洪善字達夫

戊子年正月十六日生崑山人子子十四名舉人會試十二名二甲十六名 先生有手札云歲云莫矣欲走齋中一晤不知可得片刻之暇商訂風雅否此問殊覺總總弟於二十七日移至舍姪寓中度節肇域記想已閱畢幸付下此啓以元譜攷之知必在是時蓋因徐氏居憂故於成服之日卽移至達夫寓中也 從子洪慎得子於崑命名世樞字之曰榮緒後更

名宏佐字復呂立爲殤子訥穀後

元譜崑新合志宏佐年十三補松江

府庠生長洲何焯跋其文勉以繩武年未二十病瘵
卒健庵立孫議舅氏亭林先生立從子洪慎之子
世樞爲孫或者曰無子而立孫非昭穆之序是使世
樞有祖而無嗣也先生卽有子而殤殤不立後盍擇
諸族兄弟之子以爲嗣乎子應之曰不然自夫子之
告子游已謂三代以後天下爲家各親其親各子其
子爲人之同情是則兄弟之子必親於從兄弟之子
從兄弟之子必親於族兄弟之子也明矣古人之立
宗也自非大宗五世親盡則族屬絕苟謂兄弟之子
無當立者舍兄弟之孫弗立而立疏遠族屬之子爲
嗣其於祖若考之意果無憾乎有國者之繼世與士
大夫之承家其理則一而已矣吾外家顧氏侍郎公
有二子贊善公爲大宗夢庵公繼嗣之宗也夢庵公
有子未昏而夭貞孝王孺人服喪衰以歸於顧又十
二年先生生先生方在襁褓夢庵公撫而立之爲貞
孝後先生實吾外祖賓瑞公之子於賓瑞公之子孫
爲至親賓瑞公諸孫洪善家適也洪泰孤子不得爲
人後吾仲舅子嚴失明年老唯洪慎一子非支子不

得爲人後洪慎生三子矣立世樞爲先生後不亦可
乎晉書荀顗傳顗無子以從孫徽嗣中興初以顗兄
元孫序爲顗後封臨淮公荀氏潁川名族子姓甚繁
豈無昭穆之倫可立爲子者而獨以從孫嗣其必不
舍親屬而他立也禮之權而不失經者也何琦之從
父以孫紹族祖琦以爲宗緒不絕若昆弟以孫若曾
孫後之理宜然也禮緣事而興不必拘常以爲礙也
故雷次宗釋儀禮爲人後者之文以爲不言所後之
父者或後祖父或後高曾凡諸所後皆備於其中庾
純云爲人後者三年或爲子或爲孫若荀太尉養兄
孫以爲孫是小記所謂爲祖後者也祖所養孫猶子
而孫奉祖猶父無改父祖之差同三年也何琦庾純
古所稱知禮之君子其言鑿鑿如此惟庾蔚之謂間
代取嗣古未之聞然試以各親其親之常情準之則
必喟然發寤以爲不悖於先王之道矣故昭穆相續
其常也如親屬無當立者不得已而立從孫爲孫如
父子之誼仍不改其昭穆之倫毋亦勢之不得不然
而聖人之所許與子故詳論之以告吾母黨云楊徐

乾學謹議 諫案先生與李梁瞻書指子衍生稱知
禮法不好嬉戲竟立以爲子而崑山從弟子嚴連得
二孫又令荆妻抱其一以爲殤兒之後云云所抱者
卽洪慎之子宏佐本先生立爲殤子詒穀之後先生
之治命也而衍生立爲子亦先生初意且相隨主喪
年並爲之授室以至於視令飯恩義亦非泛常乃稽
其家譜立爲先生後者別名洪瑞又不詳洪瑞之所
出豈先生既歿家人乃斥退衍生復爲立洪瑞邪抑
洪瑞卽衍生之改名邪均不可攷矣 穆案洪瑞蓋
衍生之譜名歷代宅京記後有衍生跋云先府君著
書俱有自序茲編告成最晚甫脫稿府君捐館徐相
國遣人取去自念墨泥勢阻無能往索至相國歸田
後始獲檢還不肖衍生泣血誌案立齋以康熙二十
九年九月致仕歸里距先生之歿已九年又元和顧
廣圻家藏先生著書目錄衍生手蹟也跋云歲丙子
不肖衍生於舊篋中檢得此本讀之泣然因追想當
年多所不符丁亥冬於宛陵旅舍出而錄之云云丙
子爲康熙三十五年丁亥爲康熙四十六年距先生

作集多異
野言當正
卷之八

之歿二十六年矣康熙壬戌衍生年十七至康熙丁亥衍生年四十有三矣抱業稱孤曾無異說豈有家
人斥退之理得此二證
車君之疑可渙然釋矣

是年詩有漢三君詩三首楚僧元瑛談湖南三十

年來事作四絕句四首簷下雀一首元諸蓋居徐氏寓邸時作

薊門送子德歸關中一首徐諸子德蓋自先生詩獄事畢至此年重至京

師寄李生符一首徐諸符字分虎良年之弟

作日知錄自序與戴耘野書徐諸戴笠初名鼎立字則之更名笠字耘

野又字夏公吳江

人潘稼堂之師

先生是年有與黃太仲書云辛丑之歲一至武林便思東渡娥江謁先生之杖履而迄遲未果及至

北方十有五載流覽山川周行邊塞粗得古人之
陳述而離羣索居幾同僧父年逾六十迄無所成
如何如何伏念炎武自中年以前不過從諸文士
之後注蟲魚吟風月而已積以歲月窮探古今然
後知後海先河爲山覆簣而於聖賢六經之指國
家治亂之原生民根本之計漸有所窺未得就正
有道頃過荷門見貴門人陳萬兩君具論起居無
恙因山大著待訪錄讀之再至於是知天下之未
嘗無人百王之敝可以復起而盛代之盛可以徐
還也天下之事有其識者未必遺其時而當其時
者或無其識古之君子所以著書待後有並者起
得而師之然而易窮則變變則通通則美聖人復
起不易言言可預信於今明也炎武以管見爲日
知錄一贅竊自幸其中所論同於先生者十之六
七但鄙著恒有改竄未刻其已刻入卷及錢糧論
二篇乃數年前筆也先附呈大教倘辱收諸同志
之末賜以梓彈云屬在後世開東學是愚以爲從
人以幸萬世益堪嚮切談案此書不戰策中茲從

黎洲所著思舊錄中補入穆案黎洲生於萬曆
三十八年庚戌長先生三歲陳萬兩君者陳介眉
錫垺定海人以是年成進士入翰林萬兩君先
生時客健庵尚書家又車君於辛丑下案云先
生丙辰歲與黃太冲書是年曾至武林並未渡江
而元譜乃謂抵紹興謁禹陵未知何據然先生實
有謁禹陵宋六陵諸詩又似親履其地者不敢強
解闕疑可也許瀚紫娥江在紹興東縣未渡娥
江非未渡錢塘江固無害其抵紹興謁禹陵也此
言一至武林者猶言一至浙江耳即東至紹興仍
可說一至
武林也

十六年丁巳六十五歲

正月與甥原一彥和公肅話別於天寧寺

元譜移案寺在廣

外寧門

二月至昌平六謁天壽山及懷宗橫宮是行

也與王山史偕 四月出都十三日至德州見撫

衍生及衍生之師李既足雲霄於張簡可家

元譜先三日衍

生及師李既足附沈度汪家眷至德州將入都先生預留書張簡可家止之至是相見行父子禮

謙案

張簡可未致 穆案自此以下皆衍生所親見故記述頗詳

訪李霖瞻浹李星

來源

元譜霖瞻名浹號陶庵德州人順治丙戌進士延慶知州芮城知縣潘次耕陶庵詩序先生雅

慕靖節為人築一室曰陶庵日哦其中

是月二十一日自德州至鄭家

口二十四日抵曲周主路安卿家祀先於旅寓 五

月七日移寓曲周之增福廟

元譜主僧名曼如時當塗令賀宣三應旌亦寓

廟延既足暫留課子即去之山西道汾州之介休霍

州之靈石

九月入陝主王山史家

穆補訂王山史山志丁巳秋

九月初三日亭林入關主於予家將同作買山之計
頻陽郭九芝明府聞之以書來曰聞顧寧人先生已
抵山居寧人命世宿儒道駕儼然非無所期而至止
關學不振已久斯其爲大興之日邪予復之曰弟年
近五十始歸正學今幸寧人先生不棄正欲策厲騶
鈍收效桑榆云云受祺堂集有承問寧人先生中秋
抵華下阻雨尙稽省視悵然有作四首又詣華陰
時寧人先生未至一宿而行二首元譜記先生冬入
陝十一月始訪山史於華陰以王李所記核之知譜
誤也蓋衍生雖南來尙留德州未隨行故所記稍差
耳訪李中孚於富平東南軍砦之北元譜李徵君年譜寧人自山右
來訪密邇徵君時至臥室盤桓語必達旦案徵君年
譜系此則於丙辰冬致衍生元譜丙辰年未嘗入秦
其至富平實系丁巳當時衍生已隨李子德來迎因
侍往來應無誤記李譜或偶謬耳

是歲庚辰歲序
先生以詩哭之

過所居月明山下登堂拜母徐譜山在富平縣東北七十五里子德居於山

下穆案受祺堂集邑里絕句詩注頻山亦名月明山十一月游太華重訪

山史於華陰穆訂復回山西度歲於太原之祁縣是

歲從子洪慎舉次子先生名之曰世棠字曰思召元譜

此下曰即寄書從弟子嚴欲立世樞為殤子詒穀後並屬達夫致詞謙案崑新合志世棠以諸生入太

學喜蒐羅先世手澤以長子炯詩為宏佐後精遺清堂貯從祖炎武遺書俾世守焉嫁妾於李

又泉元譜先生規友人書云於靜樂買一妾立嗣議定即出而嫁之李又泉無攷穆案餘集有與

潘次耕札云去秋已遣祁縣之妾以時考之去秋即指此年或靜樂所買之妾乃祁縣人邪日知錄月食

條下有云靜樂李簪習西洋之學疑又泉即簪之字矣

是年詩有有事於櫓宮一首贈買太監宗正首陵

下人言上年冬祭時有聲自寶城出一首郭林宗

墓一首介休一首介之推祠一首霍北道中懷關

西諸君一首河上一首案丙辰年叛將王輔臣踞陝西之龍駒砦斷商雒南

路旋復引川寇犯通渭是年輔臣為大將軍圖海

所敗朝命招撫乃率眾降而賊黨吳之茂寇秦

州十二月朝命建成將軍吳丹略地華商副都

執佟舒渾敗賊於峻嶺復山陽縣故詩有去年方

門爭掘漆守雨中至華下宿王山史家一首過李

朝那云云子德四首徐譜案鶴徵錄云天生與亭林竹垞暨

李夏年為布衣兄弟天生年小於顧朱

面長於夏年二歲雖在客所及私寓無或亂者故

詩云及門初拜母讓齒忝為兄穆案受祺堂集有

見有山字案牘
又見有山字案牘
當在四下

寧人先生百訪山村留宿阜帽一首宋芝一首寄
見贈四詩用韻奉答四首

李生雲隱一首

有荅曾庭聞書

元譜庭聞名晚初名傳燈寧都舉人弟名傳燦字青藜皆駿雄自命

有雙丁作華陰王氏宗祠記

十七年戊午六十六歲

春由太原入關中富平令郭九芝傳芳

元譜大同人穆案陝西

通志令長名宦郭傳芳字九芝大同威遠衛人由選貢授咸寧縣佐攝郃陽長安篆俱有聲遷富平知縣漢逆之變涼寇竊發傳芳偵賊將入境乘霧揭巢斬獲有功時軍書旁午傳芳轉輸有法民不告勞又受祺堂集與九芝詩至多九芝迎先生於三十里外一字獻素明年升任達州

元譜

穆案餘集先生有與潘次耕書曰頻陽令郭公既迎中孚而僑居其邑今復遣人千里來迎可稱重道之風而天生遂欲爲我買田結婚之計雖未可必然中心願之矣又受祺堂集有陳情歸賦雲中曲呈郭明府詩曰晨起呼童秣吾馬爲公親介初度觴前年是日杯相屬左有東吳右二曲自注謂寧人先生中孚家兄正此年秋事又云今此二妙跡稍遠太原徵君聲光續自注時迎青主傳先生至案明年先生出游嵩少冬仲始旋關中故云跡稍遠而九芝又迎青主入關信乎好賢之篤矣 閏三月遣

子德家人至曲周接衍生及既足期會於富平軍砦

李中孚家 四月朔九芝邀先生至署寓南庵旋移

寓朱公子樹滋齋中

元譜樹滋字長源故宣府巡撫都御史之馮子長齋繼佛以終

其與既足次弟故友遺詩

元譜穆案尙書古文疏證卷八余戊午應薦至京

師崑山顧炎武寧人時在富平
有自富平來傳其新論者云云

時朝議以纂修明史特開博學宏儒科徵舉海內
名儒官爲資送以是年冬齊集都門候試先生同邑
葉初庵閣學及長洲韓慕廬侍講欲以先生名應薦
已而知先生志不可屈乃已於是先生絕迹不至都

中元譜舉亭林亭林固辭致書者三遂不列薦判常熟吳
龍錫有詩云終南山下艸連天神放猶慚古
史箋到底不曾書鶴板江南惟有顧圭年

冬張又南廷尉承父命來聘往蘭州堅辭之元譜張靖逆時

提督蘭州薩商道胡狷庵戴仁來訪欲聘至署亦辭不

往元譜何紹遠未詳移案尚方胡謨陝西通志分巡潼南道有胡戴仁北直容城人康熙十四年以

議任追同州之華陰建華州止吏目王二華爾謙署

元譜爾謙常熟人

是年詩有春雨一首寄同時二三處士被薦者二

首并中心史歌一首夏日六首

元譜時秦梓潼篇

一首和王山史燕中對菊一首關中雜詩五首過

朝邑王處士建常一首

元譜建常字仲復邠州長武人居河渭之間早棄帖

括以著述自娛者有律呂圖說二卷

有荅潘次耕書與李湘北書

元譜湘北名天稷涇肥籍永城人順治戊

戎進士官至大學士繼文定著有容齋集
湘北時官內閣學士子德之舉鴻博是湘北所薦
故先生為與李星來書答李紫瀾書與友人辭往
子德致書

教書答李子德書與友人書

十八年己未六十七歲

正月往延安抵同官縣拜寇公墓元譜移案旋公名慎字禾修同官

人墓在縣東南義興原餘集有寇公墓志曰寇公六
年寇公為蘇州知府炎武年十四以童子試見公被

一言之契於今五十有四年旋攜衍生移寓華下山
而始得至同官拜公於墓下

史所構新齋元譜案先生關中雜詩第五首自注是
山與魏構小齋將延余住又元譜是

年二月攜衍生往華陰至玉山史家而先生與從子
書則謂新正已移至華下據正

題無異先生願廬三首序曰無異先生初輯是廬學
易其中因以顏之願亭林先生至華下借居之亭林
先生既歿山翁改署今名李生見而哀之且多山翁
之敦夙好也爲詩紀寔云爾然則所構新齋卽山史
之讀易廬矣先是山史以朱子於淳熙乙巳寄祿華州雲

臺觀欲爲建祠堂兼營書院以居先生因遷入山史

家

元譜先生與從子書云新正已移至華下祠堂

書院之事雖皆秦人爲之然吾亦須自買堡中書
室一所水田四五十畝爲饗煖之計秦人慕經學重
處士持清議寔與他省不同華陰縮數關河之口一
旦有警入山守險不過十里之遙若志在四方則一
出關門亦有建瓴之勢餘集有與播次耕札曰朱
子祠堂山史但能割地耳經營之事吾將一身任之
移築祠堂於辛酉夏始落成書院則當因山史南
游故未竟其業故先生與李中孚書曰不欲再起書
院蓋不欲借祠堂之名自營菟裘也受祺堂集有奉

先生詩曰曾論微祀虛遵豆許傍新宮自築堂自注
先生有約居雲臺觀朱子祠內徐譜是年李子德
自京師還潘稼堂贈詩有云吾師願亭林名德今第
一停車華山陽與君等膠漆又云吾師築書堂髣髴
近箭栝雲臺紫陽祠氣象甚宏豁見君樂
難支管席諒不割謂先生在華陰時事也 三月出

關作嵩少之游

元譜 穆案金石文字記開母廟石闕記今在嵩山啟母廟南歲屠維協

洽暮春余親至廟下視此石闕云云又有嵩山太室
神道石闕銘云在登封縣中岳廟南百餘步又有少
室神道石闕銘云在登封縣西十
里邢家鋪西距少室山尚十餘里 四月至曲周旋

由河南抵汾州

馬右實嗣光掣甘肅道欲挈姊氏

赴任時右實已患病止之弗聽

元譜嗣光無攷 穆案順治丙戌進士履

歷便覽馬嗣光榜名剛字右實睢州人工部觀政授
北直廣平知縣丁亥調湖廣辰溪知縣戊子本省同

考庚寅考察已亥補江南懷寧知縣戊申升吏部驗
封司主事庚戌會試同考本年升稽勲司員外郎奉
旨改名文康戊同考吏部驗封清吏司主事馬剛
裕三河南籍山東臨朐人又順治十八年縉紳懷寧
知縣馬剛孚胸河南睢州人又受祺堂集有送馬右
實吏部分巡肅州詩時子德應鴻博試在京師也

長洲毛錦銜今鳳來受業 奠王式吾及平陽王

九如

元譜二人
俱無攷

十一月回華陰 十二月二十七

日張又南廷尉夜半造訪 是年葉訥庵閣學充明

史館總裁欲招先生入史局復力卻之

元譜

公肅甥

二月

召監修明史九月赴闕

穆補

是年詩有寄子嚴一首寄次耕一首次耕書來言

時貴有求觀余所著書者一首雲臺觀一首西弼

路一首雒陽一首嵩山會善寺一首少林寺一首

嵩山一首測景臺一首

謙案潘耒游中嶽記告城鎮即古之陽城也周公卜

洛立表測景以此爲地中今有測景臺存焉臺高五丈縱廣三丈形體正方面缺其北面十之二三以懸壺滴漏當缺處鋪平石一行於地其長視臺之高廣可二丈許刻水道其上以承壺漏視水所至以定時俗謂之量天尺規制古樸思理精微非周公不能作臺南一石高丈許上立一表其長八尺是謂土圭此唐儀鳳中所立見杜氏通典卓太傅祠一首梁園一首

海上一首五嶽一首贈張力臣一首

元譜時力臣北游子

德西歸省吾於汾州天寧寺一首

穆案汾州志李因篤與嵩山願

炎武太原閻若璩皆以博古精考核為學者推寄
重其至汾陽因顧炎武游汾時取道而來也

次耕四首歲暮西還時李生雲霑方讀鹽鐵論一

首

作寇公墓志銘為吳江朱處士明德作廣宋遺民

錄序

元譜明德字不遠隱居爛溪之濱少治經義有聲別著句吳外史編記鼎革時事甚悉

書太虛山人象象譚後與潘次耕書與公肅甥書

與葉初庵書與史館諸君書荅湯荆峴書

元譜案文正謝

病里居時先生曾以書通問既開局修明史文正
分編太祖本紀四卷列傳十餘卷以書來詢荅之
如此謙案湯子遺書內載有荅先生書一通移
案受祺堂集有與湯荆峴詩云東吳披裘翁足跡

天下徧掉臂凌遠
與八書二十二
元譜案崇福官
在登封縣北嵩
陽書院之旁井叔氏葉名封武昌人順治丁亥進
士康熙中授延平推官改知登封舉鴻博報罷入
爲兵馬指揮介石氏耿名介順治壬辰進士登封
人康熙十八年以兵備副使家居講學時登封令
爲長洲張壩此書疑張於未竟工時以書相質故
荅之如此其明年功竣湯文正公爲作嵩陽書院
記

十九年庚申六十八歲

元旦作一聯云六十年前二聖升遐之歲三千里外
孤忠未死之人以明神宗光宗俱崩於萬厯庚申也
正月至富平 二月先生仲姊訃至間二日成服

設祭三月山西醴使曾章山寅致餽元譜 穆案 寅江西清江

人康熙癸丑翰林四月山史有諸母卒為讖服及葬祭之

禮五月送馬右寶喪出關既足附之南歸二十

八日先生誕辰富平令郭九芝將親來致祝力止之

華陰令遲屏萬維城造訪因與謀建朱子祠堂事遲

欣然捐俸為倡元譜 穆案屏萬又字闇生受祺堂 集有胎華陰遲明府屏萬詩云雲臺

樹接紫陽祠適館陶潛附一枝隔代虛傳提舉祿新 官兼致艸堂贊正謂此事次句自注謂寧人先生又

寄荅孟謀嶽麓詩注朱祠倡於遲明府成於董明府 董號裕庵又陝西通志遲維城廣寧人康熙十九

年任華陰令歷任五載嚴禁刁風 獎拔善類建朱子祠堂春秋奉祀 十月攜衍生往

汾州之陽城里訪前中尉朱敏浮

元譜 穆案汾州志有朱敏濛字龍

澤慶成府鎮國將軍李自成之亂罵賊死敏浮當卽其兄弟行志既錄先生詩於藝文乃不詳敏浮出處

何也陽城里在縣東南十里

汾州守周西水于漆延請入署

元譜

穆案汾州志于漆江浦拔貢

十一月元配王安人卒於崑山計

至次日出署十一日成服設祭逢七祭奠焚帛如常

儀度歲於王位冲德元中翰家

元譜 穆案汾州志王德元汾陽人

由貢官兵部職方司主事

是年公肅擢左都御史原一以贊善

充明史館總裁

穆補

是年詩有送康文學乃心歸邵陽一首

元譜乃心字太乙邵

陽人漁洋奉使祭告西岳游慈恩寺見太乙題秦
莊襄王墓絕句五稱之康以此得名學使陸儼庭
德元拔之充貢是科以第五人冠其經長友人來
安語云關中二李不如一康著有幸野集

座中口占二絕二首送李生雲霄南歸寄戴笠王

錫闕二高士二首訓族子涓一首

元譜涓字伊人太倉人著有水

鄉朱處士鶴齡寄尙書埤傳一首

元譜鶴齡字長儒吳江諸生甲

申後自號愚庵絕意仕進專心經學以朱子格
小序太過乃集諸家說疏通序義爲毛詩通義以
蔡氏釋書未稍撰尙書埤傳以胡氏傳春秋多偏
見蓋說乃合唐宋以來諸儒之解撰春秋集說又
以杜氏注左傳未盡合俗儒又以林注亂之撰讀
左日鈔自著詩文曰愚庵小集又注杜工部李義
山詩與先生及同哭李侍御灌谿先生模一首
里陳啟源相友善

哭李侍御灌谿先生模一首

元譜

源著

侍御字子木吳縣人天啟乙丑進士東莞知縣行取遷河南道御史

官一首華陰古蹟二首悼亡五首穆案詩有云送汝黃泉六歲孫

謂世樞也世樞以丙辰生冬至寓汾州之陽城里至明年送碩人葬六歲矣

中尉敏評家祭畢而飲三首

有音學五書後序荅王山史書荅王仲復書穆案王山

史山志王仲復司寇心一公之從子也其學一以考亭為師持躬處物悉有矩矱昔司寇為逆黨誣害追貶仲復先君舉藥助之故仲復長而家貧遭亂棄諸生張述渭濱教授生徒足不入城市關西高蹈當推獨步庚申春子治先君側室張氏之喪雖其出也微念至孝昔節五十六年意不忍薄為之加禮親以從事時亭林已殆子家仲復貽書亭林謂發乎情而不能止乎禮義非賢者所為時子

虎人仙臺書
三史考卷之十

事已舉未之能從然不敢忘好友之規也
王元諸
謬嘗以此事實之李申耆太史兆洛太史曰王
史幼嗣叔父其本姓父母俱存其父猶之入都詳
見山史集中兩書未具原始幾若山史為撫於張
氏者如此則有慈母如母及庶母慈已之服豈僅
以祖免從事乎後人有以此義駭先生者然書稱
諸母同葬慈母比也特以與友人辭祝壽與主山
少申數語致啟羣疑耳

史書沉譜案是時山史客游復張又南書與毛錦

銜書與公肅錫書與王虹友書元譜虹友名捷號

時敬第蒼公肅錫書元譜以上王譜疑皆庚申在

七子間輒輟芳年故於公蕭書中詳及時事

二十年辛酉六十九歲

二 王荆望先生去汾州

元譜去汾州日別劉學使梅汾州太守周西水于漆州司馬黃

伯離復驥

穆紫劉梅字訓夫故城人順治戊戌進士夏驥福建龍溪生員時官汾州通判

往曲

沃至解州運城

元譜在鹽池北路

穆紫運城

鹽運使黃張園裴

來會

元譜

穆紫裴浙江鄞縣人康熙庚戌翰林與

健庵同年僉圖集有送黃紫附福鹽河東詩

晦日往荅即延先生入署

元譜

四月五日張園丁內

先生入弔畢旋出署攜衍生入關至華陰訪山史山

史先於二月南游吳越遂出張園之餽落成朱子祠

堂

元譜

七月既足自南來入月三日自華陰復裝至

山西由運城抵曲沃縣縣令熊耐從僕聞先生至命

元譜

興至候馬驛相迎入城寓元帝廟

元譜 穆案曲沃志能集海南新注

人進士康熙十八年任進士履歷便覽併字匪我清江人順治己亥進士候馬驛在縣西南三十里

十一日先生患歐瀉十八日既足得其父母凶問星

夜馳歸 九月移寓上坡韓氏鏡家十月又移寓下

坡韓村韓句公宣之宜園

元譜 穆案進士履歷便覽韓宣又字裕齋康熙己

未進士曲沃志韓村在縣南五里之韓河里許齊燕

韓句公傳曰吾師顧寧人先生江左大儒千里造訪

挾圖書子侯館之宜園顧歿先生親舍斂撫幼子收

其四方遺貨走書告其家并維持還里穆又聞曲沃

人云先生館于望後病稍減元譜 穆案受祺堂集

宜園之白石樓有亭林先生寓曲沃卧

病小愈走書相問即為衍生議婚靳氏元譜 穆案

遣使起居奉詩五首曲沃靳氏為

漢新彊之裔代有名人世居
縣東北二十五里之曲射土
媒四人廣東道仇君昌

祚義學師衛處士蒿縣令熊君儀貳尹徐君嘉霖

穆紫曲沃志昌祚字振先朔賢里人初以恩貢授

鄖陽通判遷潮州府同知將抵潮聞總兵劉進忠叛

急返程鄉為邏者所獲逼受偽職昌祚引鐔自刺候

十二月賊遣黨來視終不發一言以瘡報賊意少解

羈賊巢者三年潮平得旨從優議敘授惠潮兵備道

旋以艱歸蒿字匪莪初名麟貞字瑞鳴以居母喪易

今名字與汾陽曹良直太原傅山友善晚年歸梓

山書院教授其中人稱絳山先生嘉霖嘉興人

是年詩有寄題貞孝墓後四柿一首贈衛處士蒿

一首訓李子德一首穆紫訓子德詩據子德哭先

之日集本於寄題貞孝墓後四柿題下已注云重

光作至此題下復注歲陽歲名知是癸巳也附錄

先生于康獻十七年
乃正錦衙吉云云
一待附本為印此
語止

錦衙十首未知當在
何時故仍類次於此贈毛錦衙一首

有朱子祠堂上梁文病起與薊門當事書

二十一年壬戌七十歲

正月四日旬公設宴會賓友八日先生早起將荅賀

熊令及諸官紳上馬失足墜地疾作竟日夜歐瀉不

止初九日丑刻捐館韓熊仇衛徐郭諸君為經紀棺

斂并典邑人秦氏之室停柩其中

元譜云不肖衍生
筑筑子立侍奉而

已年雖七七日未經此大事賴韓熊仇衛徐郭諸公
經紀棺梓含斂並典秦氏之室停柩而不肖廬焉

穆案郭

名未詳

三月先生從弟巖自崑山來偕衍生扶柩

歸元譜 穆案王山史山志辛酉秋子至嘉興訪曹

日亭林無恙尙在子家子來時亭林亦有山西之行

秋岳且驚且喜逾年壬戌夏子在海州接聞百詩手

札云亭林於春初歿於曲沃子爲位而哭之慟秋子

西歸取道揚州將往崑山過淮安見張力臣云亭林

之柩尙未歸不知何以淹滯於彼深以不獲撫柩一

哭爲憾又怪亭林未効江南何以遠有此問搦管偶

記涕下 葬於司馬賜塋東偏嗣父仲達府君之昭位

沾衿 元譜終七後不肖入關取向所寄各姓處譜籍嗣大

雲叔於三月望前抵曲沃簡閱遺書文稿二十四日

衍從閣中旋沃同居喪次所有遺書文券皆攜往都

中致之健庵立齋兩表兄及汝嘉兄衍奉爲之後曾

不得一寓目焉慟哉惜哉 謙案塋在崑山六保門

尙書浦爲五園鳴字圩計三十八畝三分六釐

人潘耒爲之表 元譜 穆案此文

遂初堂集不載

道光二十一年辛丑奉

旨顧炎武准其入祀崑山鄉賢祠

禮部謹題為題請

出江蘇巡撫會同江蘇學政疏稱崑山縣先儒顧炎武砥礪廉隅匡扶名教題請入祀鄉賢祠造具事實冊結具題請旨奉旨該部議奏欽此欽遵抄出到部臣等議得定例各省舉報名宦鄉賢該督撫學政每年八月前具題並將事實冊結送部詳覈於歲底彙題又崇祀名宦鄉賢應確核事蹟倘名實不能相副及僅以人品學問空言壅美並無實跡者即行指駁等語今查該省送事實冊內開已故江蘇崑山縣先儒顧炎武植躬清峻砥行端方講求經世之學歷覽天下府州縣志及歷代奏疏文集復周流西北偏行邊塞得之目驗成一百二十卷曰天下郡國利病書別有一百卷曰肇域志又著有音學五書考古功深斟酌允當其餘所著有日知錄三十二卷五經同異三冊左傳杜解補正三卷九經誤字一卷石經

考一卷金石文字記六卷求古錄一卷吳才老韻補
正一卷二十一史表十卷歷代宅京記二十卷昌平
山水記二卷十九陵圖志六卷萬歲山考一卷岱岳
記入卷北平古今記十卷建康古今記十卷營平二
州史事六卷弗錄十五卷詩律蒙告一卷其他雜著
不可枚舉所有顧炎武題請入祀鄉賢之處係屬名
實相副臣等謹擬准其入祀鄉賢祠再此本向歸彙
題合併聲明臣等未敢擅便謹題請旨於道光
二十一年十二月十七日題
十九日奉旨依議欽此

穆案先生著書之可攷者日知錄三十二卷衍生云潘稼堂

先生攜至閩中同汪晦庵先生刻四庫書收入子
部雜家類三有提要一篇案坊間有大小二版本

又有嘉定黃汝成集釋本云曾得潘次耕刪飾元祿
許瀚案吳縣王亮生藏一抄本黃曾借校其本乃未

經清刪者耳補遺四卷有袖珍本古音表三卷易音三卷
瀚親見之

詩本音十卷唐韻正二十卷音論三卷統名音學五

書衍生云五書刻於淮上後為張力臣驚於安溪李

言音學五書刻於淮浦張力臣家力臣亡其子以板

質於人不可復問則以為力臣驚之者誣也四庫

書收入經部小學五經同異三卷有常熟蔣氏刻左

類三有提要五篇本衍生書目無

傳杜解補正三卷衍生云爵憲張又南先生捐貲刻

提要九經誤字一卷四庫書收入經部五經石經攷

一篇總義類有提要一篇

一卷四庫書收入史部目求古錄一卷衍生書目無

入史部目錄類三有提要一篇金石文字記六卷四

彭文勤知聖道齋集有跋尾金石文字記六卷四

書收入史部目錄類二有提要二篇竹垞有辨韻補

金石文字記一條見徐健庵日下舊聞攷序

正一卷

衍生書目作二卷 四庫全書收

昌平山水

記二卷文集六卷

養新錄顧寧人文集初印本有讀

鈔之意欲採入

日知錄潘次耕誤切為顧作乃以讀

隋書為題收入

集中今本無此篇則次耕已覺其謬

矣詩集五卷

衍生云已上七種潘稼堂先生捐貲刻

誦觚十事一卷

四庫

全書地理類存

顧氏譜系攷一卷

衍生云已上二種潘稼堂刻譜系攷

目有提要一篇

作顧氏二十一史年表十卷天下郡國利病書一百

譜略

有四川龍氏聚珍版本

四庫全

歷代宅京記二

卷

書地理類存目一有提要一篇

十卷

四庫書目歷代下有帝王二字收入史部地理類一蘇州府志云一作歷代都城官闕攷二十

卷一十九陵圖志六卷

徐譜案潘稼堂皇先生詩注云有昌平山水等圖當卽此書

萬歲山攷一卷肇域記一百卷記一作志嚴杰云肇域志手案今存仁和

許周士主政家蠅頭小楷一筆不苟蘇州府志曰今存山東二冊岱嶽記入卷北平

古今記十卷建康古今記十卷營平二州史事六卷

四庫總目又有營平二州地名記一卷收入史部地理類三有提要一篇弗錄十五卷詩

律蒙告一卷救文格論一卷蘇州府志又有蘇州府志又下學指南

一卷當務書六卷菰中隨筆三卷有曲阜孔氏刻本徐譜案拜經樓

詩話載詩律蒙告一條注云見菰中隨筆今刻本無官田始末攷一卷京東攷

古錄一卷此書吳震方說鈴中收之四庫書存目謂其文皆見炎武所撰日知錄及昌平山水

記殆震方勦取別行偽立此名也素衍生書日本有此名提要殊武斷蓋先生所著書其精華無不采入

日知錄者不但此一書也山東攷古錄一卷此及京東攷古錄四庫全書地理類存目

各有提要一篇熹廟諒闇記一卷聖朝記事一卷又近有一

統志案說一書乃襍纂方輿紀要中總論合爲一編坊賈不知其爲宛溪題曰願亭林原本其妄蓋不待辯也

松案先生勘定之書有西安府儒學碑目見先生文集有勘定家訓近儒名論甲集見先生手蹟有纂錄易解程朱各自爲書見荅汪荅文書有纂錄南都時事近坊刻有聖安皇帝本紀二卷題先生撰疑卽此書見與載耘野書有點定

荀悅漢紀見潘稼堂重刻漢紀序有區言五十卷治

河事一秩見何義門菰中隨筆序有備錄見江左十

五子詩選注

案詩選徐昂發開索詩注引顧亭林備錄

又嘗欲編輯姓氏

書

健庵有與先生論姓氏書

見日知錄

徐譜

王山史山志顧亭林古所謂義士不合於時以游爲

隱者也丰姿不揚而留心經術胸中富有日新不易

窺測下筆爲文直入唐宋大家之室講明音韻克傳

絕緒他所爲日知錄金石文字記天下利病諸書卷

秩之積幾於等身朝野傾慕之行誼甚高而與人過

嚴詩文矜重心所不欲雖百計求之終不可得或以
是致怨弗顧也居恒自奉極儉辭受之際頗有權衡
四方之游必以圖書自隨手所鈔錄皆作蠅頭行楷
萬字如一每見予輩或宴飲終日輒爲攢眉客退必
戒曰可惜一日虛度矣其勤厲如此所著昌平山水
記二卷巨細咸存尺寸不爽凡親歷對證三易稿矣
而亭林猶以爲未愜正使博問強記或尙有人而精
詳不苟未見其倫也

山志又載先生論假借轉注一條論極乖刺與先生平日之說

正相反蓋係山史
誤記故不取也

又曰博稽詳研發前人所未發爲不朽之業者顧亭
林之於音韻梅定九之於厯數顧景范之於地理也
又曰劉太室居母喪三十六月除服顧亭林馳書論
之謂先王制禮不敢過也秦俗以是曰謂之三周親
友送卽吉之儀至有稱賀者亭林曰君子有終身之
喪祭日之謂也哀之不暇而何賀焉或有言以次日
舉者亭林比之朝祥莫歌之類斯不易之言也

又曰子嘗作三案論獨是移宮而於挺擊紅丸不盡
同東林諸君子之意亭林頌然之

間百詩南雷黃氏哀詞當髮未燥時卽愛從海內讀書者游博而能精上下五百年縱橫一萬里僅僅得三人焉曰錢牧齋宗伯也曰顧亭林處士也及先生而三先生云亡上距牧齋薨已三十有二年卽亭林歿亦且十四五年

穆案南雷卒於康熙乙亥蓋至是距先生之亡實十三年

而海內讀書種子盡矣

潛江劄記有與戴唐器書云十二聖人者錢牧齋馮定遠黃南雷呂晚村魏叔子汪荅文朱錫鬯顧梁汾顧寧人杜子皇程子上鄭汝器更增喻嘉言黃龍士

凡十四人謂之聖人乃唐人以蕭統爲聖人之聖非周孔也

李文貞顧寧人小傳自幼博涉強識好爲蒐討辯論之學十三經諸史劄及子集稗野列代名人著述微文碎義無不攷究騎驢走天下所至荒山頽阻有古碑版遺蹟必披榛管拭斑駁讀之手錄其要以歸寸餘歲至七十而老勤如一日於六書音義尤有獨得余始官庶吉士曾相遇爲半日話又七年復來京師則寧人歿矣聞其書已成亟求觀之寧人之學於是

始窺其備有顧氏之書然後三代之文可讀雅頌之音各得其所自漢晉以來未之有也書旣刻厚自寶祕曰五十年後乃有知我者耳衛先生爾錫言其地理書用心尤多然未見也孤僻負氣譏訶古今人必刺切徑情傷物以是吳人訾之然近代博雅淹洽未見其比

潘次耕日知錄序崑山顧寧人先生生長世族負絕異之資潛心古學九經諸史略能背誦尤留心當世之故實錄奏報手自鈔節經世要務一一講求當明

末年奮欲有所自樹而迄不得試窮約以老然憂天
閔人之志未嘗少衰事關民生國命者必窮源溯本
討論其所以然足跡半天下所至交其賢豪長者攷
其山川風俗疾苦利病如指諸掌精力絕人無它者
好自少至老未嘗一日廢書出必載書數簾自隨旅
店少休披尋搜討曾無倦色有一疑義反復參攷必
歸於至當有一獨見援古證今必矚其說而後止當
代文人才士甚多然語學問必斂衽推顧先生凡制
度典禮有不能明者必質諸先生墜文軼事有不知

者必徵諸先生先生手畫口誦探源竟委人人各得其意去天下無賢不肖皆知先生爲通儒也

又贈先生六十壽序先生之學邃于經術而又洞達當世之故其言覈而通大而有體要上自經籍圖史方輿音律下至名物器數元元本本至精至悉有功後學不在康成下

湯孔伯有荅先生書云前歲山史自關中見訪詢及交游名賢卽曰吳郡顧先生品高學博國家典制郡邑掌故天文厯象河漕兵農之屬無不洞悉原委坐

而信起而可見諸行事真當今第一有用儒者也後

晤甫艸元禮

計東字甫艸舉人葉舒崇字元禮進士俱吳江人

往往言與山

史同吾道之衰久矣得大力闡明豈非斯人之幸

汪茗文荅從弟論師道書僕宦游十五年矣其有經

學修明者得二人焉曰顧子寧人李子天生

朱錫曾靜志居詩話論先生詩云詩無長語事必精

當詞必古雅抒山長老所云情景當中天地秋色庶

幾似之

繆天自云

天自名永謀一名泳又字于野嘉興人有苕溪集

詩有俚語經顧

寧人筆輒典

無名氏隨筆記先生一日在京師酒次王漁洋問樂府蝴蝶行能記否先生應口誦之不失一字蝴蝶行最詰屈難讀學者所不經意者也漁洋歎服

移案此
事未得

其年附
記於此

王蘭泉昶與汪容甫書聞顧亭林先生少時每年以春夏溫經請文學中聲音宏徹者四人設左右坐置注疏本於前先生居中其前亦置經本使一人誦而已聽之過其中字句不同或偶忘者詳問而辯論之

凡讀五十紙再易一人四人周而復始計一日溫書
三百紙十五經畢接溫三史或南北史故事林先生
之學如此習熟而纖悉不遺也

江藩漢學師承記炎武生性兀傲不諧於世身本南
人好居北土嘗謂人曰性不能舟行食稻而喜餐麥
跨鞍

程魚門晉芳正學論亭林黎洲博極羣書其於古今
治亂興廢得失之數皆融貫於胸中因筆之於書以
爲世世法

李子德哭顧亭林先生詩一百韵朝飭初零露浮雲

忽障天史無正月紀星脫少微躔十代摧梁木千春

恨杜鵑典刑今頓墜文獻爾俱全際制哀吾道瞻印

失大賢渾思焚著述未忍沒周旋勁節堪追溯名家

敢溢傳門詳吳郡後望庇武陵前畫省基藩牧彤毫

珥御鈿鍾靈簪紱第比美孝廉船

先生曾大父自方伯陞侍郎大父贊

善兄鄉舉

閱閱窺芳矩詞宗起卅年友兼鄉國盛聲挾俊

厨駢

少登復社

勝地頻交軫留都幾著鞭銜杯才最逸擲

管賦誰先吐納蒼江麗招尋紫陌連同過遵石渚獨

步採香全競睹潛修洽徐教懿緒延遭時傷失路振
翼夾乘權上客逍遙久佳人契約偏徒勞殷密勿莫
與救迤邐海涸龍虛碎山頽鳳不還難求雛翮好漫
惜頷珠圓剖血探危躑攀髯少並肩鼎湖仍問渡喬
嶽遠懷仙信宿寒郊址恭圖寢廟塙爲孝陵圖裝潢勤更
肅拂拭對增虔沐髮嘗辭舍傭身偶就廬北來馳險
阻北謁十三陵南嚮灑潺湲壤邱詢遺迹荒圻拜故阡湯
孫昭穆萃漢祖壁墉堅厯厯捫松楸兢兢執豆遵金
楹澄有赫碧瓦秀含煙灑埽甘從事勲華耻讓鐫著昌

平山水記特書森具體凡例發流泉古兆原分立斯文實

創編班揚愁覲甚左馬色蒼然自此淹羈旅餘齡肯

棄捐經搜墳典濶世譜乞提懸似欲超吟詠何曾卽

偁佳雄心灰弗已績學勵相宣逮夜隨燒燭長征亦

費研驅車攜竹笈入肆展霜箋疊案皆親注盈牀益

勉旃纖瑕攻玫瑰所論多摘古人之誤細字炳丹鉛取誌惟徵

邑著利病書必欲盡考縣志遺聞迴匯川訂謾周利病往冊賴刪

詮屢易猶藏稿通行且待緣昌言昭日錄著日知錄暇力

正詩篇著音學五書轉叶音何陋葩騷韻累遷爰稽三頌

始盡洗六朝愆憤樂忘頭白遨遊任足穿觀恒超奇
塞踐漫涉層淵積雪貞珉皎厓藤側蔓纏謂宜輕櫂
機翻喜跨羣鶴到處逢迎備臨岐指顧牽公卿雖倒
庭華寶每安絃鄰架抽光數郇厨領味專食不膾噉
裝澹澹素魄坐娟娟桂辣寧知老松疎那受憐刊垂
資祖籍把贈解囊錢晚結菟裘計將除蕝藻田隰苓
聊近採關阜儘高寒旬服羣推首邦衢舊象乾王風
留黍稷伯略杳鷹鶴遂逆洪河浪因窮太華巔臺祠
洵曠舉因朱文公會主管縣宰得循員華陰令遲君
雲臺觀倡爲主祠任其事亭林

歿遂陪享濁俗多崇墨豪耆半雜禪迷津煩拯助出谷仗

陶甄漸覺嬰鳴侈俄開霽景鮮盍簪要奮激傾蓋及

狂顛竊帶曾貽晉

先生初同曹司農公過雁門晤余於陳使君席上

清觴再

集燕

嗣飲翼宗伯公宅

愚蒙沾善誘等列荷區銓謬許私盟

牒允期軼草元深思鴻鴈並暫別鯉魚聯卜宅推中

表

寓表弟長源家

披帷共醉眠頗耽亭水潔遲眺徑花妍匣

劍舒悲嘯堂琴寫靜便縱談衷曲盡遐寄物情燭鬼

微喧飛檄神州滿控弦縈腸彌悵望叱馭復翩翩積

歲兵機稔中宵客慮煎匿形乖辟穀覘夢罷迴畋憶

昨登嵩少樓其俯澗瀝凌晨謀稅野決意謝歸舫抵

絳依重郭

去秦居曲沃

誅茅假數椽泣麟微旨在衰鳳託

終焉臘杪纔呼走

遣使往訊起居

冰嚴薄餽綿報章驚絕筆

晨起承報余詩二十四韻夕卒

幽怨屈空拳耿介標孤性忠誠冠八

挺末繇齋志展疇使抱疴痊彼網欣逋鶴維巢訝類

鳶心休沿板蕩目視爲戈鋌恐逸陽秋撰須存卽次

邇外甥俱僑哲

謂三徐公司寇太史相國

猶子已騰鶩

令姪中翰君洪善

幸接旁陰茂當提主器僞聖途湮豈斷僞術衆疑悛
鏡具睽峯壑生芻布几筵輒旌悲浩漫墓樹想慈辛

直擬歌黃鳥真應駕白蓮招魂稱至德陟降蔣山邊
潘次耕己酉冬自淮陰抵平原呈亭林先生六十韻
耆德何寥落人倫孰楷模斯文知未墜夫子實通儒
世德推江表高名冠海隅才猷鼎鼐重器畧廟堂須
妙譽歸人傑英姿識鳳雛風雲遲絕足羽翼礙天衢
築版功名遠躬耕心事紆勞勞悲擊楫渺渺欲乘桴
廿載中原客單車萬里驅北游頻五岳作賦幾三都
漢塞雲隨鴈秦關月照榆胸中百郡志掌上列邊圖
先生有昌平
山水等閑
結客傾豪俊論文盡顧廚襟懷小天地

聞見溫寰區學貫天人奧身苞造化樞大文經緯著
譚論古今臚賈馬寧方駕班揚敢竝超才高道乃契
心小聖爲符雅痛微言絕深嗟學術殊幾年犁傳注
百代掃榛蕪精理通爰象鴻猷擴典謨禮堂尊講席
絳帳盛生徒小子深瞻仰通家自友于追陪憶往歲
侍從足歡娛稽阮交原厚陳雷好不渝時時枉高駕
往往到菰蘆永漏杯同把明鐙筆共濡情淡等膠漆
調叶比笙竽各矢青雲志祗愁白日徂龍蛇夢俄兆
鵬鳥讖堪吁向子聞鄰笛王公憶酒鎗遙知悲宿草

無處莫生芻落魄餘文舉伶仃有少孤素絃哀絕調
枯樹慘同株戢影依慈母含辛對阿奴向人言慷慨
伏枕淚模糊流淚來淮市飄零客射湖江關淹歲月
蹤跡混泥塗范叔綈袍盡相如四壁無三秋長旅食
半刺只窮途詎敢題鸚鵡那堪聽鷓鴣壯懷感馬援
岐路畏楊朱愁到思投筆窮來未棄襦橋寧爲枳變
蘭不效蕭敷把卷難窮牖編書亦絕蒲三冬旻情惜
一榻幼安俱汲古慚修綆攻文愧小巫孤生原謫劣
曲學况牽拘窺豹非全目雕蟲豈壯夫夙懷期負笈

雅志有懸弧碩德惟劉董儒宗有鄭盧龍門雖自峻
螽測肯辭愚問字侯芭去傳經服慎呼贏糧非早暮
命駕敢踟躕汝野黃雲凍沂山白草枯隻身經雨雪
遠道涉崎嶇捧杖微誠遂橫經鄙願輸驚駘還賴策
蓬草或堪扶斧削資良匠陶鎔付大鑪垂恩無以報
感激一微軀又呈亭林先生一首尼父志不達浩然
動歸思羣材良斐然裁成將待誰迴車訂六籍制作
通神祇三年致祥麟大道以不墮海內有先生人倫
之宗師學惟天人貫道乃汗隆宜嚴冬霜雪集萬木

爲之萎孤根獨歸然知天未喪斯周游遍五岳歷覽
環三垂天地有大文一一爲搜披成書藏名山故里
歸何遲下國寡良材斧斤諒難施區區園葵意朝陽
寧見知何當裹糧去萬里相追隨泰岱峰崢嶸日觀
路險巇一覽小天下慰此平生期

王山史拜亭林先生墓詩三年客江東兩度撫君墓
野日滋宿草秋花淒零露緬惟同心交明誓金石固
稽古歆愚昧敏求社冥悟惠然止吾廬一似形影附
同泣鹿馬石手攀神烈樹倏更四十春戚戚不忘故

疇昔夢雲闕白衣從玉輅連燈下大荒偃蹇問天步
歎息桑榆景裴回崦嵫暮幽明事已非生死情一訴
瀝淚歸山去長辭西州路又哭墓詩云與君長別九
年矣白馬重來千里餘獨拜荒丘淒宿艸更揮老淚
問遺書爲憶神明恒若存莫將封禪比文園當年羊
傳徒輕爵何似龍門有外孫

葉封山志序曩余獲交
崑山顧亭林先生亭林

於當世士多否少可獨玉稱華陰王山史先生已山
史至京師余一見輒心儀之顧息息別去比亭林就
居山史之家兩人皆好學惇行志相得也康熙壬戌
歲莫余客揚州山史亦來則先是出游將二盈稔聞
亭林之殤
且周歲矣

鄞縣王梓材

高要蘇廷魁

道州何紹基

日照許瀚

肅寧苗夔參訂

晉江陳慶鏞

安江王筠

順德羅惇衍

武進趙振祚

平定張黼榮校字

固始祝毓

國史儒林傳

顧炎武字寧人初名絳崑山人明贊善紹芳孫年十四爲諸生耿介絕俗不與人苟同惟與同里歸莊相善相傳有歸奇顧怪之目其論學以博學有恥爲先嘗與友人論學云百餘年來之爲學者往往言心言性而茫然不得其解也命與仁夫子所罕言性與天道子貢所未得聞性命之理著之易傳未嘗數以語人其答問士則曰行己有恥其爲學則曰好古敏求其與門弟子言但曰允執厥中四海困窮天祿永終其告哀公明善之功

先之以博學顏子幾於聖人猶曰博我以文自曾子而下篤實莫若子夏言仁則曰博學而篤志切問而近思今之君子則不然聚賓客門人數十百人與之言心言性舍多學而識以求一貫之方置四海之困窮不言而講危微精一是必其道高于夫子而其弟子之賢于子貢也我弗敢知也孟子一書言心言性亦諄諄矣乃至萬章公孫丑陳代陳臻周霄彭更之所問與孟子之所答常在乎出處去就辭受取與之間是故性也命也天也夫子之所罕言而今之君子之所恒言也出處去就

辭受取與之辨孔子孟子之所恒言而今之君子所罕
言也愚所謂聖人之道者如之何曰博學於文日行已
有恥自一身以至於天下國家皆學之事也自子臣弟
友以至出入往來辭受取與之間皆有恥之事也士而
不先言恥則爲無本之人非好古多聞則爲空虛之學
以無本之人而講空虛之學吾見其日從事於聖人去
之彌遠也又曰今之理學禪學也不取之五經論語而
但資之語錄不知本矣其論文非有關於經旨世務者
皆謂之巧言不以措筆故炎武之學大抵主於斂華就

實救弊扶衰凡國家典制郡邑掌故天文儀象河漕兵
農之屬莫不窮究原委考正得失而又廣交賢豪長者
虛懷商榷不自滿假作廣師篇云學究天人確乎不拔
吾不如王錫聞讀書爲己探賾洞微吾不如楊雪臣獨
精三禮卓然經師吾不如張爾岐蕭然物外自得天機
吾不如傅山堅苦力學無師而成吾不如李容險阻備
嘗與時屈伸吾不如路安卿穆案本集所舉十人皆稱其字此改稱名因史體也
而楊雪臣名瑀路安卿名澤溥獨仍而不改何也博聞強記羣書之府吾不如
吳任臣文章爾雅宅心和厚吾不如朱彝尊好學不倦

篤於友朋吾不如王宏撰精心六書信而好古吾不如
張弼至於達而在位其可稱述者亦多有之然非布衣
之所得議也炎武生平精力絕人自少至老無一刻閒
書

國朝稱學有根柢者以炎武爲最炎武撰天下郡國利
病書一百二十卷歷覽諸史圖經實錄文編說部之類
取其關於民生利病者且周流西北歷二十年其書始
成別有肇域志一編則考索利病之餘合圖經而成者
炎武精韻學撰音論三卷言古韻者自明陳第雖創闢

榛蕪猶未遂密至炎武乃推尋經傳探討本原又詩本
音十卷其書主第詩無協韻之說不與吳棫本音爭亦
全不用補音之例但卽本經之韻互考且證以他書明
古音原作是讀非有遷就故曰本音又易音三卷卽周
易以求古音考證精確又唐韻正二十卷韻補正一卷
古音表二卷皆能追復三代以來之音分部正帙而知
其變自吳才老而下廓如也炎武又撰金石文字記求
古錄與經史相證歐趙洪王不及其精而日知錄三十
卷尤爲炎武終身精詣之書蓋積三十餘年而後成凡

經史吏治財賦典禮藝文之類皆疏通考證之炎武又以杜預左傳集解時有闕失作杜解補正三卷其他著作有石經考二十一史年表歷代帝王宅京記亭林文集詩集營平二州地名記昌平山水記山東考古錄讀觚菰中隨筆救文格論等書並有補於學術世道初炎武嗣母王氏未嫁守節嘗斷指療姑於崇禎十年被旌及聞明亡不食卒誠炎武勿出仕福王時崑山令楊永言薦炎武爲兵部司務旋以職方郎召皆未赴旣葬母遂出遊歷遭艱險所至之地以二騾二馬載書遇邊塞

亭障呼老卒詢曲折有與平日所聞不合卽於坊肆中發書對勘或平原大野則於鞍上默誦諸經注疏在華陰與王宏撰等於雲臺觀側建朱子祠康熙間

詔舉博學鴻儒科又修明史大臣爭薦之並辭未赴康

熙二十一年卒於華陰年六十九

穆案先生年七十卒於蘭沃此皆誤

子門人以其喪歸葬崑山吳江潘耒敘其遺書行世

神道表

鄧全祖望詩亭撰

顧氏世爲江東四姓之一五代時由吳郡徙徐州

穆案徐乃

滁之南宋時遷海門已而復歸於吳遂爲崑山縣之花

浦村人其達者始自明正德間曰工科給事中廣東按

察使司僉事漆及刑科給事中濟刑科生兵部侍郎章

志侍郎生左贊善紹芳及國子生紹芾贊善生官廕生

同應同應之仲子曰絳卽先生也紹芾生同吉早卒聘

王氏未婚守節以先生爲之後先生字曰寧人乙酉改

名炎武亦或自署曰蔣山傭學者稱爲亭林先生少落

落有大志不與人苟同耿介絕俗其雙瞳子中白而邊
墨見者異之最與里中歸莊相善共遊復社相傳有歸
奇願怪之目於書無所不窺尤留心經世之學其時四
國多虞太息天下乏材以至敗壞自崇禎己卯後歷覽
二十一史十三朝實錄天下圖經前輩文編說部以至
公移邸抄之類有關於民生之利害者隨錄之旁推互
證務質之今日所可行而不爲泥古之空言曰天下郡
國利病書然猶未敢自信其後周流西北且三十年通
行邊塞亭障無不可訂而始成其別有一編曰肇域志

則考索利病之餘合圖經而成者予觀宋乾淳諸老以經世自命者莫如薛良齋而主道夫倪石林繼之葉水心尤精悍然當南北分裂闢而得之者多於見若陳同甫則皆欺人無實之大言故永嘉永康之學皆未甚粹未有若先生之探原竟委言言可以見之施行又一稟於主道而不少參以功利之說者也最精韻學能據遺經以正六朝唐人之失據唐人以正宋人之失欲追復三代以來之音分部正秩而究其所以不同以知古今音學之變其自吳才老而下廓如也則有曰音學五書

性喜金石之文到處卽蒐訪謂其在漢唐以前者足與古經相參考唐以後者亦足與諸史相證明蓋自歐趙洪王後未有若先生之精者則有曰金石文字記晚益篤志六經謂古今安得別有所謂理學者經學卽理學也自有舍經學以言理學者而後邪說以起不知舍經學則其所謂理學者禪學也故其本朱子之說參之以慈谿黃東發日抄所以歸咎於上蔡橫浦象山者甚峻於同時諸公雖以苦節推百泉二曲以經世之學推梨洲而論學則皆不合其書曰小學指南或疑其言太過

是固非吾輩所敢遽定然其謂經學卽理學則名言也而日知錄三十卷尤爲先生終身精詣之書凡經史之粹言具在焉蓋先生書尙多予不悉詳但詳其平生學業之所最重者初太安人王氏之守節也養先生於襁褓中太安人最孝嘗斷指以療君姑之疾崇禎九年直指王一鶚請旌於朝報可乙酉之夏太安人六十避兵常熟之郊謂先生曰我雖婦人哉然受國恩矣果有大故我則死之於是先生方應崑山令楊永言之辟與嘉定諸生吳其沆及歸莊共起兵奉故鄣撫王永祚以從

夏文忠公於吳江東授公兵部司務事既不克永言行遁去其沆死之先生與莊幸得脫而太安人遂不食卒遺言後人莫事二姓次年閩中使至以職方郎召欲與族父延安推官咸正赴之念太安人尙未葬不果次年幾豫吳勝兆之禍更欲赴海上道梗不前先生雖世籍江南顧其姿稟頗不類吳會人以是不爲鄉里所喜而先生亦甚厭翬展浮華之習嘗言古之疑衆者行僞而堅今之疑衆者行僞而脆了不足恃既抱故國之戚焦原毒浪日無甯晷庚寅有怨家欲陷之乃變衣冠作賄

賈遊京口又遊采中次年之舊都拜謁孝陵癸巳再謁
是冬又謁而圖焉次年遂僑居神烈山下遍遊沿江一
帶以觀舊都畿輔之勝顧氏有三世僕曰陸恩見先生
日出遊家中落叛投里豪丁酉先生四謁孝陵歸持之
急乃欲告先生通海先生亟往擒之數其罪湛之水僕
壻復投里豪以千金賄太守求殺先生不繫訟曹而卽
繫之奴之家危甚獄日急有爲先生求救於某公者某
公欲先生自稱門下而後許之其人知先生必不可而
懼失某公之援乃私自書一刺以與之先生聞之急索

刺還不得列揭於通衢以自白某公亦笑曰甯人之卜也曲周路舍人澤溥者故相文貞公振飛子也僑居洞庭之東山識兵備使者乃爲愬之始得移訊松江而事解於是先生浩然有去志五謁孝陵始東行墾田於章邱之長白山下以自給戊戌遍遊北都諸畿甸直抵山海關外以觀大東歸至昌平拜謁長陵以下圖而記之次年再謁旣而念江南山水有未盡者復歸六謁孝陵東遊直至會稽次年復北謁思陵由太原大同以入關中直至榆林是年浙中史禍作先生之故人吳潘二子

死之先生不幸而脫甲辰四謁思陵事畢墾田於雁門
之北五臺之東初先生之居東也以其地溼不欲久留
每言馬伏波田疇皆從塞上立業欲居代北嘗曰使吾
澤中有牛羊千則江南不足懷也然又苦其地寒乃但
經營創始使門人輩司之而身出遊丁未之淮上次年
自山東入京師萊之黃氏有奴告其主所作詩者多株
連自以爲得乃以吳人陳濟生所輯忠節錄指爲先生
所作首之書中有名者三百餘人先生在京聞之馳赴
山東自請勘訟繫半年富平李因篤自京師爲告急於

有力者親至厯下解之獄始自復入京師五謁思陵自是還往河北諸邊塞者幾十年丁巳六謁思陵始卜居陝之華陰初先生遍觀四方其心耿耿未下謂秦人慕經學重處士持清議實他邦所少而華陰綰轂關河之口雖足不出戶而能見天下之人聞天下之事一旦有警入山守險不過十里之遙若志在四方則一出關門亦有建瓴之便乃定居焉王徵君山史築齋延之先生置五十畝田於華下供晨夕而東西開墾所入別貯以備有事又餌沙苑蒺藜而甘之曰啖此久不肉不茗何

也凡先生之遊以二馬二騾載書自隨所至阨塞卽呼
老兵退卒詢其曲折或與平日所聞不合則卽坊肆中
發書而對勘之或徑行平原大野無足留意則於鞍上
默誦諸經注疏偶有遺忘則於坊肆中發書而孰復之
方大學士孝感熊公之自任史事也以書招先生爲助
答曰願以一死謝公最下則逃之世外孝感懼而止戊
午大科

詔下諸公爭欲致之先生豫令諸門人之在京者辭曰
刀繩具在無速我死

穆業先生之辭大科乃二徐之力
謝山蓋誤以梨洲之事例先生也

次年大修明史諸公又欲特薦之貽書葉學士初庵請
以身徇得免或曰先生盍亦聽人一薦薦而不出其名
愈高矣先生笑曰此所謂釣名者也今夫婦人之失所
天也從一而終之死靡慝其心豈欲見知於人若曰盍
亦令人強委禽焉而力拒之以明節則吾未之聞矣華
下諸生請講學謝之曰近日二曲亦徒以講學故得名
遂招逼迫幾至凶死雖曰威武不屈然而名之爲累則
已甚矣又况東林覆轍有進於此者乎有求文者告之
曰文不關於經術政理之大不足爲也韓文公起八代

衰若但作原道諫佛骨表平淮西碑張中丞傳後諸篇
而一切諛墓之文不作豈不誠山斗乎今猶未也其論
爲學則曰諸君關學之餘也橫渠藍田之教以禮爲先
孔子嘗言博我以文約之以禮而劉康公亦云民受天
地之中以生所謂命也是以有動作禮義威儀之則以
定命然則君子爲學舍禮何由近來講學之師專以聚
徒立幟爲心而其教不肅方將賦茅鴟之不暇何問其
餘尋以乙未春出關觀伊洛歷嵩少曰五嶽遊其四矣
會年饑不欲久留渡河至代北復還華下先生旣負用

世之略不得一遂而所至每小試之墾田度地累致千金故隨遇卽饒足徐尙書乾學兄弟甥也當其未遇先生振其乏至是鼎貴爲東南人士宗四方從之者如雲累書迎先生南歸願以別業居之且爲買田以養皆不至或叩之答曰昔歲孤生飄搖風雨今茲親串崛起雲霄思歸尼父之轅恐近伯鸞之竈且天仍夢夢世尙滔滔猶吾大夫未見君子徘徊渭川以畢餘年足矣庚申其安人卒於崑山寄詩挽之而已次年卒於華陰誤無子徐尙書爲立從孫洪慎以承其祀

穆案洪慎乃先生之從子先生既立

吳江族子衍生爲嗣又立洪慎
之子世樞爲子後此皆誤年六十九誤門人奉喪

歸葬崑山之千墩高弟吳江潘耒收其遺書序而行之

又別輯亭林詩文集十卷而日知錄最盛傳歷年漸遠

讀先生之書者雖多而能言其大節者已罕且有不知

而妄爲立傳者以先生爲長洲人可哂也

穆案榕村集有顧亭人小

傳稱爲吳之長洲人謝山蓋卽指此

徐尙書之冢孫涵持節粵中數千里

貽書以表見屬余沉吟久之及讀王高士不庵之言曰

甯人身負沉痛思大揭其親之志於天下奔走流離老

而無子其幽隱莫發數十年靡訴之衷曾不得快然一

吐而使後起少年推以多聞博學其辱已甚安得不掉
首故鄉甘於客死噫可痛也斯言也其足以表先生之
墓矣夫其銘曰先生兀兀佐王之學雲雷經綸以屯被
縛渺然高風寥天一鶴重泉拜母庶無愧怍

何紹基顧先生祠詩

附 甲辰五月

亭林先生祠小子始營繕繁惟城西偏慈仁森佛殿當
時寺宇宏市集萃圖卷國初諸老儒買書乘暇宴先生
結契廣僑寓置鑑扇至今雙松下彷彿見遺跡承平二
百載光陰若流箭古碣餘斷龜空梁墜飢燕我卜隙地
寬謂可靈爽莫諸公聞此議合作相呼忭香鋪猥見屬
木甃自遶棟刪蕪出古樹明月夜來冒崇崇屋三楹爛
爛秋一片落成奉遺像覽揆潔盥薦肅然道義容警我
塵土賤車徐譜歲月張子重論譔江南大河北餘韻蒐

討徧

張不州據車秋舂徐星翁所撰亭林年譜合爲定本增益辨正甚博且精攜稿至山東江南蒐得遺

事詩文

勒記待貞珉儀徵潘老硯

阮相國師記文尙未寄到冬彙條

頗多

已飄春鷺復來囀次第皆識職初終矢無倦持衡

恩命被萬里指羅甸

五月一日紹基奉命主試貴州

登程復過祠仰

止有餘眷溯惟明代末世苦龍蛇戰氣節誠乃隆兵將

多不練小儒獨何爲俗學爭相煬語錄飾陋窳詞章門

輕舊先生任道堅千古係後先研窮經史通曠朗天人

見鬱積忠孝懷慘澹時世變同時顧李閭驂靳隨勒鞅

餘子因人成輟鐙亦相戀經心執聖權首啓

熙朝彥兵刑禮樂尊九數六書衍漢宋包羣流周孔接
一線精光爍日星果力策雷電自非菰中人孰開衆目
眩欽惟

純廟年四庫盛編纂萬軸歸

文淵千士萃祕院儀徵實後至草創儒林傳論學采源
流全編有冕弁諸儒始相驚

乙覽大稱善

阮師撰國史儒林傳以先生居首

元氣入人心史筆非私

擅小子雖情學遺書早窺眇洎與脩史職讀傳生歎羨
從來聖道大青史資爛絢微言察天地正路化狂狷功

名與文章因時見陶鍊惟茲下學事萬古有繼禪儒林

道學分宋史妄矜衍六藝天道樞

班書儒林傳語意

傳例重班

掾先生冠儒林狂瀾植厓堰君親鑒吾身學行須貫穿
願從實踐入敢恃虛談便且當語黔士庶弗規爲瑱再
拜別先生歸來已寒霰